





~~Antiqua Bibliotheca~~

H

DIVI IOANNIS

1

CHRYSOSTOMI IN EPISTOLAM DIVI
Pauli ad Romanos Homilia octo priores GER-
MANO BRIXIO Antissiodorensi, ca-
nonico Parisiensi Interprete.

2 3000

Nunc primum & uersæ & æditæ.



36.18.D.18

FRO BEN.



BASILEAE EX OFFICINA FROBENIANA
ANNO M. D. XXXIII

Cum gratia & priuilegio Cæsareo ad sex annos.

non fressel.



THE UNIVERSITY OF CHICAGO

44

2

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

GERMANVS BRIxiVS LECTORICANDIDO



VOD de Vlyſſe dixiſſe fertur Ari
 ſtoteles, illum quū ad inferos de
 ſcendiſſet, cum omnibus ferè ma
 nibus fuiſſe collocutum, ipſam He
 rebi reginam Proſerpinam ne ui
 dere quidem potuiſſe, idipſum ſa
 ne de ijs merito dicere poſſimus, qui liberalibus im
 buti diſciplinis, in eis acquieſcentes cōſenescunt, phi
 loſophiæ Chriſtianæ ſtudia nunq̃ attingunt: Quæ
 tamē una & reliquas liberales artes ueluti ſibi pediſ
 ſequas habet, & homini præſertim Chriſtiano, in pri
 mis expetēda, p̃ſequēda, in oculis habenda eſt, ac cu
 ius gratia cætera illi oīa & legenda, & diſcenda ſunt.
 Hunc enim nobis finē unū deſtinare, hūc nobis unū
 in ſtudijs ſcopū proponere debemus, qui uere CHRI
 STO nomen dedimus, huc diſciplinas ipſas ediſce
 re, huc in eloquentiæ uel Atticæ, uel Romanæ, uel
 utriuſq; ſtudijs uerſari, ut Chriſtianæ tandem phi
 loſophiæ ſacris plene imbuti, CHRISTVM unum
 intelligamus, in CHRISTI unius præcepta, ac man
 data iuremus, CHRISTI unius laudem, gloriam,
 decus agnoſcamus, extollamus, celebremus. Proin
 de neminem ego uſquam extitiſſe adhuc puto, æta
 te quidem noſtra, lector candide, cui Chriſtiana ea,
 quam dico, philoſophia, plus debeat, quàm uni

A 2 ERASMO

ERASMO Roterodamo meo, ut cuius perpetuis
 uigilijs, laboribus, sudoribus sic illa nobis in dies ma-
 gis ac magis instauratur, ut mihi ea quidem (enun-
 ciabo apud te aperte quod sentio, & *δὲ μὲν ἄνωσθαλω,*
μὲν) nunc demū ex umbra, quod aiunt, in solem
 producta, ex spinis, ut sic dixerim, in rosas uersa, de-
 niq; sibi ipsi quodammodo restituta uideatur. Red-
 diderāt sane eam nobis Theologi quidam sic aspe-
 ctu tristem, sic aditu difficilem, sic congressu moro-
 sam, inamœnam, inamabilem, ut illius consuetudi-
 nem (de me uno loquor) maiorem in modum refor-
 midarem. Nunc quum ERASMI eiusdem indu-
 stria, artificio, cultu tam nobis illa ad sese faciles ac-
 cessus præbeat, ne uiuam, nisi me eiusdē congressus,
 ac consuetudo sic capiat, delectet, afficiat, ut constitu-
 tum mihi sit, uel relictis Musarum studijs (quæ me
 iam inde ab ineunte adulescentia in primis delecta-
 rūt, ac quibus ipsis quid tandē amœnius, suauiusq;
 esse potest?) in illius unius philosophiæ cultu no-
 stram omnem operam posthac collocare, & ita col-
 locare, ut qui inde fructus à nobis colligi poterunt,
 ij ad te unum potissimum sint redituri. Atq; ut ad
 ERASMVM redeam, is quum uideret, nobis non
 admodum infelicitè cessisse (absit iactantia uerbo
 huic) quæ nos antea Chrysostomi scripta, hortatu
 quidem suo, è Græco sermone in latinum uertisse-
 mus

mus, iudicaretq; unà cum alijs aliquot amicis, sibi de me quiddam merito meo maius persuadētibus, me in hac è Græco in latinum uertendi prouincia, si minus eleganter, at certe non indiligenter, uersari solere, factum est, ut simul atq; è bibliotheca Ladenburgēsi Germanica eruere potuit Chrysostomi aurea, ac uere diuina in diui Pauli ad Romanos epistolam cōmentaria, opus à nemine (quod mirum est) antea uersum, ea statim commentaria describenda, & ad me mittenda curauerit, ut per me latina facta olim in studiosorū manibus uersari auderent. Quibus statim cōmentarijs acceptis dum, iuxta Horati præceptū, periclitari uolo, quid ferre recusent, quid ualeāt humeri, ipsum certe totū opus iterū atq; iterū à uertice, ut cū Hieronymo loquar, usq; ad extremū unguē diligentissime excussum expendo. ut quem admodum apud Homerum poetarum sapientissimū sese Achilles sub armis suis probat, considerans *εἰ οἱ ἰφάρμοσται καὶ ὑπὲρ ἔχουσιν ἀγλαὰ δῶρα,* sic ego accurate lecto, excussoq; Chrysostomico opere mecū ipse examinarē, ecquid ei, quæ mihi ab

ERASMO meo rogante deferretur, prouinciæ idoneus essem. Moris est autem & alioqui perpetui nostri sic me intra memet quærere, ut ex aliorū de me iudicio haud ita multum pendeam. Neq; uero hic lector optime immorabor in explicandis ijs sudoribus

bus, laboribusq̃, quos immensos miser, noctesq̃
ac dies, toto hoc anno exhausti, dum uisum mihi ob
stinatumq̃ est, homiliarum librum ab eodem E R A
S M O ad me missum prius à mendis, erratisq̃ om
nibus asserere, quàm me ad illius uersionem compo
nere, Tantum id unum affirmare audebo, ne ipsum
quidem Aristarchum illi restituendo parem futu
rum fuisse, non aliunde suppetias nactum. Sic enim
mēdis prodigiosis scatebat, sic maculis infinitis con
spurcatus, inquinatusq̃ erat, ut minus laboris in Au
giæ, quod aiunt, stabulo expurgādo hausurum me
fuisse crediderim. Quo minus miror, quod nobis
E R A S M V S idem epistola ea scripsit, qua nos ad
commentariorum horum uersionem hortatus est.
Fuisse quosdām ad quos ipse, priusquā ad me, idem
opus uertendum misisset, qui sexto demum post
mense, codice ad eum remisso, ingenue fassi sint, sese
tenebris illis plusquam Cimmerijs assequendis mi
nime pares fuisse. qui enim pares essent? quū ab ijs
ne Delius quidem natator euasurus fuerit? Abs qui
bus tamē ut emergeremus, en nobis tandem Vero
na manum porrexit suam: abs qua uidelicet nuper
ad nos Chrysostomi liber idem perlatus est, inibi
Græcis formis, episcopi ueronēsis sumptu, excusus.
Nam tametsi Veronensis liber & ipse quoq̃ cōplu
ribus locis sic deprauatus, deploratusq̃ est, ut quū
in co

in eo non uoces tantum, sed & sententiæ identidem integræ, nōnunquam & semipagellæ desiderentur, certe per eum unum nunquam tibi, quantumuis licet Græce gnaro, sese Chrysostomus integre intelligendum præbeat: tamen dum partim utrunq; inter se codicem, hoc est & Germanicum, & Veronensem diligentissime conféro, partim quæ prima legeram cum postremis, quæ rursus postrema cum primis, ad amussim expendo, facta prius mihi nō uulgari (falli me non puto) Chrysostomicæ phraseos familiaritate, factū est, ut libri totius homilias priores octo, sunt autem omnino duæ & triginta, sic restituerim, ut mihi quidem eæ numeris suis omnibus constare nunc demum uideātur. Cuius quidem rei fidem publice per me factā esse uolui. curauim enim ut eadem homiliæ octo non solum à me latine, sed & à chalcographis Græce æderentur: ut iudicent, qui Chrysostomicæ lectionis studiosi sunt, q̃ non fidere debeāt, ne codici quidē ei, cuius quidem additionem toto hoc triennio nobis Verona suspensam tenuit. quæ ipsa sanè nobis (cur enim quod uerum est dissimulem?) *καὶ τὴν παροιμίαν ἀνθρώπου ἀντὶ τοῦ θησαυροῦ, μὴ ἀντὶ τοῦ λείοντος ἀπίδειξεν.* uerū quid facias? quū qui ad eiusmodi functiones operam afferunt suam, uel defunctoriā, nec admodum strenuam afferunt, uel, quod magis crediderim, nec
soluendo

soluendo sint, & quæstui interim tantum uel priua-
 to suo, uel chalcographi seruiant. Nam quisquis ille
 fuit, qui Veronensi codici emaculando, ædendoq;
 præfuit, is certe tantum abest, ut magnam nobis in
 Græcis uel industriam, uel doctrinam probauerit
 suam, ut summam etiam supinitatem dicam, an stu-
 piditatem: prodiderit. Quod superest lector candi-
 de expectare te à me uelim, & reliquas item operis
 huius homilias, eadē fide, ut ne quid maius dicam,
 à me latine redditas, qua sunt eæ, quas tibi hic profe-
 ro. neq; enim superfedere est animus, donec pēsūm,
 quod in manibus est, totū absoluerō. Quod si quis
 tamen forte existet, qui mecum in hoc stadio decur-
 rere, mihiq; in reliquarū homiliarū uersione ante-
 uertere uolet *ἰδὲ νῦν ἢ ῥόδιον*, *ἰδὲ νῦν ἢ πῆδλημα*.
 Neq; enim tā ipse gloriæ meæ fauerim, ut cuiquam
 societatem eius inuideam, ne hac quidem ratione
 æditionem nostrā reliquam præcipitaturus. quum
 & alioqui propositi, institutiq; nostri ueteris sit, quo-
 ties quid ædendum nobis est, *βραδύως πρὸς εἰς*.
 Vt quibus persuasum sit, haud multo minus refer-
 re, quàm bene, q̃p, quàm cito aliquid ædas. *μὴ χάνει
 γὰρ βραδύς ὠκύς*, & aquilam nōnunquam testudo
 uincit: Cum eo quoq; quod nobis certe operis ali-
 cuius nostri æditionem parantibus Zeuxis dictum
 illud identidem succurrit. qui Agatharcho pictori se
 de pingendi

de pingendi celeritate iactitanti, quum ipse diutius operi immoraretur suo, respondit, quæ cito fierent, ea cito & perire, contra, quæ paulatim exacta cura absoluerentur, ætatem ferre. Et Hercule sine dubio nobis diu meditanda ea esse semper duximus, quæ æternitati, posteritatiq; meditamur, ac quæ iuxta Aeschyli dictum Saturno dicata esse cupimus: Cuius equidem gratiã emereri maluerim, ut B V D AEI familiaris mei uerbis utar, quàm Mercurij præsentis, ac nundinatoris. Sed quid ego plura? Nam longiore præfatione tibi hic uel excusare, uel comendare mei in uertendis Græcis studij rationem haud necessariũ arbitror. Nos modo dignum aliquid oculis, dignum auribus tuis, dignũ etiam chartis meditemur: perficiamusq; ut nobis nostræ huius rusticationis, solitudinisq; ratio, ac fructus constet, & ita constet, ut quem nobis in Bertocuriano hoc, liberioris studij causa, secessum, ab urbano strepitu procul delegimus, is sententia tua, (quod optamus quidẽ) possit quandoq; non desidia, sed trãquillitatis, non inertia sed ocij, eiusq; haudquaquam infructuosi, nomen mereri. Enĩmuero (quod penè omiseram) rogatum te à me esse perquam uelim, ut ne latinam nostrã (si qua tamen in me esse potest) eloquentiam harum dictione homiliarũ tantum metiaris. In quibus uidelicet interpretis officio dum fungimur, ne-

B cessario

cessario uoces, sed non eas ita multas, usurpare coacti fuimus, quas ipsas probe admodum sciebamus ab Romanæ linguæ principib. ijs minime receptas, in quorum uerba iurare cum mea quidem sententia, oportet, qui ex se ipse aliquid meditatur, ac componit: non etiam cum, qui à Græcis aliquid ad latinos transfert. aliud est enim auctoris, aliud interpretis, & tanquam actoris partes agere. Bene uale. Ex Berto-
curiano nostro Idibus Nouembris. M. D. XXXII.

GERMANVS BRIXIVS



Ost uarios τὸ βασιλῆως τὸ ἡμετέρου
mandros, quorum ego bonam par-
tem sequi, priuata cuiusdam rei causa,
coactus sum, Lutetiam quum reuertis-
sem, commodum mihi præsto fuit Philippus Mon-
tanus. quum & alioqui cogitarem de adeundo, aut
certe accersendo ad me homine. utpote abs quo e-
doceri auerem τὰ κατὰ σε πάντα. A nullo enim
alio nec uerius, nec copiosius, res tuæ omnes renun-
ciari nobis solent. Is nobis quum diceret, audiisse se
Chrysostomi homilias eas, quas iā latinas fecissem,
maiorē in modū à Frobenio tuo desiderari, que-
rerer autem ego apud eum grauissime, de eo codice
quem tu ad me corruptissimum misisses: mihi si no-
minis

minis mei integritati consulere uellem, haud sanè
cōmittendum, ut quod uerteram, publicarem: aliū
porrò codicem à Roma expectare, cuius auxilio la-
cunas eas complem, quas quidem ijs in locis reli-
querā, quæ sine dubio in tuo codice sic uiciata, men-
dosaq; erant, ut ad ea restituenda non alio Aristar-
cho, q̃ ip̃somet Chrysostomo autore opus esset:
sed hoc ipsum dum sic quererem, nunciat ille nobis
hic tandem uenire idem illud Chrysostomi opus,
Veronæ typis Græcis excusum. cuius mihi copiam
fieri quum magnopere me cupere indicassem, ecce
tibi Montanus cuestigio ad me, opus ipsum perfert.
Ibi ego nihil cunctatus ad loca aliquot ex eorū nu-
mero cōfugio, quæ mutila mihi in tuo codice reper-
ta, alias stellulis notauerā, alias obeliscis confoderā,
ac propter quæ (quum innumera ea essent) operis
uersionem propemodū desperare cœperam. Quæ
loca quum bona quidem ex parte in Veronensi co-
dice sana atq; integrā cōperissem, cœpi ipse statim
mei miserescere, hoc est sudorū, laborumq; eorum,
quos ego anxie me torquens, locis illis per me resti-
tuendis, toto hoc anno hauseram. porrò autē Mon-
tano ipsi fidem feci, quā sit codex nō solum tuus,
sed & ueronensis quoq; corruptus, ut necesse mihi
sit fidelius exemplum expectare. Ad id spero, quod
ante dixi, Romanam bibliothecam auxilio mihi fo-

re. id quod nobis per literas pollicitus est Augusti-
 nus Triultius Cardinalis, uir, quod tu non nescis, in-
 ter præcipua seculi huius ornamenta numerandus.
 alioqui ne tute quidem si bene te noui (ut maxime
 etiam Frobenij tui commodis faucas) autor, puto,
 mihi fueris, æditionis nostræ inter tot codicum men-
 das, atq; errata præcipitadæ. præsertim in tanta ho-
 minum inuidētia, ac prauitate, in tanta ingeniorum
 malignitate, ac peruerſitate, in tanta linguarum mor-
 dacitate, ac uirulentia. An nō uides, obsecro te, ERA
S ME optime, quot maleuolorum uoculis, quot ui-
 perarum uenenatis sibilis, quot lætalibus aspidum
 morſibus obnoxios sese præbeant, qui uel eo uno
 nomine aliquid scribunt, æduntq; ut studia ipsa li-
 terarum pro sua uirili adiuuent, sicubi forte uel tan-
 tillum dormitantes de curru, quod aiunt, lapsi fue-
 rint? dic mihi, bona fide, quotumquenq; hodie esse
 putas, qui ad aliena scripta legenda, non magis car-
 pendī quid, suggillandiq; quā laudandi, appro-
 bandiq; animo feratur? Talis est hodie multorum
 improbitas (ut ne quid grauius dicā) ut quæ etiam
 proborum doctorumq; calculum mereri possint,
 ea hipponacteo, quod aiunt, præconio Zoili inse-
 ctentur. etenim eo sunt illi ingenio præditi, ut apes
 imitari quum præstaret (quod uetus uerbum Iano
 lascari præceptorī in Græcis meo identidem in ore
 esse

esse solet) quarum natura quidem ea est , ut legen-
dis hortorum,pratorumq; flosculis aduolēt, tamen
uenantes ubiq; quod carpāt,muscas potius sibi imi-
tandas proponant,quæ ipsæ hulceribus exugendis
famelicæ,ac molestę præsto adsunt. Eos certe homi-
nes, si hominum tamen,ac non potius pecudum no-
mine digni sunt,solet amicus quidam noster in pau-
cis doctus , militum eorū similes lepide admodum
dictitare,quos Memnon,quo tempore bellum pro
Dario rege aduersus Alexandrum gereret,dum con-
uicia petulanter in Alexandrum iacentes comperis-
set, hasta percussisse fertur,ego,inquiens,uos alo,ut
cum Alexandro cominus depugnetis, non etiam,ut
in eum eminus probra iaciatis.Sūt enim,sunt ἢ ipsi,
quos dico , uilitigatores tales certe , ut maledicere
tantum norint , cum aduersario pedem cōferre non
ausint. ἴδὲμ ut cū Chrysostomo hoc meo loquar,
*ταῖς κακῆθειας χαίροντες μάλλον, ἢ τοῖς ἰγναι-
μίοις ἑτοῖροι.* ut nihil hic de nouo quodā hominum
nostratium sodalitia agam , quos equidem mirari
satis nō possum.qui quum uoluptates diebus ac no-
ctibus sic persequātur , ut in illis studium omne ad-
dicāt suum,unde fieri necesse est,omnium infantissi-
mi ut sint,tamen alieni ingenij commendationem si
quando audiunt,inuidentiæ morbo uicti,haudqua-
quam ferre possunt.mirantur etiam, belli homines,
B 3 qui

qui fieri queat, ut qui apud eos à doctrina, uel Græca, uel latina, deniq; ab ingenij laude aliqua, cōmendatur, talis euadere potuerit, qualem illum euasisse audiunt. haudquaquam reputātes, sic eloquentiam ac doctrinam labore atq; exercitatione, ut infantia, inscitiamq; somnolentia atq; inertia parari. Itaq; tametsi ipsum homiliarum opus penè totum iam uertit (cuius item rei Montano per me fidem factā esse uolui, ostensis illi schedis meis omnibus) tamen antequam illius æditionem à nobis exire patior, expectabo, num alicunde castigatius exemplum nancisci adhuc possim. Quam enim *σπάεται ἑλαχον*, hanc ego modis omnibus, tū pro illius, tū pro mea ipsius dignitate exornare uolo. Crede mihi **E R A S M E** amicorum optime, tam eximium atq; excellens est, tam doctū atq; elegans, tam rarum atq; absolutum, tam Christianum atq; adeo tam diuinum Chrysostomi opus hoc, ut præclare admodū cum eo actum iri crediderim, cui ueluti diuina uirgula datum hoc fuerit, ut uel toto decennio ipsum opus, quod dico, latio à se donatū, in uulgus *ἀξίως τε καὶ ἀμωμῶς* ædere possit. Mihi sanè Socratis illud apud Platonem semper arrisit *κρείττον δὴ σμικρὸν ἐν, ἢ πλὴν μὴ ἰκανῶς πρῶται*. quanquā ad eam ipse æditionem decennium non postulo. maturabimus sic, ut par, congruensq; erit. Interim, donec totam æditionem profero

~~scripsit~~ 15
profero, ut lectori laboris nostri specimen, ueluti
gustū, præbeamus, homilias octo priores, tum Græ-
cas per Chrysostomum, tum latinas per me, quar-
tam totius operis partem, te & hortatore & auspice
publicamus. Tuum erit uigilias has nostras à syco-
phantarum, obrectatorumq; moribus, si qui forte
existent, defensitare. Bene uale & me, ut soles, ama.
Lutetiæ calendis octobris M. D. XXXII.

DIVI IOANNIS CHRYSO-
STOMI ARCHIEPISCOPI CONSTANTINO-
POLITANI in epistolæ ad Romanos interpretationem
proœmium Germano Brixio Antissiodo-
rensi Interprete.



BATI Pauli epistolarū lectionem
assidue dum ausculto, perq; hebdo-
madas singulas bis, sæpe & ter, &
quater, peragenda sanctorum mar-
tyrum memoriæ celebratione, gau-
dio exulto, interim tuba illa spiritali perfruens, ex-
urgo, quidē, & desiderio incalesco, uocem mihi ami-
cam agnoscens: quin & tantū non præsentem ipsum
imaginatus, differentem audire uideor. Idem tamen
ego præ dolore discrucior hoc ipso, quod uirū hunc
non

non omnes, sic, ut par est, intelligūt, uerum ita illum nonnulli ignorant, ut ne epistolarum quidem eius numerum plane norint. Hoc ipsum autem nō ignorantia facit: sed quod nolint beati huius uiri scripta assidue in manibus habere. Neq; enim nos quæ scimus (si qua scimus) ab ingenij bonitate atq; acumine scimus: sed quod illi nos uiro impense affecti, ab illius lectione nunquam discedimus: siquidem qui amant, ij ante omnes eorū facta norunt, quos amāt, ut qui de ijs ipsis sint solliciti. id quod beatus hic ueluti plausum captans, ad Philipenses ait: sicut est mihi iustum ut hoc de uobis omnibus sentiā, eo quod habeam uos in corde & in uinculis meis, & in defensione & confirmatione euangelij. Quapropter si & uos quoq; in animū induxeritis huius lectioni studiosam ac diligentem operā nauare, nihil sane erit, quod aliud requirendum uobis sit. uerax est enim Christi sermo dicentis. quærite & inuenietis, pulsa te & aperietur uobis. Cæterum quādoquidem complures ex ijs, qui huc nobiscum conuenere, & liberorum educationem, & uxoris curam, & familiæ prouidentiam susceperere, ob idq; totos sese huic labori dare nō sustineant, attamen ipsi uos excitātes comparate, ad ea demum capienda, quæ alij collegerint, studiū tantundem ijs, quæ dicta fuerint, auscultādīs, quantum pecunijs colligendis impertientes. tamen si
enim

enim sordidum est à uobis nihilo amplius postulare, tamen uel hoc ipso contenti erimus. tantundem ergo date. Siquidem hinc infinita exorta sunt mala, ab ipsa uidelitet sacrarum scriptionum ignorance. hinc multa hæreseon lues pullulauit. hinc uitæ in multis neglectus, hinc inutiles ac lucro carentes labores. Nam quemadmodū qui luminis huius usura sunt priuati, nequaquaquā recta ingredi possint, ita qui ad diuinarum scripturarū radios, oculos non intendunt, necessario in multa frequentes errata incurrunt, perinde ac si in tenebris molestis ambularent. id quod ut ne eueniat, oculos ad ipsum apostolicorum uerborum fulgorem adaperiamus. Etenim huius lingua supra ipsum etiam solem illuxit, cæteros omnes uerbi præceptione exuperans. Nam quod plusquam cæteri laborauit, magnā etiam spiritus sibi conciliauit gratiam. Id quod non ex illius epistolis tantum, sed ex actis ipsis ita esse contendimus. sicubi enim cōcionandi locus se offerret, ei passim concedebant omnes, quo nomine & Mercurius esse credebatur ab ijs, qui in Christi uerba nondum iurassent, quod uidelicet orationis, eloquētiaeque præses esset. proinde quum ad hāc nobis epistolam descendendū sit, necesse est & tēpus ipsum, quo scripta ea fuit, commonstrare. Neque enim ut multorum fert opinio, ceteras omnes tēpore præcessit. Eas quidem

C omnes

omnes, quæ Roma scriptæ fuere anteq̃: cæteras ali/
as, quamuis non omnes, subsecuta est. Nam quæ ad
Corinthios scriptæ sunt ambæ, ante hanc scriptæ
fuere. argumento sunt uerba ea, quæ ad huius epi/
stolæ finem adscripsit, ita loquens. nunc autem pro/
ficiscor Hierosolymam ministrâs sanctis: uisum est
enim Macedoniae & Achaiae communicationem ali/
quam facere in pauperes sanctos, qui sunt Hieroso/
lymis. Corinthiis autem scribens, ait. Quod si fuerit
operæ precium, ut ipse proficiscar, mecum proficien/
tur: de ijs loquens qui eò pecunias deportandas col/
ligebant. Vnde liquet, dum Corinthiis scripsit incer/
tam fuisse talem ipsius peregrinationem: dum autem
Romanis, cõstitutum iam illi fuisse de profectiõne.
Quo confesso, & illud constat, hanc epistolam post
illas scriptâ fuisse. Quin & ad Thessalonicenses epi/
stola uidetur mihi præcessisse epistolam ad Corin/
thios. Nam illis prius quum scripsisset, de cæp̃ eleemo/
syna apud illos sermonem mouisset, his uerbis, Cæ/
terum de fraterna charitate non necesse habetis, ut
scribam uobis, ipsi enim uos à deo didicistis, ut dili/
gatis uos inuicem, etenim hoc facitis erga cunctos fra/
tres, qui sunt in tota Macedonia: tum demum ad Co/
rinthios scripsit. id quod illius uerba hæc declarant.
Noui enim promptitudinem animi uestri, quam de
uobis iacto apud Macedones, quod Achaia parata
est ab

est ab anno superiore, & uestrum exemplum prouocauit cōplures. Quibus ex uerbis declarauit se cum illis prius hac de re collocutum. His igitur epistolis hæc ad Romanos scripta posterior est, eadem prima inter eas, quæ Roma missæ sunt. Nōdum enim Romam aduenerat, quo tempore hanc scripsit epistolam. id quod his uerbis indicat. Desidero enim uidere uos, ut aliquod uobis impertiar donum spirituale. Roma autem ad Philippēses scripsit. ideo ait, Salutant uos omnes sancti, maxime uero qui sunt ex Cæsaris familia. Quo ex loco & ad Hebræos quoq; scripsit. ob quod ait eos omnes saluari ab ijs qui in Italia essent. Iam ad Timotheum epistolam & ipsam de uinculis scriptam Roma misit: quæ ipsa iudicio quidem meo epistolarū omnium est postrema. id quod eius finis arguit. Ego enim ait iam immolor, & tempus resolutionis meæ instat. quod autē inibi è uiuis decesserit, undequaq; liquet. Sed ad Philemonem epistola inter postremas est & ipsa, eaq; sub extremam ipsius senectam scripta. Itaque ait, nempe Paulus senex, nunc autem etiam uinctus Iesu Christi: eadem tamen præcessit epistolam ad Collossenses. Id quod ab epistolæ fine manifestum est. Collossensibus enim scribens ait, De omnibus rebus meis certiores uos faciet Tychicus, quem mihi una cum Onesimo fido & dilecto fratre. hic au-

tem Onesimusi erat, pro quo epistolam ad Philemonem composuit. ac quod non alius esset illi cognominis, patet ab Archippo. quem enim in epistola ad Philemonē socium accepit exhortationis pro Onesimo susceptæ, hunc & ad Collossenses scribens excitat, his uerbis: dicite Archippo, uide ministerium quod accepisti, ut illud impleas. Videtur porrò mihi epistola ad Galatas præcessisse epistolam ad Romanos. quod si in biblijs alium obtinent ordinem, mirum esse non debet. Siquidem & duodecim prophetæ quū se inter se deinceps non subsequantur, si tempora inspicias, sed multum inter se ipsi tempore quum distent, si ipsam tamen bibliorum seriem inspexeris, inter se ordine sunt collocati. Siquidem & Aggeus, & Zacharias, & alij aliquot post Ezechielem & Danielelem prophetias ædiderunt. & multi item post Ionam, & Sophoniam, cæterosq; omnes: sed tamen cum illis omnibus coniuncti sunt, à quibus tanto temporis interuallo distant. Proinde hunc laborem nemo extra rem, neue hanc indagatiōē superuacaneæ curiositatis esse putet. Confert enim nobis non parum ad quæstiones explicandas ipsū epistolarum tempus. Nam quum uideo Romanis, ac Collossensibus Paulū ipsdem de rebus scribentem, non eodem tamen modo ipsdem de rebus, sed illis quidem magna cum ac/
commo/

commodatione, quum ait, Porrò eum qui infirmatur fide adsumite, non ad dijudicationes disceptationum: Alius quidem credit, uescendum esse quibuslibet, alius autem, qui infirmus est, holeribus uescitur: Colloso sensibus autem non perinde iisdem de rebus, sed maiore cum libertate, ac fiducia, Itaque si mortui, inquit, estis cum Christo ab elementis mundi, quid tanquam uiuentes in mundo decretis teneamini? ne tetigeris, ne gustaueris, neque contrectaueris, quæ omnia ipso pereunt abusu, non per honorem aliquem ad expletionem carnis: huius differentia nullam aliam inuenio causam, quàm ipsum epistolarum tempus. Initio enim cõdescendendum erat, postea autem non item. Atq; hoc identidem inuenias ipsum multis alijs locis factitantem. Hunc morem uidere est & medicum, & magistrum obseruare. neq; enim medicus cum ijs qui in morbi adhuc sint initio, & ijs qui ad ualitudinis finem iam declinarint, neque magister cum discipulis ab initio pueris, & cum ijs qui perfectioris doctrinae indigent, eadem ratione agit. Igitur alijs alia quadam causa & argumento adductus scribebat Paulus. Hoc ipsum declarat cum Corinthijs scribēs, de ijs autem quæ ad me scripsistis, tum Galatis statim ex prooemio & epistola tota hoc manifestans. Romanis uero quo nomine, & quam ob rem? Etenim testifica-

ri apud ipsos uidetur, quod sint pleni bonitatis, pleni omnis scientiæ, qui & possint inuicem alius alium admonere. Romanis inquam quamobrem epistolam misit? propter gratiam, inquit, mihi à deo concessam, ut sim in posterum minister Iesu Christi. ob quod & in epistolæ exordio dixit: debitor sum, ita quantum in me est paratus sum uobis quoque qui Romæ estis euangelizare. Nam quæ modo diximus, uidelicet, quod possint & alios commonefacere, & quæ id genus sunt, laudationis potius fuerint, & exhortationis. Ac necessaria etiam & his erat per epistolas correctio. Nam quoniam nondum præsens esset duplici ratione eos ad honestæ uitæ normam informat, & epistolarum utilitate, & aduentus sui expectatione. Talis enim erat diuina illa anima, uniuersum terræ orbem circumplexa erat, & in seipso circumferebat omnes: cognitionem eam maximam arbitratus, quæ iuxta deum esset, atque adeo omnes amabat sic, ut si genuisset: quin potius maiorem præ se ferebat charitatem, quàm quiuis pater. Talis est enim gratia spiritus, uincit carnis partus, & feruentius desiderium exhibet. Id in primis uidere licet in Pauli anima, qui quidem ueluti uolatilis præ charitate effectus, omnes assidue circuibat nusquam manēs, nusquam stans. Posteaquam enim audiuit **CHRISTVM** dicentem, Petre si
amas

amas me, pascere oues meas, atque hunc maximum
charitatis terminum pronunciantem, dici non po-
test quàm eximie hunc præ se tulerit. Hunc igitur
& nos æmulati, si minus orbem uniuersum, si mi-
nus ciuitates totas, ac gentes, at certe suam quisque
familiam, uxorem, liberos, amicos, uicinos, ad bo-
nos compositosque mores informemus. neque ue-
ro mihi quisquam dicat, Rudis sum, & imperitus.
Petro nihil indoctius, Paulo nihil imperitius: & hoc
ille profitebatur, nec cum hoc fatentem pudebat.
Sin autem imperitus sim sermone, non tamen sci-
entia. Sed tamen hic imperitus & ille indoctus sex-
centos philosophos superarunt, sexcentis rhetori-
bus os obturarunt, suo ipsorum studio, propen-
saque uoluntate & gratia omnia peragentes. Quam-
nam ergo usurpabimus defensionem, qui ne uigin-
ti quidem nominibus, capitibusque sufficimus? ac
ne res quidem, quibus cum habitamus, utiles nos
præstamus? Causatio hæc & excusatio. neque e-
nim inscitia & imperitia dicendi munus prohibet,
sed segnitie, ac somnolentia. Hac igitur somnolen-
tia excussa, cum omni studio membra domestica
curanda suscipiamus, enixeque amplectamur, ut cum
hac in uita magnam tranquillitatem assequamur,
pro nostro erga deum timore necessarios nostros
ad morum rectitudinem componentes, tum in fu-
tura

tura infinitorum bonorū participes efficiamur, gratia, & summa erga nos benignitate Domini nostri Iesu Christi, per quem, & cum quo, patri gloria, una cum sancto spiritu, nunc, & semper, & in secula seculorum, Amen.

DIVI IOANNIS CHRYSOSTOMI IN EPISTOLAM AD ROMANOS
homilia prima Germano Brixio Antissiodorensi
canonico Parisiensi interprete.

PAULVS seruus Iesu Christi uocatus ad munus Apostolicū, segregatus in euangelium dei, quod ante promiserat per prophetas suos in scripturis sanctis Moyses &c.

Moyses libris quinque à se scriptis nusquam nomen suum addidit, neque qui illum subsecuti, quæ post illū gesta sunt, scripsere, sed neque Matthæus, neque Ioannes, non Marcus, non Lucas. At beatus Paulus ubique epistolarū nomen suum præponit. Quid itaque quod illi quidem præsentibus scribebant, ac superuacanea illis erat præsentis suæ declaratio. Hic autem è longinquo literas trans mittebat, & sub epistolari figura, ob quod necessaria erat nominis additio. Quod si in ea quam ad Hebræos scripsit, epistola, secus facit, id suo quodam proprio consilio facit. Nam quod

quod inimico essent Hebræi erga illum animo, ut ne è procemijs, audito eius nomine, sermoni aditū occluderent, illorū auditionē occultāda nominis sui declaratione artificiose captauit. Quod si prophetæ nomia sua apposueret, & Salomon, hoc ipsum uobis inuestigādū relinquo, qua de causa aliij quidē apposueret, aliij aut nō apposueret. Neq; em̄ uos oportet à nobis oīa discere, sed & ipsos uos elaborare, & exquirere, ut ne segniores efficiamini. Paulus seruus Christi.) Cur eius nomen immutauit deus, & Saulus qui esset, Paulum uocauit: ut ne hac quidem parte reliquis apostolis inferior esset: sed quod selectum, eximiumq; habuit discipulorū antesignanus, hoc & ipse adipisceret, & maioris necessitudinis argumentum obtineret. Christi porro seruū seipse non temere dixit. etenim seruitutis modi sunt plures. Alius per creationē, atq; opificium: unde ait, seruiunt tibi omnia: & item illud, Seruus meus Nabuchodonosor. ipsum enim opus auctori suo seruū est. alius à fide, de qua ait, Gratia autē deo, quod serui peccati eratis, obediuistis aut ex corde puro in eum doctrinæ typum, in quem traditi estis: liberi autem à peccato, iusticię seruiuistis. alius à uita, ac moribus, iuxta quem dictum est, Moyſes seruus meus obiit. quanquam & Iudæi omnes serui erāt, sed præcipue Moyſes uita ac moribus elucescens. Paulus itaque
D quod

quod seruitutis modis omnibus seruus esset, ideo
" maximæ dignitatis loco ponit uerbum hoc, Ser-
" uus Iesu Christi,) ac dispensationis nomina ob-
tendit, ab inferioribus ad superiora cōscendens. Ete-
nim Iesu nomen Angelus ferens uenit è cœlis tum
quū è uirgine natus est. Christus aut̃ q̃ unctus sit,
dicitur: quod & ipsum carnis erat. dices, quo tādē
unctus est unguēto? unguento certe minime est un-
ctus, sed spiritu. cōsueuit autem & hos sacra scriptio
Christos uocare. quod enim in ipsa unctiōe prin-
cipem locum obtinet, spiritus est, Et unguentum ob
id assumit̃. ubi nam uero oleo minime unctos Chri-
stos appellat? ubi ait, nolite tāgere Christos meos,
& in prophetis meis ne male quid agatis. tūc enim
unctio ex oleo non fiebat. Vocatus ad munus
" apostolicum. Vbique uocatum seipsum appel-
lat suam ostendens modestiam, & quod non ipse
querēdo inuenerit, sed uocatus, præsto fuerit, & obe-
diuerit. quin & eos qui in Christi fidem sunt recepti
sic appellat, uocatos sanctos. Illi quidem ad fidem
usq; uocati sunt: ipsi autem aliud quiddam concre-
ditum est, nimirum apostoli munus, res bonis infini-
tis exundās, gratijs omnibus maius, ac dona omnia
complectens. Quid enim amplius dixerimus, quā
id ipsum? uidelicet Christum quod nobiscum dum
uersaretur fecisset, hoc ipsum illis commisisse, ac sic
deum

demum à nobis abijsse? Id quod Paulus exclamās, apostolorumq; dignitatem extollens, ait, pro Christo legati sumus. tanquam Christo per nos conso-
lante, hoc est Christi uice. Segregatus in euange-
lium dei. Quemadmodū enim in familia aliqua
ad diuersa quisq; opera segregatus est, sic & in eccle-
sia diuersæ sunt administrationum distributiones.
mihi porrò uidetur hic nō sortitionem modo signi-
ficare, sed quod iam pridem atq; è supernis ad hoc
ordinatus esset. Quod & Hieremias ait de se deum
dixisse. Antequam ex uulua egredereris sanctifica-
ui te, prophetā inter gentes te collocaui. Nam quod
Paulus ad arrogantem ciuitatē scriberet, eandemq;
undequaq; fastu turgidam, modis omnibus osten-
dit dei ipsius decretum hoc esse. & enim ipse est, qui
uocauit, ipse est qui segregauit. hoc autem facit, ut fi-
de dignam & plausibilem reddat epistolam. In
Euangelium dei. Non igitur Matthæus euāgeliz-
sta solus, neq; Marcus, quemadmodum neq; hic so-
lus apostolus, sed & illi. quanquā per excellentiam,
alius quidem hoc, alij aut illud aliquod esse dicunt.
Ipsū autem Euangelium nō propter bona ea tan-
tum, quæ iam extitissent uocat, sed propter ea, quæ
futura essent. Cæterū quo pacto deū, Paulus ait,
per ipsum euangelizari? ait enim segregatus in euan-
gelium dei. quum pater ante ipsa etiam euangelia

cognitus esset. uerum quamuis cognitus esset, Iudæis
solis cognitus erat. ac ne his quidem omnibus, ut
decebat. neq; enim patrem ipsum esse nouerāt, atq;
adeo multa tum de eo imaginabantur cum illius di-
gnitate minime conuenientia. unde & dicebat Chri-
stus: Venient ueri adoratores. & rursus, Pater tales
quærit, qui ipsum adorent. post autem & ipse unā
cum Iesu ac filio uniuerso terrarum orbi apparuit.
Quod ipsum denunciās Christus dicebat, Vt te so-
lum uerum esse deum cognoscant, & quem misisti
Iesum Christum. Dei porrò euangelium uocat, ab
ipsis exordijs erigēs auditorem. neq; enim uenit tri-
ste quiddam renunciāns, ueluti prophetæ, accusatio-
nes, crimina, increpationes, sed euangelia, & euange-
lia dei, firmōrum & immutabiliū bonorum the-
sauros infinitos. Quod ante promiserat per pro-
phetas suos in scripturis sanctis. Dominus enim,
ait scriptura, uerbum dabit euangelizantibus uirtu-
te multa: & rursus, quā pulchri pedes pacem euan-
gelizantiū. Vides & præscriptè ipsum quoq; euan-
gelij nomen, & modum in ueteri etiā testamento
appositum. non enim per uerba tantum ipsum an-
nunciamus, inquit, sed per res. neq; enim euāgelium
id humanum erat, sed diuinum, & arcanum, & om-
nem transcendens naturam. postea uero quā no-
uitatem rei incusarēt, ostendit ipsum tum gentilibus
antiquius

antiquius esse, tum in prophetis ante scriptū. Quod si id ipsum non ab initio dedit, in causa sunt, qui id noluerunt admittere. Nam quibus uoluntas affuit, audiuerunt. Abraham pater uester gestiebat, ut uideret diem meum, & uidit, & gauisus est. Quomodo igitur ait, multi prophetae ac iusti desiderauerunt uidere, quæ uos uidetis, nec uiderunt? ita sanè intelligi to uerba hæc, ut uos uidetis & intelligitis, ipsam uidelicet carnem, & ipsa signa, quæ quidem & in hominum conspectu facta esse cōstat. Mihi uero contemplator, quot ante temporibus prædicta hæc fuerint. Etenim quoties deus magna quæpiam moliturus est, ea multo ante tempore denūciat, hominum auditionem exercens, ad ea quum aduenerint, excipienda. In scripturis sanctis. Non enim dixerunt prophetae tantum, sed & scripserunt quæ dixerunt: non scripserunt autem solum, sed & per res figurarunt. Veluti Abraham quū Isaac adducit, & Moses quū serpentē exaltat, quū manus ad Amalec extendit, quū agnū pascalē immolat. De filio suo, qui genitus fuit ex semine Dauid secundum carnem. Quid tibi nūc uis o Paule? Animos nostros postea, quam in sublime raptos subuexisti, ijdemq; magna quædā & arcana intra se ut cōciperēt, perfecisti, tum aut euāgeliū ubi nominasti, & quidē dei euāgeliū, ubi item prophetarum chorū in mediū adduxisti,

D 3 omnesq;

omnes p̄ ostendisti futura multis ante annis prædixisse, quorsum rursus nos ad Dauid reuocas? de homine uerba facis. quonam? dicito quæso. ac patrem illi das Iessæ filium? qui, obsecro, possunt hæc digna esse ijs, quæ à te dicta sunt? Nempe de nudo homine, ait, nobis haudquaquã est sermo, propterea hoc ipsum addidi, secundum carnem. subindicans, & secundum spiritũ eiusdem esse generationẽ. & quam obrem hinc orsus est, & non illinc à sublimioribus? quoniam & Matthæus hinc, & Lucas, & Marcus. Eum enim qui ad cœlum deducturus sit, ab inferioribus ad superiora deducat necesse est: hac enim deum ratione ipsum negociũ œconomiam accepit. primum igitur nouerunt ipsum hominem in terra, ac tum cogitauerunt deum. quam igitur institutionem ipse tradiderat, hanc & discipulus eius sectatur, nempe uiam illò ferentem. primum igitur tangit generationem eam, quæ secundum carnem est. non quod prima sit, sed quod ab hac ad illã auditorem deduxit. Qui declaratus fuit filius dei cum potentia secundũ spiritũ sanctificationis, ex eo quod resurrexit è mortuis Iesus Christus dominus noster. Obscurum est quod diximus ob dictionum inuolucrum. ob quod necessaria est illius distinctio. quid igitur est quod ait? prædicamus, inquit, eum qui ex Dauid natus est. sed hoc quidem apertũ. Vnde autem

tem

tem & filius dei est idem hic è carne conflatuſ: pri-
 mum à prophetis, ob quod ait, quod ante promiſe-
 rat per prophetas ſuos in ſcripturis ſanctis. non par-
 uæ autem probationis hic modus. deinde & ex ipſo
 generationis modo, quod & ipſe declarauit, quum
 dixit, ex ſemine Dauid ſecundum carnem, ipſam e-
 nim naturæ legem ſoluit. Tertium à miraculis, quæ
 ædidiſt, magnæ potentiæ argumentū præbens. hoc
 enim eſt, Cum potentia. Quartum ab ipſo ſpi-
 ritu, quem quidē dedit credētibus in ſe, & per quem
 omnes, ſanctos reddidit. unde ait, ſecundum ſpi-
 ritum ſanctificationis. Dei enim ſolius erat, id ge-
 nus dona largiri. Quintum à reſurrectione domini.
 primus enim hic & ſolus ſeiſum excitauit, quod &
 ipſe ait ſignum maxime omnium idoneum eſſe, &
 quod impudentibus oſ obſeruere poſſet. Soluite e-
 nim, inquit, templum hoc, & poſt tres dies excitabo
 ipſum. & quum exaltaueritis me à terra, tum co-
 gnoſcetis, quod ego ſim. & ruruſ. ſignum quærit ge-
 neratio hæc & ſignum non dabitur ei, niſi ſignū Io-
 næ. quid igitur eſt, declaratuſ: nempe oſenſuſ, de-
 monſtratuſ, iudicatuſ, confeſſuſ, ab omnium ſenten-
 tia, & calculo, à prophetis, à nec opinata natiuitate,
 natiuitate inquam ſecundum carnem, à potentia eâ,
 quæ in ſignis eſſet, à ſpiritu per quem ſanctificatio-
 nem dedit, à reſurrectione, per quam mortis tyran-
 nidem

- » nidem sustulit. Per quem accepimus gratiam ac
 » muneris apostolici functionē, ut obediatur fidei.
 Vide famuli modestum, gratumq; animum. nihil
 suum ipsius esse uult, sed omnia domino accepta re
 fert. atqui ipsius spiritus, id quod diximus, donum
 est. unde dixit, multa habeo, quæ uobis dicturus
 sum, sed ijs ferendis impares nūc estis: quum autem
 ille uenerit, nēpe spiritus ueritatis, dux uobis erit ad
 omnem ueritatē. & rursus, Segregate mihi Paulum
 ac Barnabam. & in epistola ad Corinthios ait: huic
 » quidem per spiritum datur sermo sapientiæ, alij au
 » tem sermo scientiæ. Et illud, omnia ille diuidit, qua
 » tenus uult. & Milesius item dum concionatur, ait: in
 quo posuit nos spiritus sanctus pastores & episco
 pos. Vides, quod quæ spiritus sunt, ea filij, & quæ fi
 » lij sunt, eadē spiritus esse ait. Gratiā & apostolici
 » muneris functionē. Hoc est nō nos hoc uirtute no
 stra præstitimus, q; apostoli simus. neq; em̄ nostris
 multis sudorib. ac laboribus hāc dignitatē sortiti su
 mus, sed gratiā inuenimus, & superni doni beneficiū
 » id fuit. Ut obediatur fidei. Non igit apostoli fuere,
 qui egregia illa facinora præstiterē, sed gratia illos
 præueniens. Illorū enim erat circūuagari, ac præcor
 niū facere: persuadere autē, dei erat in illis uim exerent
 tis. Vnde & Lucas ait, aperuit cor ipsoꝝ. & rursus,
 » quibus datum erat auscultare uerbū dei. Ut obe
 diatur

diatur. Non dixit ut quæretur & argumentetur, sed ut obediatur: neq; enim missi sumus, inquit, ut argumenta, ut syllogismos afferamus, sed ut reddamus, quod nobis concreditum est. quum enim dominus aliquid pronunciauerit, audientes minime oportet curiose scrutari, sciscitariue, super ijs quæ dicta fuerint, sed excipere tantū. Etenim apostoli propterea missi sunt, ut quæ audiuiissent, ea dicerēt, non ut de suo aliquid adderēt. & nos utiq; ut credamus. quid? ut credamus. Super ipsius nomine. Non quidem, ut eius essentiā ac naturā curiose perscrutemur, sed ut in nomē credamus. Ipsum em̄ hoc erat, quod signa ædebat. In nomine enim Iesu Christi, ait, surge & ambula. hoc ipsum porro fidei indiget, neq; fieri ullo modo potest, ut harum rerum quicq; animi cogitatione comprehendas. Inter omnes gentes super ipsius nomine, quorū de numero estis & uos uocati Iesu Christi. Quid igitur? omnibus ne gentibus Paulus prædicauit? Certe quod ab Hierosolymis usq; ad Illyricum percucurrit, atq; illinc rursus ad ipsas terræ transierit extremitates, ex ijs liquet, quæ scripsit. quod si ad omnes non accessit, ne sic quidem, quod dicit, mēdacium fuerit. neq; enim de se ipse tantum loquitur, sed & de duodecim apostolis, deq; omnibus ijs, qui post illos uerbum annunciarunt. alioqui autem ne de ipso quidem Paulo

E si intel

si intellexeris, dictum ipsum coarguere possis, si modo illius propēsum studiū consideres, & quod post obitum etiam non cessat ubiq; terrarum prædicare. Considera porrò quonam modo ipsum donum at tollit, ostenditq; tum magnum esse, tum priori longe excellētius. Siquidem quæ prisca fuere, ad unam duntaxat gentem pertinuerunt. hoc autem donum & terram & mare ad se illexit. Mihi autem illud considerato, ut adulatione omni uacet Pauli anima. Cū Romanis enim uerba faciens, ueluti in uniuersæ terræ fastigio quodam constitutis, nihilo tamen amplius illis tribuit, quàm reliquis gentibus: neq; uero, quoniam tum dominarentur ac regnarent, ne in spiritualibus quidē illos amplius reliquis habere ait. Sed quemadmodū, ait, gentibus omnibus prædicamus, ita & uobis: cum Scythis ac Thracibus eos recensens. quandoquidē nisi hoc significare uoluisset, superuacaneum erat, hoc dicere, Quorum de numero estis & uos. Hæc autem facit, illorū fastum deijciēs, inanem mentis turgiditatē euacuans, eosq; instruēs æqualitatē erga alios seruare. Vnde ipsum hoc adiunxit. Quorū de numero estis & uos uocati Iesu Christi. Ac si dicat, nobiscū estis & uos. neq; sane dixit alios uobiscū, sed uos unā cum alijs uocauit. si enim in Christo Iesu non est neq; seruus, neq; liber, multo magis neq; Rex, neq; priuatus. & enim

enim & uos uocati estis, nō per uos ipsi aduenistis.
 Omnibus qui Romæ estis dilectis dei uocatis
 sanctis gratia uobis & pax à deo patre nostro & do-
 mino Iesu Christo. Vide ut assidue nomen uoca-
 ti usurpet. uocatus Apostolus inquires. quorum de
 numero estis & uos uocati. omnib. qui Romæ estis,
 uocatis. hoc autem nō superuacaneo sermone facit,
 sed quod eos uelit beneficij communefacere. quan-
 doquidē enim uerisimile erat inter eos, qui iam in
 Christum crederent, aliquos esse & consules, & mā-
 gnates, & prouinciæ præsidēs, & pauperes item &
 priuatos, abijciens, ac repudiāns dignitatum inequa-
 litatem, omnes unā appellatione ac salutatione di-
 gnatur. quod si in ijs quæ magis necessaria sunt,
 quæq; ad spiritum pertinent, cōmunia omnia tum
 seruis, tum liberis proposita sunt, quod genus sunt;
 caritas in eos qui illuminantur, uocatio à deo, euan-
 gelium, adoptio in dei filios, gratia, pax, sanctifica-
 tio, cætera omnia, qui postremæ nō fuerit demētiae
 quos deus copulauerit, æquales in maioribus effe-
 ctos hos à terrenis negocijs distinguere? Ea propter
 ab ipso protinus procæmio molestum hunc illorum
 morbum expellens diuus hic, ad bonorū omnium
 matrem modestiā ipsos subuehit. hoc ipsum & ser-
 uos meliores efficiebat, dū edocerentur, quod è ser-
 uitude detrimenti nihil acciperent, ut qui libertatem

eam, quæ uera sit, adepti essent. hoc ipsum & dominos ad modestiam componebat, dum instrueretur, quod nihil emolumenti ab ipsa libertate habituri essent, nisi quæ ad fidem spectat, præcessissent. Atque ut intelligas Paulum dum hoc facit, confusione non uti, neque omnia miscere, sed optimam diuisionem nouisse, non simpliciter scripsit Omnibus, qui Romæ estis, Sed cum definitione, Dilectis dei.

Hæc enim optima discretio, & declarat unde sanctificatio. Vnde igitur sanctificatio? à dilectione, quum enim dixisset, dilectis, addidit & illud, uocatis sanctis, ostendens quod hinc nobis bonorum fons omnium. sanctos autem uocat, fideles omnes. Gratia uobis & pax. O salutationem bonorum infinitatem adferentem, Hoc ipsum & Christus apostolis in domos ingredientibus primum enunciare uerbum mandauit. propter hoc & Paulus hinc ubique exorditur à gratia, & pace. neque enim paruum bellum Christus confecit, sed uarium & omnifarum, & diuturnum, & hoc non est nostris laboribus, sed per suam ipsius gratiam. Quoniam igitur dilectio gratiam, gratia autem pacem largita est, salutationis loco ipsa hæc ubi posuit, adprecatur continua & immota ea ut maneat, ut ne rursus aliud bellum redintegretur. & hortatur quidem cum qui dedit solida hæc asseruare, sic inquit. Gratia uobis & pax à deo patre nostro & domino.

dominio Iesu Christo. Ecce hoc loco præpositio hæc & πρὸ id est à, cōmunis est tam patri quàm filio, quod ipsum perinde est, ac si disset ἡ & , id est ex quo. nō enim dixit gratia uobis & pax à deo patre, sed à deo patre nostro & dño Iesu Christo. Pape q̃ potens est dei charitas: inimici & infames, sancti & filij repente effecti sunt. quum enim patrem uocauit, filios ostendit, quum autem filios dicit, uniuersum bonorum thesaurum detexit. **Morale.**

Perseueremus igitur uitam quisq; suam dignam tanto dono præstare. tum autem pacem & sanctificationem seruare. Cæteræ quidem dignitates temporaneæ sunt, atq; unà cum hac uita depercut, quæ & pecunijs sunt uenales, quasq; haudquaquā quis dignitates dixerit, sed dignitatum nomina dūtaxat, in uestiū ornatu, & in satellitum adulatione potestatem obtinentia. hoc autem, tanquā à deo datum donum sanctificationis, itemq; & adoptionis ne morte quidem intercidit, sed hac in uita splendescentes ubi effecit, ad futuram usq; nobiscum peregrinatur. Qui enim adoptionem asseruat, tum autem sanctificationem accurate custodit, splendidior multo est, & felicior eo, qui diademate indutus, ac purpura ornatus est, per hanc uitam magna tum tranquillitate tum pace exundans, unà cum spe bona educatus, ac nullum tumultus, turbationisq; argumentū habēs,

finis

E 3 sed

sed uoluptate perpetua perfruens. Animi enim tranquillitatem, & lætitiā nō principatus magnitudo, non pecuniarum cōpia, non potentiae tumor, non corporis fortitudo, nō mensæ sumptus, nō uestium ornatus, non aliud quicquam rerum humanarum adferre consuevit, præterquam recte factum solum spirituale, ac cōscientia bonā: quam certe qui puram habet, ut pannosus sit, ut cum fame luctetur, tamen trāquillior beatorū est ijs, q̄ inter delitias magnopere degunt. Quemadmodum & qui sibi male cōsciū est, ut omnium bona possideat, omniū est miserissimus. quapropter Paulus in assidua fame, ac nuditate uictitās, tum autem & quotidie flagris cæsus gaudebat, ac deliciabatur supra eos omnes, qui tum regnabant: Achaab autem, Rex quum esset, ac delicijs sumptuosius perfrueretur, commissō peccato illo gemit, animū despondens, eratq̄ illius facies colubescens, & post peccatum & ante peccatum. Igitur si uoluptate frui uolumus, ante omnia aliā fugiamus uitium, uirtutemq̄ sectemur: aliter enim nobis non licet uoluptatis participibus fieri, ut ad ipsum etiam Regium solium cōscenderimus. Quo nomine & Paulus dicebat. spiritus autem fructus est, dilectio, lætitia, pax. Hunc fructum apud nos enutriamus, ut & lætitia seculi huius perfruamur, & futurū regnum assequamur, gratia & benignitate domini nostri Iesu Christi

su Christi, per quem & cum quo, patri gloria, una
cum sancto spiritu, nunc, & semper, in secula seculorum, Amen.

HOMILIA II



Rimum quidem gratias ago deo meo
per Iesum Christum super omnibus
uobis, quod fides uestra annuntiatur
in toto mundo.

Conueniens beatæ illi animæ procemium, ac quod
satis sit, ad omnes erudiendos, tum operum, tum ser
monum bonorū decimas deo esse offerendas, neque
solum pro proprijs, sed & pro alienis successibus, ac
recte factis gratias agēdas. quod quidem animam
ipsam ab inuidentiæ ac malignitatis morbo liberat,
ac deum magis allicit ad eos amandos, quos grato
erga se animo esse cognouerit. quapropter & alibi
ait, benedictus deus, & pater domini nostri Iesu
Christi, qui benedixit nobis, in omni benedictione
spirituali. gratias porrò agere conuenit non diuites
modo, sed & paupertate oppressos, nō sanos, sed &
ægotâtes, non eos quibus prospera oīa, sed & eos,
quibus aduersa cōtingunt: Eū enim, qui secundo rer
um cursu fertur, deo gratias agere nihil mirum fue
rit. at uero quum ingenti suborta tempestate, iacta
ta undiq

ta undiq; nauis periculū incurrerit, tum demum magna existit patientiæ, æquanimittatisq; probatio. Quo certè nomine & Iob hinc coronā reportauit, & diaboli impudens os obturauit, planum faciens, se, quum felix esset, nō ob pecunias, sed ob multam erga deum caritatem, gratias agere. Dispicio autem tum quæ ea sint, ob quæ Paulus gratias agat, nō ob terrēna, ac pereuntia, nempè ob principatum, auctoritatem, gloriam, hæc enim nihili æstimāda sunt, sed ob ea, quæ uerè bona sunt, fidem, libertatem, ac fiduciam: tum aut quanto cum affectu gratias agat. non em̃ dixit deo, sed deo meo, quod ipsum & prophetæ factitant, quod commune est, sibi priuatim uendicantes. & quid mirum si prophetæ? ipsum enim hoc deus ipse in seruis quoq; facere identidem uidetur, deum Abraham & Isaac, & Iacob, de se proprie loquens. Quod fides uestra annunciat in toto mundo. Quid? omnis ne terra, Romanorū fidem exaudiuit? omnis ex illo. ac nihil, quod nō conueniat. neq; enim obscura, & ignobilis urbs erat, uerum tanquam in fastigio quodam sita, unde quaq; illustris. Mihi ipse porro cōsidera præconiū uim, ut breui tempore publicanorum ac piscatorum opera in ipsum urbium caput inuasert, ut homines Syri Romanis præceptores, atq; institutores extiterint. duo igitur merita ipsis testificatur & quod crediderunt

runt, & quod cum fiducia crediderunt, & quidem tanta, ut quæ de illis fama circūferretur, omnem terrarum orbem occuparet. Vestra enim, inquit, fides annūciatur in toto mundo. Fides inquam, non uerborum conflictus, neq; mutue disputationes, neq; syllogismi. quanquam multa inibi erant, quæ præceptionis rationem morarētur. Etenim nūper orbis principatum adepti fastu multo turgēbāt, in diuitijs ac delicijs uitam agentes. præconiū autem ipsum piscatores Iudæi ferebant, & quidem ex ea Iudæorum gente, quam omnes oderant, atq; abominabantur. quin & crucifixum adorandum esse hortabātur, eumq; in Iudæa eductum. Iam & unā cum ipso dogmate duram uitam agendam nunciabant magistri hominibus delicijs captandis studiū suum exercentibus, atq; adeo ad res uitæ huius ueluti stupidis. Adde quod qui hæc nunciabāt pauperes erāt & priuati, ignobiles, & ex parētibus ignobilibus orti. sed tamen nihil horum sermonis Euangelici cursum impediuit: tanta erat crucifixi potētia, ut ipsum uerbum quoquo uersum circummageret. Annūciatur enim, inquit, in uniuerso mundo. Nec dixit manifestatur, sed annūciatur. perinde quasi in omnium ore uerfaretur. Thessalonicensibus enim hoc quum testificatur, & aliud quiddam adiungit. nam quum dixisset, A uobis pertōnuit sermo domini

F ni, ad

ni, addidit, ut non sit nobis necesse loqui quicquam.
Discipuli enim in magistrorū gradu constituti erāt,
per suam ipsorum cōfidentiam omnes instituentes,
ad seseq; illicientes. nusquā enim ipsum præconium
constiterat, sed igne uehementius in omnem terrarū
orbem inuaserat. hoc autem loco hoc ipsum so-
lum ait, quod uidelicet annunciat. planum faciēs,
quod dictis nihil quicquam, neq; addendum, neq;
demendum esset. Angeli enim opus hoc est, quæ di-
cuntur, ea sola deferre. ob quod & sacerdos angelus
uocatur, quod nō sua ipse, sed ea tantum nunciat,
quæ ab eo acceperit, à quo delegatur. quanq; Petrus
inibi etiam prædicauit. sed illius facta, sua esse ducit,
usq; adeo, quod ante diximus, inuidētia omni supra
modū uacabat. Testis est enim mihi deus, quem
colo spiritu meo in euangelio filij ipsius. Verba
hæc ex apostolicis uisceribus expressa, paternum no-
bis animum uere repræsentāt. Quid autē est quod
ait: & quanam de causa deum testem citat? Ageba-
tur de animi affectu. ac quandoquidem nondū Ro-
manos uiderat Paulus, ob id neminem hominē, sed
eum potius, cuius est humana corda perscrutari, te-
statur. Nā quod dixit, Amo uos (cuius rei argumen-
tum hoc ostendit, quod semper in precibus oret ad
eos accedere) id ipsum quum non innotesceret, con-
fugiendum sibi putauit ad testimoniū fide dignum.

Num

Num poterit quisquam ex uobis gloriari, dum pro familia sua preces fundit, tum ecclesiæ supplement se meminisse: non arbitror, quum tamē Paulus non pro ciuitate una, sed pro uniuerso orbe cū deo ageret. Idēq; non semel, non iterum, nō tertium, sed continenter. Vt autem continenter aliquem in memoria circumferamus, fieri nō potest, nisi à magno quodā amore ac charitate: assidue porrò in precibus habere, & indefinenter habere, considera, quantum ea res affectum amoremq; requirat. quum autem dicit, Quē colo spiritu meo in euāgelio filij ipsius)

simul quidem gratiam, simul autem suam nobis modestiam spectatam facit. dei gratiam, quod tam arduum ipsi negotium cōmisit: suam modestiam, quod non suo proprio studio, sed spiritus auxilio rem totam acceptam refert. euāgelij porrò additio, speciem indicat administrationis. Multi enim ac diuersi sunt administrationis modi, & latræ itidem. Quemadmodū enim apud ipsos reges, omnes quidem unius regnantis imperiū agnoscunt, subseruiūt autem non omnes iisdem in rebus: sed illius munus est, exercitibus imperare, huius urbes regere, ac dispensare, illius rursus, pecunias eas asseruare, quæ in thesauros reconditæ sunt: Ita & in rebus spiritualibus, hic quidē suam in deum seruitutem ac cultum ostendit in fide ipsa, in recta uitæ propriæ dispensa

tione. Ille autem suscipienda hospitū cura, alius pertractanda rerum necessariarum præfectura. Quem admodum & inter ipsos apostolos, Stephani munus erat, uiduarum præsidium, ac patrocinium. atque hac quidem in parte deo inserviebat. Alius porrò Evangelici sermonis præceptionem suscepit. cuiusmodi erat Paulus, serviens in Evangelio prædicando, & erat talis servitutis ipsius modus. ea enim provincia defungebatur. qua de causa non ipsum modo deum testem citat, sed & curā sibi creditam allegat: declarans sese, cui tantum munus concreditum esset, eum in falsarū rerum testem nunquā fuisse uocaturum, qui munus ipsum credidisset. Adde quod & illud item ostendere uult. nempe caritatem ac sollicitudinem pro eis necessario se suscepisse. nam ut ne dicerent Romani, Tu quisnam, & unde ciuitatis tam magnæ tamq̃ Regiæ curā suscipere te profiteris? ostendit huiuscemodi curam sibi esse necessariā. siquidem servitutis modus hic, nempe euangelij annunciatio, ipsi erat commissus. cui enim huiusmodi functio delegata fuerit, huic necessariū est perpetua eos cogitatione circumferre, qui uerbum ipsum excepturi fuerint. ostendit autem & aliud insuper præter hæc uerba, spiritu meo. quod uidelicet cultus hic & gētili, & Iudaico multo est præstātor. gentilis enim & erroneus, & carnalis est. iudaicus autem

tem

tem, uerū quidem, sed tamen & ipse carnalis. At ecclesie cultus gentili quidem aduersatur, iudaico autem multis modis sublimior est. neq; enim per oues ac uitulos, per fumum, ac nidorem latræ nostræ modus fit, sed per ipsum animum, ac spiritum. quod & Christus declarans ait, Spiritus deus: atq; eos qui illum adorant in spiritu & ueritate adorare oportet.

In euangelio filij ipsius. Superius dixit euangelium patris esse, hic filio attribuit: hac ratione indifferenter & patris & filij esse ait. didicit enim ab illa uoce sancta, quod quæ patris sunt, ea & filij sunt: quæ rursus filij, ea & patris. Oia enim, inquit, mea, tua sunt, & tua mea. Quod indefinenter mentionem uestri faciā in precibus meis. Hoc ipsum ad germanam charitatem spectat. porro unum quidam dicere uidetur, quatuor autē hic ponit. & quod memor sit, & quod indefinēter, & quod in precibus, & quod magnis de rebus: Orans, si quo modo aliquando prosperum iter cōtingat, uolente deo, ut ueniam ad uos. Vides & summo affectu desiderantem eos uidere, nec sustinentem tamen id facere, præter dei placitum: sed habentem desiderium suum cum dei timore coniunctum. Amabat quidem illos, ad quos & sollicitè festinabat: sed tamen etiā si amaret, præter dei uoluntatem, uidere eos nōlebat. quæ ipsa demum germana est charitas. quum tamē nos

F ; longe

longe secus afficiamur, ut qui utrinque ab ipsis charitatis legibus excidamus. Vel enim neminem prorsus amamus, uel quum forte amamus, preter dei uoluntatem amare consueuimus: utrunque contra diuinam legem facientes. quod si cui inuidiosum uidebitur, quod dixi, factum certe ipsum inuidiosius fuerit. Quomodo contra dei uoluntatem amamus, dixerit aliquis: quum Christum inopia tabescentem despiciamus, liberis autem, amicis, & cognatis supra quam necesse sit elargimur. Enimuero quid attinet oratione longius progredi: nam si suam quisque conscientiam examinauerit, pluribus certe in rebus hoc a nobis fieri inuenerit. At uero non talis erat beatus Paulus, qui & nouerat amare, ut oportet, utque conueniens est, tum autem omnes in amore quum exuperaret, ipsum tamen charitatis modum haudquam transgrediebatur. Vide ergo utrumque supra modum in eo abundare, hinc dei amorem, hinc Romanorum desiderium. Nam quod indefinenter precaretur, quodque uoti etiam sui minime compos, a precibus tamen haudquaquam desisteret, id uero a summa charitate manabat. quod autem amore incensus, sic tamen maneret, dei uoluntati cedens, atque obsecundans, id ab intensa religione, ac circumspectione nascebatur. Alibi quidem ter dominum aduocans non solum non accepit, sed & contra, quum non accepisset

magnam

magnā etiam, quod non exauditus fuisset, gratiam habuit. sic ille sese ad deum omnibus in rebus conuertebat. hoc loco accepit quidem, non quum petiuit, sed sero, ac ne sic quidem moleste tulit. Hæc autē dico, ut ne ægre feramus, quum nō exaudimur, uel quum sero exaudimur. neq; enim sumus Paulo meliores, qui ob utrunq; gratias agit. & id quidem opipido quā conuenienter. se enim semel totum manui res omnes undequaq; gubernanti. quum deditisset, ac cum tanta obedientia submisisset, cū quantalutū figuli pedibus se supponit, sequebatur quacuncq; deus duceret. quum ergo dixisset precari se, ut eos uideret, addit & desiderij causam. causa autem quænam est? Vt aliquid uobis impertiar gratiæ, ut confirmemini. Non enim temere, nec ut multi nunc superuacaneas ac stultas peregrinationes suscipiūt, ita ille suscipiebat, sed pro necessarijs, ac ualde urgentibus rebus. neq; uero aperte suam aperit uoluntatem, sed obscure. non enim dixit, ut doceā uos, ut uoce erudiam, ut quod deest expleam. sed ut aliquid impertiar, ostendens se non sua ipsius dare, sed quæ acceperit communicare. atq; hic rursus orationem temperat, quum ait, ut aliquid. pusillū aliquod; inquit, & iuxta modulum meum. & quodnam hoc est pusillū, quod nobis es impertiturus? hoc autem est, quod mox ait. Vt confirmemini. Nūquid
& hoc

& hoc gratiæ est: non quassari, non uacillare, sed firmiter consistere? Porro autem gratiæ nomine audito, caue putes exclusam esse mercedem eam, quam ob propositum, uoluntatemq; accipimus. Nam gratiam dixit, non ut reprobet, ac contemptui habeat laborem eum, quem quisq; sibi uoluntarium proponere debet ad bene agendum, sed ut succidat, atque adimat fastum eum, ac superbiam, quam insolentia atq; arrogantia afferre solet. uide igitur ne animo concidas, quod Paulus gratiam dixerit. Consueuit enim, quæ magna illius est modestia, recte facta ac merita, gratias ac dona uocare, propterea quod in his plerunq; meritis superno indigeamus auxilio. q. enim dixit, Vt confirmemini, Clam indicauit, eos magna correctione indigere. quod enim uult dicere, hoc est. A multo iam tpe desiderauī, & in uotis habui, uos uidere, ob nihil certe aliud, q̃ ut cōstāter uos firmē, atq; in dei timore cōsolidē, ut ne assidue uacilletis. Verū sic nō dixit. perstrinxisset enim. sed aliter, idq; remisse ipsum hoc significauit. quū enim dicit, ut cōfirmemini, hoc declarat. deinde quū & hoc ualde molestū uidēri posset, uide quo modo orationem mitigat per ea quæ addidit. Nā ut ne dicerent, quid? uacillamus ne, circūagimur, aut linguę tuæ auxilio indigemus ut firmiter ipsi consistamus? ob id anteuertēs, tollit huiusmodi obiectionē, sic inquit. Hoc

Hoc est, ut communem capiam consolationem in uobis per mutuam fidem uestrā simul ac meam. ac si dicat. Ne suspicemini quod hoc dixerim uos in .cusans, ac redarguens. non hac mente sum locutus. sed quodnam illud est, quod uolo dicere? Multas passi estis afflictiones iactat ab ijs, qui uos sunt per secuti: desidero igitur uidere uos, ut aliquā consolationē afferā, seu potius ut nō cōsolationē tātū uobis afferā, sed ut & ipse à uobis accipiā. Hic tu expende magistri sapiētiā. dixerat, ut cōfirmemini, uidit id dictū graue & inuidiosum discipulis esse, addidit cōsolationis uerbū. sed & hoc rursus graue, nō perinde tamen, ut qđ prius dixerat, sed tamē graue. eius igitur grauitatē, asperitatēq; succidens refecat, orationē undiq; edulcās, acceptabilēq; reddens. nō enim simpliciter dixit, cōsolationē, sed mutuā cōsolationē. ac ne sic quidē satisfactū sibi putauit, sed & alterā, & quidem maiorem delinitionem adhibuit, quum dixit.

Per mutuam fidem, uestram simul ac meam.

Pape, quanta hęc est animi modestia: ostendit & se quoq; illis indigere, non illos solum ipso. ac discipulos ipsos in magistrorum numero habuit, nihil sibi pręstantiæ relinquens: sed æqualitatē magnā ostens. Cōmune est, inquit, lucrum, & ego uestra egeo cōsolatione, & uos item mea. qui uero id fit: per mutuam fidem, uestram simul & meam. Quemadmo-

G dum

dum enim ignis naturam talem esse uidemus, ut si quis multas in unū lampadas coegerit, splendidam reddat, & incendat lucem, sic & in ipsis fidelibus ac credulis usu uenit. Quum enim à nobis mutuo auulsi sumus, fit nescio quo pacto, ut mœstiores red damur. quum autem in mutuo nos cōspicientes membris domesticis hinc inde impliciti, fit ut magnā consolationem accipiamus. Mihi enim hic tempus præsens ne examinaueris, per quod dei gratia, multi fidelium ordines, & per uicos, & per urbes, & in ipsa heremo inhabitāt, tum autem & pietas omnis, ac religio profligata est: uerum memoriæ tuæ obuerse tur tempus illud, quantum inde bonum existeret, quum & discipuli magistros cōtuerentur, & à fratribus fratres ex alia ciuitate profecti conspicerentur. Atq; ut rem ipsam planius eloquamur, exēplo utemur. Nam si forte contingeret ac fieret, quod tamen omen deus auertat, abductos nos in Persarum, uel Scytharum, uel cæterorum barbarorum regionem, binos, ternos uel, in illarum gentium urbibus à nobis mutuo auelli, deinde repēte quempiam illinc aduenientem uidere, considera quantā caperemus ex ea re consolationem? Nōne uidetis eos qui in carcere uitam degunt, si quem familiarium suorum uiderint, exurgere, ac prae uoluptate exilire? Quod si captiuitati, ac uinculis tempora illa cōfero, inirum esse

non

non debet illi enim multo his grauiora passi sunt, dispersi, ac profligati, in paupertate, ac bellis uicti, quotidianum interitum timentes, amicos, domesticos, consanguineos suspectos habentes, in ipso terrarum orbe tanquā in terra hospita, atq; exera habitantes. seu ut uerius dicam, grauiora longe tolerantes, quā tolerare solent, qui in aliena terra degunt. Quapropter ait, Vt cōfirmemini, & mutuam caritatem consolationem per mutuam fidem. Hoc autem dixit non quod illorum auxilio indigeret. absit hoc. quo enim pacto qui ecclesiæ colūna esset, quicq; idem & ferro & petra firmior, idē spiritualis ille adamas, idem infinitis ciuitatibus sufficiens, alieni auxilij indigens esse poterat? sed ut ne orationem molestam, increpationemq; acrem reddat, fatetur & ipse se illorum indigere consolatione. Quod si quis hic cōsolationem lætitiā eam interpretet, quam fidei illorum incrementum afferebat, ea recte Paulum indigere si dixerit, minime aberrauerit. Dices? Si igitur desideras Paule, ac precaris, si & consolationem partim accepturus, partim impertiturus es, quid illud tandem est, quod aduentum tuum prohibet? hanc igitur diluens suspicionem, adiicit. Nolo autem uos ignorare fratres, quod sæpe proposueram uenire ad uos, licet prepeditus fuerim ad hūc usq; diem.

Vide seruilis obedientiæ modū, & simul animi

G 2 admodum

admodum grati argumentum. Quod fuerit prohibitus, dicit: quamobrem autem, non item: neq; enim examinat domini mandatū, sed paret tantum. quam par erat hæsitare, quanā de causa urbem tam splendidam, tam magnā, & ad quam sese totius orbis oculi conuertebant, prohiberet deus, quo minus talem præceptorem, tanto iam tempore assequeretur. Siquidem quisquis imperātem, dominantemq; urbem uicerit, is & subditos paruo negotio adoriatur. At quisquis regaliore urbe derelicta, subditis subigendis insidias parauerit, idem caput se negligere ostendit. Sed tamē nihil horū Paulus curiose indagat. quin potius incōprehensibili prouidentia cedit. partim animi sui moderationem spectatam faciēs, partim nos omneis erudiens, à deo nunquā exigendam esse eorum, quæ facit, rationē, etiā si ea multorum animos turbare uideantur. Domini enim solius est mandare, famulorum autē parere. Atq; hac quidem de causa, quod prohibitus sit, dicit non etiam, quare sit prohibitus. Neq; enim ipse ego id scio, inquit: ne me igitur interrogetis, quænam sit dei uoluntas, aut sententia. Neque enim figmentum opifici dicit, quid me sic finxisti: qua em̃, obsecro, de causa id & tu scire elaboras? nescis illum omniū curam habere: illum sapientem esse: illum nihil frustra, nihil temere agere: illum te magis amare, quam proprij

prii parentes ament: illum quidem uehementissime ac lōgo quidem interuallo & patris pietatem & matris curam superare: itaq; nihil amplius peruestiga, neue ulterius progreditor. Etenim ad cōsolationem hæc tibi sufficiunt. Siquidem & tum Romanorum imperium sapienter regebatur: qui si modum ignoras, nolito ægreferre. hoc enim maxime fidē arguit, administrationis modum ignorātem; providentiæ rationem admittere. Quum igitur ex animi sententia ea cōfecisset Paulus quæ studiose cupiebat (quid autem id erat: nempe ut testatū faceret, se quod adhuc ad eos non accessisset, non id fecisse, quod illos contemneret, sed quod uel maxime desiderās, prohiberetur) tum autem segnitiei crimen quum à se remouisset, illisq; persuasisset, se nihilo minore desiderio illorum uidendorum teneri, quàm illimet ipsi tenerentur, rursus & alijs quidem rationibus charitatem suam ostendit. neq; enim quoniam prohibitus sum, inquit, destiti ab incepto semel conatu. sed semper quidem rem attemptauī, semper autem prohibitus fui, neq; tamen unquam destiti: uoluntati quidem diuinæ non resistens, charitatem autem conseruans. quod enim Paulus in proposito perseueraret, ac minime ab eo desisteret, amoris uim probabat. quod autem prohiberetur, ac minime resisteret, omnimodam erga deum charitatem ostendebat.

G 3 Quo

Quo fructum aliquem habeam inter uos quoq. Quāquam & superius desiderij sui causam aperuit, eamq; sibi ipsi cōuenire ostendit, tamē & hic quoq; eam attexit, illorum fastum atq; insolentiam etiā atq; etiā contundens. Quoniā enim Roma ubiq; conspicua, atque illustris siue terra, siue mari ciuitas esset, cuius peruidēdæ desiderium solum multos eō impellebat, ut ne quid tale, & de Paulo quoq; Rōmani opinarentur, nēue suspicarentur, quod uenditans sese ille solum de ipsorum familiaritate ac cōiunctione, desideraret illuc aduenire, assidue ponit desiderij argumentum & causam. ac supra quidem ait, ut impertiar uobis gratiā spiritualement: hic autem apertius, ut fructū aliquem habeā inter uos quoq.

Quemadmodum & inter reliquas gentes. Principes in subditorum numerum cogens, post infinitos triumphos, ac uictorias, ipsamq; adeo cōsulum claritatem, cum barbaris ipsis committit. & id certe admodum decēter. nam si ad fidei nobilitatem spectes, nullus tibi erit barbarus, nullus gentilis, nullus aduena, nullus ciuis, sed in unū, idemq; dignitatum fastigium conscendunt omnes. Vide porro, ut hic quoq; Paulus modeste se habeat. neq; enim dixit, ut doceā, ut instituā. sed quid? ut fructū habeam. neq; simpliciter fructum, sed fructum aliquem. rursum corripies partes suas, quemadmodum superius dixit

dixit, ut aliquid impertiar: deinde & ipsos quemadmodum iam dixi, compescens. Quemadmodum & inter reliquas gentes. Neque enim hoc nomine quod diuites, quod cæteris præstantiores estis, minus studij erga reliquos præstamus: quum non ipsos diuites, sed eos tantum, qui fidem suam Christo ad dixerunt, quæramus. Vbi, obsecro, nunc sunt quos Græcia sapientes habuit, ijdem barbam summittentes, exomidas amicti, magnopere intumescences, ac turgidi? En tabernaculorum texendorum artifex non ipsam tantum Græciam, sed & barbaram terram omnem conuertit: quum qui apud illos quâ ageretur, quâ circumageretur Plato, ter in Siciliam profectus, cum uerborum illorum fastu, ac fumo, cum magna illa, quam de eo cõceperant, opinione, ne unius quidem tyranni cõpos euaserit, quin potius ab illo tam infelicitè se explicuerit, ut & ipse libertatem amitteret suam. At tabernaculorum texendorum artifex hic, non Siciliam modo atque Italiam, uerum uniuersum terrarum orbem uerbum dei prædicans, peragravit. quum interim artem non intermitteret, sed uel tum quoque pelles cõsueret, officinæque suæ præesset. neque uero ea res patricios, ac magnates offendeat, idque meritissime. Non enim artes ac studia, sed mendacium, & conficta dogmata despicabiles reddere solent præceptores. propterea illum quidem Athenæ

Athenæ irridēt, huic autem assiduam operam dant
 & barbari, & imprudentes, & idiotæ. nam cōmune
 præconium omnibus propositum est. quod ipsum
 nec dignitatis differentiam, nec generis excellētiam,
 nec aliud quicquam id genus nouit. sola enim fide
 opus est, non syllogismis. qua propter admiratione
 dignum esse in primis debet, nō solum quod & uti/
 le, & salutare, sed quod & facile, & prodiue, & omni/
 bus susceptu facile. id quod dei potissimū prouident
 tiā arguit. cōmunia em̄ ea sunt, quæ omnibus obser/
 uāda proponit. Quod enim in sole ac luna, in terra,
 ac mari, cæterisq; deus fecit, nō diuitibus quidem ac
 sapientibus plus partiens maioremq; copiā faciens;
 minorem autē pauperibus, sed æqualem omnibus
 usufructum proponens: id ipsum & in ipso, quod di/
 co, præconio præstitit. idq; tanto etiā magis, quan/
 to hoc idem rebus illis magis est necessarium. qua/
 propter & Paulus assidue ait, omnibus gētibus. de/
 inde declarans se nihil illis largiri, sed mādātum do/
 mini implere, tum autem illos relegans ad dei uni/
 uersalem œconomiā, ait. Debitor sum. Quod
 & ad Corinthios scribens ait. hoc autem dicit, ut om/
 nia deo ipsi tribuat. Ita quantum in me est, para/
 tus sum uobis quoq; , qui Romæ estis euāgelizare.

O animam generosam, hominis rem tot, tantisq;
 periculis obnoxia suscipientis, peregrinationem ma/
 ritimam

ritimam, tentationes, insidias, defectiones. par enim erat eum qui disputaturus esset cum tanta ciuitate, & ea impictatis tyrannidem perpeffa, tentationum agmen, ac ueluti grandinem perferre: itaque & inibi mortuus est, imperatoris iussu capite truncatus. Sed tamen quū pericula tanta expectaret, nihilo pigrior reddebatur, & prōptus erat: propterea ait. Quā-
tum in me est, paratus sum uobis quoq; qui Romæ-
estis euāgelizare. nō enim me pudet euangelij Chri-
sti. Quid ais o Paule? Quum conueniret ut dice-
res, gloriator, ac me ipsum iactitor: non hoc ipsum, sed
quod hoc minus est, dicis, quod uidelicet te minime
pudeat: quam locutionem in rebus non admodum
insignib. usurpare cōsueuimus. quid igitur est quod
ait, & quamobrem sic loquitur? quū præsertim alio-
qui ob id magis euāgelium, quàm uel ob ipsum cœ-
lum gloriatur. Siquidem ad Galatas scribens, Mihi
aut, ait, absit gloriari, nisi in cruce domini nostri Iesu
Christi. quin igitur & hic quoq; gloriari potius te
dicis, q̃ nō pudere? Romani admodū stupecebant
ad res mundi huius, ob diuitias, ob principatum, ob
uictorias, quin & suos ijdem imperatores dijs pares
existimabāt. quos certe etiam eo nomine dignaban-
tur. unde & templis, & aris, & sacrificijs illos colebāt.
quum ergo sic illi turgerent, essetq; Paulus Iesum
prædicaturus, Iesum inquam fabri filium existima-
tum

tum, eundēq; in Iudæa eductū, idēq; in tenuis mulie-
ris domo, satellitibus nullis stipatum, non opibus
abundantem, sed ut reum condemnatum, interq; la-
trones mortuum, tum autem cum, qui alias multas
ignominias pertulisset, ac uerisimile quidem esset,
fore, ut Romani idem ad Iesu nomē pudore suffun-
derentur, ut qui nihil dum rerum arcanarum ac ma-
gnarum caperent, propterea ait, non me pudet, illos
interim erudiens nō erubescere. nouerat enim, quod
si id illi essent affecuti, statim progressi ulterius eo-
usq; peruenirent ut & gloriarentur. Ad eundē mo-
dum, si & tu quoq; quempiam audieris dicentem,
Crucifixum adoras: ne te pudeat, neu ad terrā ocu-
los deiciās, sed gloriare, ac tibi ipse placeas, liberisq;
oculis, & facie erecta cōfessionē admittito. qui si rur-
sus dixerit, Crucifixū adoras: & tu rursus ad illum,
adoro quidem. At non adulterum, non parricidam,
non liberorū propriorum cāsorē (tales enim apud
illos dei omnes) sed eum qui per crucem dāmonī-
bus os obstruxit, eorumq; infinitas incantationes
imposturasq; sustulit. Etenim crux propter nos, in-
effabilis humanitatis opus, eadē magnæ curæ sym-
bolum. præter hæc autem quæ dixi quandoquidem
& dicendo ualde sibi placerent Romani, ac peregrī-
na ornati sapientia turgidi essent, uestris istis omni-
bus inquit Paulus, syllogismis multā salutem dicēs,
ad uos

ad uos accedo, crucem prædicans, nec me propterea
 pudet. Potentia siquidem est dei ad salutem.
 Quoniam enim dei potētia & ad pœnā quoq; existit.
 etenim quū Aegyptios puniret, hæc mea, inquit, ma-
 gna est potentia, & potentia etiam ad perditionem.
 Timete, inquit, eum qui & animā & corpus gehē-
 na potest perdere, Propterea ait Paulus, nō hæc ad
 uos adueniens affero, non quæ ad pœnam, ac sup-
 plicium, sed quæ ad salutē faciunt. quid igitur? nōne
 & hæc nunciabat euangelium? de gehenna sermo-
 nem? de exterioribus tenebris? de uerme pestifero?
 ex nullo enim alio loco, quàm ex euangelio hæc co-
 gnoscimus. qui igitur potētia dei ad salutem? sed au-
 di, & quæ sequuntur. Omni credenti Iudæo pri-
 mum & Græco. Non enim simpliciter omnibus,
 sed suscipiētibus. quāuis enim gentilis fueris, quam-
 uis per omne uitiorū genus uolutatus, quamuis Scy-
 tha, ac barbarus, quamuis mera bellua, quamuis om-
 nis rationis expers, & peccatorum sarcinis sexcentis
 onustus, simulatq; de cruce sermonem excepisti, &
 baptizatus es, fit certe, ut illa omnia deleas. Quare
 autem hic ait, Iudæo primum, & Græco? quid hæc
 sibi uult differentia? atqui ubiq; dixit, quod neq; cir-
 cuncisio, neq; præputium quicquā faciunt. quomo-
 do igitur hic distinguit, Iudæū Græco anteponens?
 quid tandem esse potest? neq; enim quod primus
 H 2 sit

fit, idcirco maiorem accipit gratiam: idem enim donū & huic & illi datū est. Verū ordinis duntaxat honoros est uerbū id, primū. neq; enim superiores partes in hoc obtinet, q; maiorem iustitiā acceperit: sed in hoc solū honoratur, quod primus eā acceperit. quandoquidē & in eorū qui illuminātur numero (nostis quid dicā, qui mystæ estis) oēs quidē ad baptisma accurrūt, nō omnes tamē eadē hora. sed hic primus, ille secūdus, non tamē primus plus accipit, q; secundus. neq; hic plus eo, qui post eū accedit. uerū eadē omnes assequuntur. igitur hoc loco, primū, uerbi honoros est, non gratiæ abundantia. deinde quum dixit, ad salutem, rursus auget ipsum donum, ostendens non ad tempus tantum præsens pertinere, sed & ulterius progredi. hoc enim declarauit quum dixit.

Iusticia enim dei per illud patet. Qui igitur iustus effectus est, is non per præsens tantum seculū, sed & per futurum uiuet. Neq; uero hoc solum, sed & aliud quiddam subindicat: nempe splendorem, ac claritatem eiusmodi uitæ. quandoquidem enim licet & cū dedecore seruari (quod in multis nōnunq; usu uenire uidemus, qui benignitate Regia debitam pœnā euadentes seruātur) ut ne quis tale aliquid suspicetur, audito salutis nomine, addidit & iusticiā, iusticiā, no tuā, sed dei, abundantiā ipsius ac facilitatem subindicans. Non enim ex sudoribus ac laboribus

ipsam

ipsam assequeris, sed à superno dono accipis, unum duntaxat ex te afferens, fidem. deinde quandoquidē quod dixerat suasibile minime uidebatur, si adulter, mollis, sepulchrorum compilator, incātator confertim, non modo à pœna liberatur, sed & iustus efficitur, & iustus quidem iusticia superna, à ueteri testamēto sermoni fidem astruit: ac primum quidem breui uerbo uastum historiarum mare unicuiq; intueri ualenti adaperit. quod enim dixit ex fide in fidem, relegauit auditorem ad dei ordinationes eas, quas in ueteri instrumēto factas legimus: quas ipsas ad Hebræos scribēs magna cum sapientia edisserit, & iustos, & peccatores etiā tum sic iustificatos ostendit. propterea & Raab, & Abrahæ memoriā intulit. postea autem subindicans ipsum hoc solum (curabat enim ac festinabat ad aliā quandā cōtemplationē) à prophetis rursus sermoni fidē conciliat, Abacuc in mediū adducens, clamantē, ac dicentē, quod nō licet aliter uiuere, ei quidē certe qui uicturus est, nisi per fidem. Iustus enim, inquit, ex fide uiuet, de futura uita loquens. Quandoquidē enim quæ deus largitur, ea omnia humanæ cogitationis captum superant, merito fide nobis opus est. Qui enim plus æquo sibi tribuēs præ fastu, atq; arrogātia, reliquos contemnit, is certe nihil quicquam proficiet. Audiāt miseri hæretici spiritualementem uocem. Talis est enim co-

H 3 gitationum

gitationū natura. Labyrintho cuiuspiam ac gryphis
similis est, nullum usquam finem habens, neq; con/
cedens cogitationem stare supra petram, originem
ab arrogātia, ac nimia sui opinione assumens: quum
enim quosdam pudeat ad fidei susceptionem acce/
dere, ut ne uideantur cœlestia ignorare, ipsi sese in
cogitationum ueluti quisquilias, ac minutias conij/
ciunt. Ita ne uero miser & infelix, atq; infinitis prose/
quēde lachrymis, si quis te roget, quomodo cœlum
sit confectum, quomodo terra, & quid dico cœlum
ac terram? quomodo tute formatus? quomodo enu/
tritus, & auctus, te tuæ minime pudet ignorantia:
sin uero de unigenito sermo existit, ob pudorem te
ipse in exitij barathrum conijcies? quod te uidelicet
indignum existimes, cui nō omnia cognita sint. At/
qui indignitas potius ea censenda est, quoties cōten/
dis, quoties intempestiue, ac curiose nimis, quod tu
te ignoras, perscrutaris. Enimuero quid hic de do/
gmatibus loquor? A malicia enim nobis per hanc
uitam contracta non aliunde liberamur, quàm per
ipsam fidē. Sic & ueteres illi omēs claruere, sic Abra/
ham, sic Isaac, sic Iacob, sic meretrix salutem inuenit
& in ueteri, & in nouo instrumento. Fide enim, ait,
Raab meretrix speculatoribus ab ea exceptis, non
interijt unā cum incredulis. neq; secū ipsa dixit. qui
poterūt hi, quū sint captiui, fugitiui, exules, uitamq;
erronum

erronum agant, ipsos nos urbis, mœniū, ac turrium dominos sub suam uictos potestatem cogere? quandoquidem si hæc ipsa secū elocuta fuisset, & se ipsa, & illos unā perdidisset: quod ipsum & fecerunt maiores illorum, qui tum seruati sunt. Illi enim quandoquidem conspectis uiris magnis, ac prægrandibus uictoriæ modum disquisiere, omnes nullo bello, nulla instructa acie perierunt. Vides quanta incredulitatis pernicies, quātus item fidei murus sit? Illa enim multa millia pessundedit. hæc autem uel meretricem mulierem nō seruauit modo, sed & tam magni item populi præsidem effecit. Morale.

Hæc ipsa igitur, itemq; & his longe plura quum ita se habere cognoscamus, ab ipso deo eorū, quæ aguntur, rationem nunquā exigamus. Verum quicquid ordinauerit, id omne admittamus: nihil anxie indagantes, nihil curiose perscrutātes, ut etiam in humani animi rationem nō cadat, quod ille mandauerit: quid enim, quæso, absurdius fuerit, quàm parētem, iugulare unigenitum suum filium, eundemq; legitimum? sed tamen iustus id facere iussus, non curiose de mandato sciscitatus est, sed iubētis dignitate perpenſa, mandatum duntaxat admisit. Et alius item iussus à deo prophetam percutere, quandoquidem, quod illi res absurda esse uideretur, curiosius de ea perscrutatus est, ac simpliciter nō paruit, pœnas extremas

treinas dedit, percussor autem probatus est. Et Saul item, hominem quum præter dei placitum seruasset, regno priuatus est, incurāda mala perpeſſus. Iam & alia præter hæc permulta exēpla inuenias, per quæ omnia edocemur, & quidē magnopere, diuinorum mandatorum rationem nunquam esse exigendam, sed cedendum tantum, ac parendum. Quod si periculolum est quæ ille mandauerit, de ijs curiosius indagare, extremumq; sup̄pliciū curiosis propositum est, quamnam tandem defensionem habituri sunt, qui ea curiose perſerutātur, quæ sunt his multo & ſecretiora & horribiliora: Verbi gratia, quomodo deus filium generauit, & quanā ratione: quamnam porro in deo ſubſtantia: His igitur perpenſis bonorum omnium parentem, fidem, magna cum beneuolentia ſuſcipiamus, ut tanquam in tranquillo portu uela explicantes, tum quæ recta ſunt dogmata obſeruemus, tum uitam noſtram cum ſecuritate dirigentes, æterna tandem bona aſſequamur, gratia & benignitate domini noſtri Ieſu Chriſti, cum quo patri gloria, unā cum ſancto ſpiritu in ſecula ſeculorū Amen.

HOMILIA III



Palam fit enim ira dei de cœlo, aduersus omnem impietatem, & iniuſticiam hominum qui ueritatem in iniuſticia detinent.)

Vide

Vide Pauli prudentiā. ut ab ijs quæ lætiora sunt exhortatus, ad ea quæ formidinem incutiunt sermo nem uertit. nam quum dixisset Euangelium salutis, ac uitæ causam esse, tum autem & dei nobis potentiam, ac iusticiā repræsentare, enarrat & ea, quæ ter- rere quidem possunt eos, qui illud respuerint. Quan- do quidem enim persæpe euenire uidemus, ut bona hominum pars non perinde bonorum promissio- ne, atq; minarum terrore ad uirtutem pertrahantur, utrinq; ipsos allicit. propterea & deus ipse nō solum ccelorum regnum promisit, sed & gehennam com- minatus est, & propheta item cū Iudæis hac ratio- ne agebant, mala bonis assidue temperantes. Qua- propter & Paulus sic orationē uariegat, haud tamē simpliciter, uerum, quæ læta, ac mitia sunt, ea propo- nit, deinde & quæ molesta: ostendens quod illa qui- dem à dei antegressa sententia obueniunt, hæc au- tem à negligentium malitia. Sic & propheta primo loco bona optendit, quū ait, Si uolueritis, ac me ex- audieritis, terræ bona comedetis: sin nolueritis, ac di- cto meo parentes non fueritis, machera uos absu- met. hac ratione & hic Paulus sermonem prosequi- tur. Considera autē. uenit, inquit, dominus afferens remissionem, iusticiā, uitam. nec hæc simpliciter, sed per crucem. quod autem maximū, & mirabile, non quod talia largitus sit solū, sed quod & talia passus.

I Si igitur

Si igitur iniuriꝝ fueritis in ipsa dona, tum manet uos
quæ molesta sunt. uide porrò, quemadmodum ora
tionem attollat. Palam fit enim ira dei de cœlo.
Vnde hoc liquet: hoc si fidelis quispiã dixerit, Chri
sti apophthegmata, ac sententias allegabimus: sin au
tem infidelis, & ethnicus, ei Paulus os obstruit, per
ea quæ sequuntur, nepe per ea argumenta, quæ dei
iudicium arguunt: ab ijs, quæ per eum olim facta
fuere, irrefutabile argumentũ in medium adducens.
quod ipsum sanè est ab inexpectato, quum uideli
cet eos, qui ueritati aduersantur, per ea, quæ quoti
die & faciunt ipsi, & contradicunt declarat, ueritatis
dogmata cõmendare ac probare. Sed hæc quidem
in subsequētibus. Interim autem propositum seque
mur. Palam fit enim ira dei de cœlo.) Atqui &
hac quoq; in uita id persæpe usu uenit. uidelicet dũ
pestis, dum fames, dum bellum ingruūt: etenim pri
uatim singuli & communiter uniuersi puniuntur.
Quidnam igitur noui tum erit? Nempe quod sup
plicium & maius, & commune, & præterea non ea
rundem rerum causa. nunc enim quæ fiunt ad cor
rectionem fiunt. tum aut ad pœnam. Id quod Pau
lus declarans dixit. Erudimur nunc, ut ne cum mun
do condemnemur. ac nunc quidem multi sunt, qui
bus aduersa permulta accidere uidentur, non à su
perna ira, sed ab hominũ ui atq; iniuria. tum autem
palam.

palàm fiet, supplicium à deo immiſſum. quũ uideli-
cet ſedens Iudex pro terribili tribunali, alios quidẽ
iubebit in caminos trahi, alios uero in tenebras exte-
riores, alios ad alia, & ea ineuitabilia, & minime fe-
renda ſupplicia. & quamobrem non ſic aperte enun-
ciauit, uidelicet, quod filius dei uenturus eſt cum in-
finitis angelis & ab uno quoq; factorũ rationẽ exa-
cturus: potiusq; palã fit ira dei. Auditores etiãdum
ex neophytorũ numero erãt, ob quod ipſos primũ
allectat, ijs quæ apud illos ualde in cõfeſſo erãt: præ-
ter hæc aut quæ dicta ſunt, & ad gẽtiles extẽdi mihi
oratio ac pertinere uidetur: quapropter hinc exordi-
tur. poſtea aut & de Chriſti iudicio ſermonem indu-
cit. Aduerſus omnem impietatem hominũ, qui
ueritatẽ in iniuſticia detinent.) Hic oſtendit mul-
tas eſſe impietatis uias, ſed ueritatis unam tantum.
Etenim uaria, multiformis, & confuſa quædam res
eſt impoſtura. Veritas autem, una. poſteaquam ue-
ro de dogmatibus dixit, dicit & de uita, iniuſticiam
hominũ inquiring. Iniuſticiæ enim, multæ, Alia ſi-
quidem circa pecunias fit. nempe quum quis in his
proximo fraudi eſt. alia ad rem uxoriã ſpectat.
quum quis coniugij fidem fallens, uxore derelicta,
alterius nuptias dirimit. etenim & hoc, fraudẽ Pau-
lus uocat, his uerbis, ne quis opprimat ac fraudet in
negocio fratrem. Alij rursus uxoris ac pecuniarum

loco, proximi gloriam labefactant, ac denigrant. & hoc porro Iniusticia est. etenim melius nomen bonum, quàm diuitiæ multæ. nonnullis autem placet & hoc à Paulo de dogmatibus fuisse dictum, sed tamen nihil prohibet quin de utroq; dictum intelligas. quid aut illud est? Qui ueritatem in Iniusticia detinent.

Per subsequencia discito, propterea quod id quod de deo cognosci potest, manifestum est in illis. Deus enim illis patefecit. Verum huiusmodi gloriam lignis circumposuerunt, & lapidibus. Quemadmodum igitur cui regales pecuniæ creditæ fuerint, mandatūq; acceperit, ut eas in Regis honorē ac decus insumat, Is si in prædones, scorta, magos, eas insumpserit, hosq; regis pecunijs splendidos reddiderit, tantū qui maxime regem offenderit, pœnas pendit: ita & hi, quum accepissent notitiam de deo, deq; eius gloria, deinde Idolis illam circumposuissent, in iniusticia ueritatem detinuerunt, ac quod in ipsis quidem fuit, cognitionem iniuriæ affecerunt, quum ea ipsa, quatenus decens fuit, usi nequaquam fuerint. Apertum ne uobis est quod diximus? an apertius denuo dicendum illud est? quidnam igitur illud est, quod dicimus? cognitionem sui deus hominibus iam inde ab initio indidit. Verum hanc cognitionē ethnici lignis ac lapidibus circumponentes, ueritatem, quod in ipsis fuit, iniuriæ affecerunt. Illa enim immutabilis
manet

manet, ut quæ habeat propriam gloriam immotam. at undenam liquet, quod ipsis indidit deus sui cognitionem o Paule? propterea quod, inquit, quod de eo cognosci potest manifestum est in illis. Hoc ipsum uero sententia est, non demonstratio. Tu uero mihi adstruito, probato, ac declarato, quod cognitio de deo illis manifesta fuerit, & quod sponte sua illam prætermiserint. undenam igitur manifesta erat? uocem è supernis immisit illis deus? nequaquam. sed quod illos uoce ualdius illicere poterat, id fecit, mundi creatione in medium proposita, ut possit sapiens, rudis, scythæ, barbarus, ex ipso aspectu, eorum quæ oculis subiecta sunt, pulchritudinem edoctus, ad deum conscendere, propterea ait. Si quidem quæ sunt inuisibilia illius ex creatione mundi dum per opera intelliguntur, peruidentur. Quemadmodum & propheta inquit, Cœli enarrant gloriam dei. Quid enim eo die dicent gentiles? te ignorauimus? Itane. uero non exaudiistis cœlum, uocem per ab aspectu emittentem, non exaudiistis compositam rerum omnium armoniam tuba illustrius clamantem? noctis ac diei leges non perspicitis perpetuo statas, atque immobiles? hyemis, ueris, cæterorumque anni temporum compositum ordinem, firmum & immotum? maris clementiam, idque in tanta fluctuum cõturbatione? denique omnia ordinem seruantia, eademque tum à pulchritudine

chritudine, tum à magnitudine ipsum opificem uel
luti præconio annunciantia: hæc enim omnia & his
» etiam plyra contrahens Paulus, dixit. Siquidem
» quæ sunt inuisibilia illius ex creatione mundi dum
» per opera intelliguntur, peruidetur, ipsa & æterna
» eius potentia ac diuinitas in hoc ut sint inexcusabi-
» les. Quanquam non hoc nomine ea fecit deus, &
si hoc usu uenit. non enim ut ipsos defensione priua-
ret, præceptionem tantam in medium proposuit, ue-
rum ut ipsum cognoscerent. Ingrati autem effecti, se
ipsi defensione priuarunt. deinde ostendens quomo-
» do defensione sint priuati, ait. Propterea quod quum
» deum cognouerint, non ut deum glorificauerunt,
» neque grati fuerunt. Vnum hoc crimē maximum,
alterum ab illo, nempe ab idolorum cultu. quod &
Hieremias increpans, ait: duo mala patrauit popu-
lus iste, me dereliquerunt fontem aquæ uiuentis,
& foderunt sibi cisternas dissipatas. deinde quod dei
notitiam habuerint, neque tamē notitia, ut decuit, usi
fuerint, adducit hoc ipsum, nempe quod deum co-
gnouerint. ob quod adiecit. propterea quod quū deum
cognouerint, non ut deum glorificauerunt. & causam
quidem addit, ob quam in tantam amentiam dilapsi
sint. quænam igitur ea cogitationibus rem totam
commiserunt. uerum non sic dixit. sed quod multo
» erat terribilius. Frustrati sunt enim per cogitatio-
nes.

nes suas, & obtenebratum est insciens cor eorum.
 Quēadmodū enim in nocte illuni, si quis peregrina
 uia ingredi conetur, aut mare nauigare, nō solū non
 perueniet ad finem destinatū, sed peribit protinus:
 sic & isti iter ad cōlū ferens aggressi, à se lucē quum
 ademerint, ac pro ea cogitationum tenebris sese in-
 uoluerint, in corpore incorporeum, in figura infigu-
 ratum exquirentes, naufragium infestissimum fece-
 runt. Cum ijs autem quæ dicta sunt, & aliam erro-
 ris illorū causam ponit, quū ait. Cū se crederēt esse
 sapiētes stulti facti sunt. Magnū em̄ quiddā de se
 imaginātes, nec sustinentes ea uia ingredi, qua deus
 eos ingredi iussit, amētiq; cogitationib. immerſi sunt.
 deinde ostendēs, atq; ob oculos ponens ingentem
 illorum fluctuationem, ut uidelicet infesta, & ueniā
 omnis expers esset, addidit. Et mutauerunt glo-
 riam immortalis dei in similitudine imaginis corru-
 ptibilis hominis, & uolucrū, & quadrupedum & re-
 ptilium. Primum crimen, quod deum non inue-
 nerunt. secundum, quod causas magnas, & apertas
 haberent. tertium, quod dicerent se esse sapientes.
 quartū, quod non solum non inuenerunt, sed quod
 uenerationē illam in dæmonas, in saxa, ac ligna de-
 flexerūt. Deicit quidem in epistola ad Corinthios
 illorum fastum, sed non perinde illic, ut & hic, Illic
 enim ipsis ex cruce plagam infert, dicens, quod stul-
 ticia

titia dei sapientior est, quàm homines. hic uero citra etiam comparationem, ipsorum sapientiam per se taxat ostendens stulticiam esse, & arrogantiae dumtaxat ostentationē. deinde ut intelligas quod quum haberent de deo notitiam, sic eam prodiderunt, hoc uerbo mutauerunt usus est. qui autem mutat, tantū aliud habens mutat. uoluerunt enim amplius quidā inuenire, finibus sibi datis non contenti. quapropter & ab ijs exciderunt, ut qui nouitatem appetuerint. Etenim huiusmodi omnia Græcorum fuerunt, ob quod aduersum semetipsi mutuo steterunt. Et Aristoteles quidem aduersus Platonem insurrexit. Stoici autem in hunc infremuerunt, & alius alijs hostis extitit. ut non tam illos cōueniat ob sapientiam admirari, quā aduersari, & odisse, quoniā quidem ob hoc ipsum & stulti fuere. Nisi enim seipsi cogitationibus, syllogismis, ac sophismatis commississent, illis non accidisset, quod accidit. deinde accusationem in illos intendens, taxat omnem illorum idololatriam. mutatio certe qualiscunq; in primis ridicula, eiusmodi aut mutatio extra omnem est excusationem. In quæ igitur mutauerunt, & quibus tandem rebus gloriam circumposuerunt? Considera. Cogitare de illo oportebat, quod deus, quod omnium dominus, quod quum minime essemus, nos fecerit, quod prouidet, quod nostri curā habet. hæc enim dei gloria. quibus

quibus igitur hanc acceptam tulerunt: ne hominibus quidē, uerum similitudini imaginis corruptibilis hominis: ac ne hic quidem cōstitere, sed & ad bruta usq; animantia deuenere. imò uero & ad horum imagines. Mihi porrò Pauli sapientiam contemplare, quemadmodum duo summa posuerit, deum, superne, & reptilia, inferne, seu potius, ne reptilia quidem, uerum horum similitudines, ut illorum luculentam insaniam aperte ostendat. Quam enim noticiam habere decebat de eo, qui citrà comparationem, omnium excellentissimus est, hanc omnium sine cōtentione uilissimo applicarūt. Dices, quid hæc ad philosophos? Ad hos maxime omnium quæ dicta sunt pertinent. Etenim illi rerum harum inuentores Aegyptios præceptores habent. Et Plato, qui cæteris tamen grauior esse uidetur, hisce gloriatur: quin & huius præceptor hæc ipsa admiratus, ad ea obstupescit. hic enim est, qui gallum iubet Esculapio sacrificari. hinc brutorum horum animantium, & reptilium imagines, atque adeo cum his reptilibus & Apollinem & Liberum colī uideas. Nonnulli autem philosophi & in cælū quoq; subuexerunt Tauros, Scorpiones, Dracones, reliquasq; omneis nugas. Vbiq; enim diabolus operam nauauit, homines ad reptilium similitudines summittere, & animantibus minus rationis inter cætera habentibus, cum suppo-

K ncre

nere, quem deus supra ipsum cœlum sublatum esse uoluit. Neq; uero hinc tātum, sed & aliunde uideas eorūdem antesignanū ijs, quæ diximus, obnoxium esse. Nam quum poetas in unū cogit, illisq; fidem esse habēdā affirmat, in ijs quidem, quæ de dijs sentiunt, tanquam exacte callentibus, nihil aliud, quàm nugamentorum congeriem accumulāt. & horū multum risum oportere ait, uerum esse ut existimemus.

- » Quamobrem tradidit eos deus per cupiditates
» cordium suorum in immunditiam, ut ignominia af-
» ficiant corpora sua. Declarat hinc ipsam impieta-
tem in causa fuisse cur leges deprauatæ ac uiolatæ fuerint. tradidit autem hoc loco, significat, permisit. Quemadmodum enim si quis exercitus præfectus prælio ingrauescente abscesserit, hostibus milites tradit: haudquaquā ipsos impellens, uerum suo ipsius auxilio nudans: sic & deus, eos dimisit, qui admittere ipsius præcepta noluerūt, sed statim inter primos ab eo defecerūt, & ipse nihilominus partes suas omneis explens. contemplare porrò, pro præceptione, mundum in medium proposuit. dedit mētem & cogitationem quæ posset, quod conueniens erat, intelligere. nulla re eiusmodi ad salutem usi sunt, qui id temporis uixerunt homines: quin potius, quod acceperunt, id detorquentes, in contrarium inuerterunt. Quid igitur faciūdum erat? ad necessitatem, ac uim ueniendum

ueniendum. At non hoc licet fortibus. cæterum reli-
quum erat, missos facere: id quod & fecit, ut uel sic
periculo facto, fugerent mortales cupiditatum sua-
rum turpitudinem. Etenim si quis Rege natus, pa-
tre ignominia affecto, uersari malit cū prædonibus,
sicarijs, ac sacrilegis, illorumq; conuictui paternam
domum postponat, hunc dimittit pater, sic ut tan-
dem experimento probet propriæ demētiae magni-
tudinem. Quamobrem porro nullius alterius pecca-
ti meminit: uidelicet cædis, auaritiæ, cæterorum id ge-
nus, sed intemperantiæ: uidetur mihi subindicare eos,
qui tum audirent, epistolamq; acciperent. In im-
mundiciam, ut ignominia afficiāt corpora sua inter
se mutuo. Vide emphasim maxime perstringen-
tem. ait enim illos alijs haudquaquā indigere, à qui-
bus cōtumelia afficiantur: uerum eadem aduersum
seipsum patrare, ad quæ ab inimicis inuitari ac dispo-
ni possent. Postea causam resumens, rursus ait.
qui ipsi commutauerūt ueritatem dei mendacio: &
uenerati sunt, colueruntq; ea, quæ cōdita sunt, supra
eum qui condidit. Quæ ualde erant ac magnope-
re ridicula per speciem ponit: quæ autem uidentur
alijs esse grauiora, generaliter. atq; omnibus modis
demonstrat, earum rerum quæ conditæ sunt cultum
ad gentiles pertinere. uide porro quemadmodū ora-
tionem apertam reddat. non enim dixit simpliciter

coluerunt ea , quæ condita sunt , sed supra eum qui
cōdidit, ubiq; hac ratione crimen attollēs, atq; adeo
ipsa contentione illos omni uenia priuans. Qui
est laudādus in secula. amen. Caterum non pro-
pterea, inquit, ipse detrimētum accepit. manet enim
laudandus ac benedictus in secula. hoc loco demon-
strat, quod deus illos dimisit, non ut sibi ipse auxilio
foret , quandoquidem illi nihil incommodi accidit.
nam quanquam illi iniuriam fecerūt, tamen ille non
accepit, neq; sanè illius gloria aliqua ex parte lacera,
ac mutila facta est, sed manet ipse omnino laudan-
dus. Si enim sæpe fit, ut qui philosophatur, nihil in-
commodi ab ijs patiatur , à quibus in contumeliam
trahitur , multo magis de deo id sentiendum nobis
est, cuius natura neque lædi, neq; uerti, cuius gloria
neq; iñmutari , neq; moueri potest. Etenim homi-
nes hac potissimū in re similes deo efficiuntur, quo-
ties mali nihil patiuntur ab ijs, qui ipsis incōmodare
uolunt, quoties nihil læduntur, ab ijs qui lædunt, ni-
hil uapulant, ab ijs qui uerberant, nihil irridentur ab
alijs ipsos irridentibus. Dices. Id uero qui fieri po-
test? fieri, fieri admodum potest. quum ille uidelicet
factis non indoluerit, qui uero fit , inquis, ut ille mi-
nime indoleat? qui? datur quidem & non indolere.
Etenim, quæro ego ex te. si te infantulus tuus contu-
melia afficeret, ecquid contumeliam existimares?
quid

quid autem? doleret tibi? nequaquam. sin autem doleret, tum esses risu dignus. Morale.

Ad eundem modum erga proximos afficiamur, sic fiet ut molesti nihil patiamur. nam qui nos iniuria afficiunt sunt infantulis dementiores. neque tamen id agamus, ut iniuria afficiamur, uerum ut iniuria affecti, forti ac generoso animo feramus. hic enim demum est solidus honor. quid ita? quoniam tute hoc iuris habes tui, alius autem illud. Nonne uides adamantem, dum feritur, percutere? At natura huius, inquis, ita habet. & tibi quoque ab ipsa uoluntate accidere illud idem potest, quod à natura illi accidit. quid autem? nonne uides Infantes in camino minime uri? & ipsum Danielem in lacu nihil mali pati? Id ipsum & nunc quoque existere potest. Adsunt & nobis leones, ira, & cupiditas, molestis dentibus armati hostes, diserpentes quisquis in illos inciderit. Danielem igitur imitare, minime concedens, ut affectus eiusmodi, dentes animæ tuæ infigant. At ille gratiam suppetias sibi afferentē habuit. recte, quandoquidem hanc gratiam uoluntas ipsa præuenit. Quamobrē si uoluerimus & ipsi, tales nos præstare, præsto est & nunc gratia: atque ut etiā feræ ille esuriant, latus tuum haudquaquam cōtingent. Si enim corpus seruile conspectum reueritæ sunt, membris Christi conspectis (hoc enim sumus, qui fideles su-

K ; mus

mus) qui fiet, ut minus conquiescant: quod si non conquiescent, in causa erunt, qui feris illis obiecti fuerint. Etenim hisce leonibus multi impensam subministrant, scorta nutriētes, alienas nuptias perfringentes, inimicos ulciscētes. quo fit ut anteq̃ ad ipsum solum accedant, discerpātur. At hoc in Daniele non accidit. neq̃ in nobis si uoluerimus, id usu ueniet. sed & amplius quiddam reportabimus, ijs quę tum euenierunt. Illum enim non læserunt leones. Nobis uero si sapiemus, & usui erūt, qui nos iniuria afficient. Sic certe Paulus inclaruit, nempe ab ijs, qui ei incommo- dum molirentur, insidiasq̃ struerent. Sic Iob, à non paucis plagis illis. Sic Hieremias à lacu cœni. Sic Noe à diluuiō. Sic Abel, ab insidijs. Sic Moyses, à Iudæorum inuidētia. Sic Elisæus. Sic unusquisque magnorum illorum uirorum, non à requie, non à delicijs, uerum ab afflictione, à tentationibus insignes coronas reportarūt. Quapropter & Christus quum intelligeret, hoc demum esse argumētum, per quod quis deo commendari posset, discipulos sic appellabat. In mundo afflictionem habetis, sed ramen bono animo estote. Ego uici mundum. Dices. quid? Nonne multi deiecti sunt, malis, quibus premerentur, fracti. Nequaquam sanē per tentationum naturam, sed per suam ipsorum socordiā. Cæterum qui unā cum tentatione præstat etiam modum, quo sustinere

stinere, atq; à malis eluctari possis, ille idem manu porrecta, omnibus nobis adsit, ut magna nostra gloria tanquam præconis uoce uictores declarati, æternas coronas assequamur. gratia & benignitate Domini nostri Iesu Christi, per quem, & cum quo, patri, gloria, unà cum sancto spiritu, in secula seculorum, Amen.

HOMILIA IIII



Quamobrem tradidit eos deus in affectus ignominiosos. Nam & fœminæ illorum mutauerunt naturalem usum, in cum, qui est præter naturā. similiterq; & masculi, relicto naturali usu fœminæ, exarserunt per concupiscentiam sui alius in alium.

Animi morbi quidē omnes ignominiosi, sed maxime in masculos infania. Etenim ab ipsis delictis anima magis patitur, dedecoraturq; quàm ab ægritudinibus corpus. Cōtēplare porrò, ut & hic quoq; ipsos uenia priuet, quemadmodum & quum de dogmatibus uerba faceret, de fœminis quidem sic locutus. Mutauerunt naturalem usum, in cum, qui est præter naturam. Neq; enim, inquit, dicere possit quisquam, quod à naturali coitione prohibitæ, ad hoc morbi confugerint. neq; quod dum non haberent, unde cupiditatem suam cōplerent, ad hanc absurdam

furdam impeerint rabiem. Verbū enim hoc mutā-
re, eorum est, qui habent: quo etiam usus est, quum
de dogmatibus ageret. Veritatem dei mēdacio mu-
tauerūt: aliter autem & ipsum hoc declarauit de ma-
sculis loquens. Relicto, inquit, scēminæ usu natu-
rali. Ac iuxta tum illas, tum hos ab omni defen-
sione excludit, increpans ipsos non solum quod frui-
tionem haberent, ea q̄, quā haberent, relicta, ad
aliam se cōtulerint, sed quod naturali usu per eos re-
probato, ad eum, qui est præter naturam aducurre-
rint. Difficiliora autem, atq; insuauiora ea sunt, quæ
præter naturam fiunt: quapropter ne uoluptatem
quidē se capere, dicere possint: uera enim ac germa-
na uoluptas ea demum est, quæ secūdam naturam
est. At quum deus destituerit, tum omnia sursum, ac
deorsum feruntur. Quamobrem non ipsum modo
dogma illis satanicū erat, sed & uita diabolica. Pro-
inde de dogmatibus quum loqueretur, mundum
ipsum in medium adduxit, & cogitationē item hu-
manam dicens, quod intellectu dato à deo, per ea,
quæ uiderentur, poterant ad ipsum opificem, ueluti
manu præeunte perducī: quod quum in animum si-
bi inducere noluiſſent, māserūt indigni, qui ueniā
assequerentur. Hoc loco pro mundo, uoluptatem
eam substituit, quæ est secundum naturam, qua qui-
dem poterant ipsi maiore cum libertate ac licentia
frui

frui, & pleniori lætitia suscepta, à dedecore ac turpitudine sese eximere. quod ipsum tamen noluerunt, unde & ueniam haudquaquam sunt affecuti. quin & ab ea omnino sunt exclusi. ac quod in his ignominiosius quidem est, & ipsas insuper mulieres ostendit, id genus coitiones uenari, quas tamē uiris oportebat esse uerecundiores. Pauli porrò prudentia merito hic nobis admirabilis est, ut qui quum in duas res sibi inuicē aduersantes incidisset, utraq; exacte absoluerit. uolebat enim grauitate, ac reuerentia seruata loqui, & auditorē tamen interim mordens percellere. at hæc ambo non dabantur, sed alterum alteri impedimento erat. Nam si quid reuerenter dicas, haudquaquam possis auditorem perstringere. quod si rursus uehemēter perstringere uolueris, necesse tibi est aperta ac nuda oratione rē designare. At prudēs ac beata Pauli anima utrūq; exacte præstitit, ipso naturæ nomine & increpationem augens, & hæc tanquam parapetasmate ad enarrationis uerecundiā usus. Deinde mulieribus prius perstrictis, ad uiros progreditur, dicens. Similiter & masculi relicto naturali usu scēminæ. Quod ipsum est extremæ perditionis indicium, quum scilicet utrumq; genus corruptum est, quumq; tum qui mulieri præceptor est ordinatus, tum quæ uiro auxiliatrix iussa est esse, hostium inter se officijs funguntur. Considera

L autem

autem quanta cum emphasi dictiones usurpet. non enim dixit illos amasse, ac desiderasse inter se mutuo, sed exarxisse mutuo per appetentiam sui. Vides ab auiditate omne malum exortū, quum ipsum desiderium uidelicet non sustineat intra proprios terminos cōsistere. Quicquid enim terminos à deo statos transgreditur, id absurdarum, ac minime legitimarum rerum appetēs est. Quemadmodum enim fieri sæpe uidemus, ut qui ciborum appetentiā amiserint, terram, ac lapillos comedant: quicq; impotenti siti correpti fuerint, ij & cœnum quoq; nōnunquam ad bibendum appetāt: ita & illi ad huiusmodi amorem illegitimum efferbuerūt. Quod si dixeris: & unde desiderij huius intentio? à dei destitutione: dei autem destitutio unde? ab eorum improbitate, qui illud reliquerunt. **Masculi in masculos turpitudinem peragentes.** Ne enim posteaquam audieris, ait, quod exarserunt, desiderij solius morbū esse putes. Etenim bona mali huius pars ab eorum manat socordia, quæ desiderij ipsum incendit. quapropter non dixit, pertracti, aut præoccupati, quod quidem alibi ait, quid ergo? **Peragentes.** Opus constituerunt peccatum, nec simpliciter opus, sed & studio absolutum. neq; dixit desiderij, sed turpitudinem, & quidem proprie. etenim & ipsam naturam dedecorauerunt, & leges calcarunt. Vide porrò magnā confusionem

fusionem utraq; ex parte natam. neque enim caput
 solū inferne, sed & pedes superne erant positi. & ho-
 stes ipsi inter se extitere, molestam quandā & quo-
 uis bello intestino iniquiorem pugnam, eandemq;
 uariam introducentes. Etenim in quatuor ipsam spe-
 cies nouas, & illegitimas diuiserunt. neq; enim du-
 plex, aut triplex, sed & quadruplex bellum hoc exi-
 stebat. Cōsidera porrò, oportebat duos unum esse,
 mulierem & uirum dico erunt enim, inquit, duo in
 carne una. præstabat autem hoc consuetudinis de-
 siderium, & copulabat genera ipsa inter se. hoc desi-
 derium diabolus tollens, & in alium deriuās modū,
 sic ipsa eadem à se genera diremit, ut quod unū erat,
 duas partes faceret. cōtraquā lex diuina instituiisset.
 ea enim ait, duo erūt in carne una. hic autem unam
 in duo dissecuit. ecce bellum unū. rursus ipsas has
 duas partes, & contra se, & inter se ipsas infensas red-
 didit. ipsæ enim fœminæ fœminas cōtumelia afficie-
 bāt rursus, non uiros solū: & uiri itē cōtra se ipsi ste-
 terant, & contra fœmineū genus. perinde ut si in pu-
 gna aliqua nocturna uersarentur. Vides secundum,
 & tertium bellum, & quartū, & quintū: est & aliud.
 nam unā cū ijs, quæ diximus, & ipsam quoq; legem
 uiolarunt. posteaquam enim uidit diabolus deside-
 rio genera eadem maxime cōiungi, studuit ipse uin-
 culum discindere, sic ut genus ipsum dissoluerit, non

ex eo solum, quod iuxta legis ordinem semen non proferret, sed ex eo quod inter sese iidem illi infensi mutua seditione conflictarentur. Et mercedem quam oportuit, erroris sui in semetipsis recipientes.

Vide quomodo rursus ad mali fontem se confert impietatem à dogmatibus natam & mercedem esse ipsam ait iniquitatis illius postea quā enim nōn visum est illi, impijs, & ijs, qui sic uitā instituere malunt, supplicij ac gehennæ fidem facere nunc posse, sed risui se potius fore, ostendit in ipsamet demum uoluptate hoc supplicium residere quod si minime persentiunt, sed delectantur, ne mirū tibi sit. Etenim qui insaniunt, ac phrenesim patiuntur, ij certe multas, & eas miserandas in semet iniurias dū inferunt, ob quæ facta alijs lachrymas cient, ob ea rident qui dem ipsi, & insolescunt, nec tamē illos propterea dixerimus supplicio liberatos, sed hoc ipso nomine pœna grauiori affligi, quod ne ipsi quidem norint, quibus, quantis que in malis uersentur miseri. neque enim ab ægrorum, sed à sanorum calculo sententiam ferre nos oportet quandoquidem antiquitus & lex esse res ea uidebatur. ac legislator qui dam apud illos sanxit, ut serui neq; in sicco sese uergerent, neq; puerorum amoribus uacarent, hanc scilicet prærogatiuam ingenuis solis concedens, seu ut uerius dicam, hanc turpitudinem quum tamen ne
turpitu/

turpitudinem quidem factum eiusmodi esse crederent, sed ueluti uenerandum, honestum, ac maius quod seruorum personis conueniret, liberis ipsis permissum, tum sapientissimus Atheniensium populus, tum qui magnus apud illos habitus est Solon cum eo quoque quod & multos philosophorum libros hoc re morbo refertos inuenias. At non propterea rem legitimam esse, quin eos potius, qui legem huiusmodi admiscere miserabiles, multisque lachrymis persequendos dicimus. quæ enim dedecora admittunt, mulieres et, quæ corpora prostituunt sua, eadem atque adeo his miserabiliora & hi quoque patiuntur. Nam illis si minime legitimus, at certe naturalis est coitus. hic autem & illegitimus & præter naturam. Vt enim nec gehennam, nec supplicium comminatus esset deus, certe hoc ipsum quouis supplicio deterius fuerit quod si delectantur, poenæ certe additamentum mihi narras. neque enim si quem ipse uidero nudum, currentem, cæno corpus totum, ut colore, sordidantem, tum autem sese minime præ pudore obtegentem, quin potius sibi hoc nomine placentem, huic sanè de eo facto gratulabor, quin eum potius deplorabo, quod ne se quidem indecore agere persentiscat. Vt autem & contumeliam ipsam manifestius declarem, patiamini si placet, & me aliud exemplum usurpare. Si enim uirginem hac poena mulctat.

res, ut sola in cubiculo uersans cum brutis animantibus rem haberet, postea autem eadem illa huiusmodi coitione delectaretur, nonne obsecro, fieret, ut, uel hoc potissimum nomine, lachrymabilis foret, quod morbo liberari eo nequiret, non ob aliud, nisi quod morbum ipsa suum ne sentiret quidem? omnino ita liquet. Quod si illud graue, ne hoc quidem minus illo. etenim contumelia à domesticis accepta, ea sanè miserabilior est, quàm externi adferunt. Hoc equidem ijs etiam, qui sibi ipsi mortem cōsciscunt, deteriores esse affirmo. prastiterit enim mori, quàm tanta contumelia accepta uiuere. nam qui se ipse interimit, is animā à corpore dissociat. at hic animā ipsam unā cum corpore perdit. Quodcūq; porrò delictum nominaueris, nullum huic peccato par dixeris, qui si facta sua sentirent, qui patiuntur, sexcentas utiq; mortes obierint, ut ne hoc pateretur. neq; enim est, neq; inquam est hac iniuriā alia ulla nec grauior, nec rationis minus habens. Nam si de scortatione Paulus differens dixit, peccatum omne, quodcūq; commiserit homo, extra corpus esse, qui autem scortatur, eum in propriū corpus delinquere: quid de insania hac dixerimus, quæ ipsa tanto est scortatione deterrior, quantū ne uerbis quidē exprimere licet? Neq; enim hoc solum dico, quod scēmina effectus sis, sed quod perdideris ipsum hoc, nimirum uirum esse, & quod

quod neq; in hanc transieris naturam, neq; quam haberes asseruaueris, sed cōmunis utriusq; effectus sis proditor, dignus quem tum uiri tum fœminæ lapidibus à se exigāt, tanquam qui utrunq; genus iniuria affeceris. Atq; ut intelligas, quātum hoc ipsum sit, si quis ad te adiens promitteret fore ut te ex uiro canem efficeret, nonne ab eo tanquam exitioso declinares. Tu uero dispicito te ipse non ex uiro canem effecisti, sed animal hocce animante infamius: id enim ad usum accōmodum, at catamythus nulli tibi usui esse possit. Quid autē: quæso. Si quis profiteatur, præstaturum se, ut uiri pariant, & à partu in lecto decumbant. nonne fieret, ut ira, atq; exandescencia completeremur? At uero uide nunc. certe qui sic rabiunt, perfecerunt ipsi, ut deteriore conditione essent. Neq; enim par, idemq; fuerit, in muliebrem naturam migrare, & uir interim dum manes, fœminam fieri, quin potius neque hoc, neque illud fuerit. Quod si & aliunde mali enormitatē pernoscere uis, interrogato, quamobrem, qui se ipsi eunuchos faciunt, eos legislatores pœna afficiant, & intelliges, id non ob aliud esse, nisi quod naturam mutilent: quam non eousq; illi iniuri sunt. sunt enim uel post mutilationem, multis quidem locis usui, qui execti fuerint. At quisquis scortum se facit, hoc nihil esse queat inutilius. neq; enim anima solū, uerum & corpus

pus eius, qui hæc patrat, infame est, ac certe dignum
quod undequaq; exterminetur: quot tandem, obse-
cro, gehennæ his plectendis suffecerint? Quod si au-
dito gehennæ nomine, irrides, ac fidem non habes,
illum ignem recordare Sodomorū. Vidimus enim
uidimus, & in præsentī quoq; uita, gehennæ effigiem.
quandoquidē enim multi futuri erant, qui ihs fidem
minime habituri essent, quæ post resurrectionem fu-
tura sunt, nunc quum iidem audiant, esse ignem in-
extinguibilem, à rebus præsentibus illos deus erudi-
uit: tale est igitur Sodomorum incendium, & uasta-
tio illa. id quod sciunt ij, qui ad ea loca profecti, pla-
gam illam diuinam, ac cœlestium fulminum opus
oculis subiecere. Cogitato quàm graue illud sit pec-
catum, ut quod ipsam gehennā etiam ante tempus
existere coegerit. Nam posteaquam permulti uer-
ba despicerent, illis deus per ipsa demum opera, ge-
hennæ effigiem ostēdit, noua quadam ratione erat
enim præter omnium opinionem pluuia illa, quo-
niam quidem & præter naturam ipsa coitio: atq; ea
quidem pluuia terram exussit, quoniam & illorum
animos ipsum desiderium: ob quod pluuia eadē
ferebatur, contraquam solita ista, ac quotidiana fer-
ri soleat. neq; enim nō excitabat modo terræ uterū,
sed & ad seminum susceptionē inutilem efficiebat.
Talis enim erat ipsa Sodomitarū coitio, eiuscemor-
di corpus

di corpus inutilius reddēs. Quid em̃ uiro corpus suū meretricio more prostituyente abominabilius? quid autem scelestius? ò insaniam. ò stupiditatem unde, malum, hæc debacchata est concupiscentia, humana naturam hostium incommodis, atq; adeo tanto grauioribus afficiens, quanto anima corpore præstantior est? ò uos & brutis insipiētiore, & canibus impudentiores nusquam enim huiusmodi congressus apud illos. sed agnoscit proprios terminos natura. Vos autem genus uestrum infamius brutorum genere effecistis, & in his, quæ dico, iniurijs, & per uos inuicem iniurijs. Vnde igitur mala hæc enata sunt? à delitijs, à dei ignoratione. quū enim excusserit quis ipsius dei timorem, protinus bona omnia pessum eunt. Vt ne igitur hoc eueniat, dei exactū timorem ante oculos habeamus. nihil enim ita hominē perdit, quàm si illum contingat ab hac anchora excidere. quemadmodū nihil contra ita illum seruat, quàm assiduus in illum aspectus. Nam si hominem quum præsentem contuemur, tum ad peccandum tardiores reddimur, sæpe autē & seruos modestiores subueriti, absurdi nihil admittimus, *Morale.*

Considerato quantam adepturi simus securitatem, si nos contigerit, deum assidue in oculis ferre. nusquam enim diabolus nos sic compositos adorie tur, tanquam frustra laboraturus. qui si aberrantes,

M ac sine

ac sine freno palantes uiderit, sumpto à nobis exordio, poterit ubiq; , ut scabiosas oues, à grege summo-
tos depellere. Et quod ignauis famulis usu uenire in
foro solet , ut ministerijs necessarijs posthabitis, ad
quæ peragenda à dominis suis amandantur, incon-
sulto, ac temere sibi occurrentibus affixi , ocium illic
absumât, hoc ipsum sanè & nobis quoq; accadat ne-
cesse est, quoties à dei mādatis aberramus. Stamus
enim admirati diuitias, corporis pulchritudinem, &
alia item ad nos nihil pertinentia, illorū famulorum.
exēplo, qui mendicis morionibus, ac per præstigias
quasdam miracula repræsentantibus intenti sero do-
mum ubi redierint, extremis plagis cæduntur. mul-
ti autem & propositum iter prætereunt , secuti alios
turpiter & inhoneste in huiusmodi facinoribus sese
gerentes. Nos uero caueamus, ne similia patremus.
etenim dimissi quidem sumus ad multa, & ea urgen-
tia, peragenda: qui si, omisis illis, steterimus oscitan-
tes ad hæc infructuosa , tēpore omni nobis frustra
& incassum absumpto, extremum luituri sumus sup-
plicium. Etenim si te ipse exercere uis, habes quæ ad
mirari, & circa quæ totum tempus ore hianti esse de-
bes, quæ quidem nō risu, sed admiratione, multisq;
laudibus digna sunt. idq; eo magis, quod qui ridicu-
larum rerum admirator est , & ipse quoque sæpe
talis euadit, atq; adeo illo deterior, qui risum alijs ex-
citat

citat. Quod ipsum ut ne tibi accidat, pedem inde cū
primum retrahito. Cur enim, quęso, stas ad diuitias
hians, ac ueluti attonito similis? quidnam, obsecro,
mirandum spectas, ac tale, quod oculos tuos mora-
ri debeat? equos auro stratos, famulos, illos quidem
barbaros, illos autem eunuchos, & sumptuosas item
uestes, & molliciei deditum in ijs animum, & contra-
ctum illorum supercilium, & circuitiones, & tumul-
tus. hæc ipsa, obsecro, quorsum admiratione digna
fuerint? Hi autem quid à mendicis differunt in foro
tripudiantibus, ac fistula canentibus. Siquidem & ij
magna uirtutis fame correpti choream agūt, quàm
illi, magis ridiculam, acti & circumacti, nūc quidem
ad lautas mensas, nunc ad meretricium fornicem,
nunc ad adulatorum gregem, & parasitorū turbam.
Qui si auro splendent, hoc potissimum nomine
miserabiles sunt, ut quibus præcipuo studio ea sint,
quæ ad ipsos nihil spectāt. Mihi em̃ ne uestes ipsas
intueare, uerum ipsorum animam denudato, ac di-
spicito, num ea uulneribus innumeris abundet. num
pannos induta, desolata sit, & à nemine recta. Quid
igitur externa insania opus est? etenim lōge melius
fuerit, pauperem esse cum uirtute uicitatē, quàm
regem cum malicia. pauper enim apud se animi de-
licijs perfruitur, exteriorem non sentiens paupertate,
tē, ob diuitias interiores. At rex deliciatus in ijs, quæ

M 2 ad ipsum

ad ipsum nihil spectat, in ijs sanè, quæ ad ipsum im-
primis pertinent plectitur, nimirum in anima, in con-
scientia, in cogitationibus, illum uel mortuum cōco-
mitantibus. His igitur intellectis aureas quidem ue-
stes exuamus, uirtutem autem amplexi induamus,
tum uoluptatem ex ea nascentem sic enim & hac in
uita, & in futura multis delicijs perfruemur, ac bona
promissa assequemur, gratia & benignitate domini
nostri Iesu Christi, per quem, & cum quo, patri glo-
ria, unà cum spiritu sancto, in secula seculorū Amen.

HOMILIA V

” **L**” **E**” **T**” **U**” quemadmodum non probauerunt
ut deum agnoscerent, ita tradidit eos
deus in reprobam mentem ut facerent
quæ non conueniebat.

Vt ne uideatur ipsos subindicare, dū nimius est
in lasciui puerorum amore uituperando, transit de-
inde ad alias peccati species. quapropter & sub alijs
personis orationē totam profequitur. Ac sicuti cum
fidelibus de peccatis uerba faciēs, & ea uolens osten-
dere fugienda esse, ipsas gentes in medium adducit,
quum ait non cum affectu concupiscentiæ, ueluti re-
liquæ gentes, quæ deum nō nouere: ac rursus ne do-
leatis quemadmodum & cæteri nō habentes spem:
sic & hoc loco ostendit, peccata ad illos pertinere,
eosdemq;

eosdemq; omni uenia priuat non enim ea facinora ab ignorantia, sed à meditatione, ac studio orta affirmat: quapropter non dixit, & quemadmodum non cognouerunt: sed non probauerunt, ut deum agnoscerent. peccatum id tale esse significans, ut ad id iudicio corrupto, ac cōtentione potius prolapsi; quàm ui pertracti fuerint. unde & ostendere uult, peccata non carnis esse, sicuti hæretici quidam dieunt, sed cogitationis, ac malæ concupiscentiæ, atq; illinc malorum fontem scaturire. Mens enim reproba quum semel facta fuerit, necessario fit, ut omnia distrahan-
tur, ac subuertantur, nimirum auriga iam corrupto.

Repleti omni iniustitia, scortatione, auaritia.

Vide omnia cum intentione dicta. etenim repletos esse ait omni iniustitia. Ipsam porro uiciositatem generaliter ubi extulit, & huius quoq; partes supra modum persequitur dicens, pleni inuidia, cæde. hoc enim ex illo ortum est. quemadmodum de Abel, ac Ioseph ostensum est. deinde ubi eos dixit cōtentione, dolo, malis præditos moribus, susurrone, obre-
ctatores, dei ofores, cōtumeliosos, & quæ multis in-
differentia esse peccata uidentur, ea criminum loco ubi posuit, ipsam rursus accusationē auget, in ipsam malorum arcem conscendens, quū ait elatos, ac gloriosos. grauius enim peccatum admittit, qui de peccato admissio sese effert, gloriaturq; quàm qui sim-

M ; pliciter

pliciter peccat. ob quod & Corinthiis id ipsum uicio uertit, quū ait. & uos inflati estis. nam si qui ob meritum aliquod suum inflatus est, illius fructū omnem amittit, quam, obsecro, pœnam non mereatur, qui ob peccatū à se admissum gloriatur. neq; enim qui talis est, pœnitentia unquam compungetur. postea ait. Excogitatores malorum, Hic ostendit eos haudquaquam peccatis iam natis fuisse contentos, sed & alia quædam adinuenisse. quod rursus eorum est qui meditantur, ac student, non autem qui uirapiuntur, ac pertrahuntur. quū autem uiciositatem per partes explicasset, ostendissetq; quod & contra naturam rursus stetissent (ait enim parentibus immorigeri) deinceps ad huiusmodi pestis radicē progreditur, eos dictitās à charitatis affectu alienos, ac fœderis minime obseruātes. Hanc enim & Christus maliciæ causam esse ait, quum ait, quum repleta fuerit iniquitas, tū frigescet charitas. Hoc ipsum igitur & hic Paulus ait, eos appellans pactorum hauquaquam tenaces, nescios fœderis, alienos à charitatis affectu, immisericordes, & ostendēs quod ipsum naturæ donum prodiderint. ita enim comparatū est, ut habeamus genuinam, ac naturalem quandā inter nos necessitudinem, quam ipsam, & feræ quoq; bestię inter se obseruant. Vnum quodq; enim animal, ait ille, sui simile amat: & homo item proximū suum

suum. At hi illis extiterunt efferatiores. Eum igitur
 morbum, qui à malis dogmatibus in terrarū orbem
 inuasit, per hæc nobis representauit, ac planum fecit
 laborantium ignauiam ac desidiam utriusq; ægritu-
 dinis autorē esse. ostendit insuper, quod & dum de
 dogmatibus ageret fecit, & hic quoq; illos ipsos ue-
 nia esse priuatos. propterea ait. Qui quum dei iu-
 sticiam nouerint, nempe quod ijs, qui talia faciunt, di-
 gni sunt morte, nō solum ea faciunt, uerumetiam ijs
 assentiuntur qui faciunt. Obiectionibus duabus
 hic positis, ipsas utraq; præcipue sustulit. Quidnam
 enim, ait, allegare possis? quod nescias quæ agenda
 sint? tu uero, ut id maxime ignores, in causa sanè es,
 utpote qui deum id tibi indicantem deserueris. nunc
 autem & multis quidem rationibus ostendimus te,
 id nec ignorare, & ultro tamē peccare: at ab ipso tra-
 heris affectu? quid igitur & adiuuas, & laudas? non
 enim solum ea faciunt, inquit, sed & assentiūtur ijs,
 qui faciunt. Difficiliore igitur obiectione, & ea quæ
 nullam planè ueniā meretur, prius posita, ut aduer-
 sariū euincat, est enim peccāte multo deterior qui
 peccatum cōmēdatione prosequitur, sed hoc ipsum
 prius quum dixisset, per id quod uehementius est,
 rursus in subsequentibus eundem aduersariū manci-
 pat, ita dicens. Quapropter inexcusabilis es ò ho-
 mo quisquis es, qui iudicas: nam hoc ipso quod iudi-
 cas

» cas alterum, te ipsum condemnas. Hæc in ipsos
principes inuehens, dixit. Nam ea quidem urbs tum
totius orbis principatum tenebat. anteuertens igitur,
ait: tuam tibi defensionem eripis heus tu, quisquis
es. quoties enim adulterum condemnas, interim au-
tem ipse es adulter, ut te nullus homo iudicet, quod
ad rei damnandi iudicium pertinet, contra te senten-
» tiam tulisti. Scimus autem quod iudicium dei est
» secundum ueritatem aduersus eos qui talia agunt.

Vt ne quis enim diceret, interim quidem elapsus
sum territans ait, non perinde esse apud deum, ut &
hic. hic enim alius quidē peccati sui pœnas luit: alius
autem illo eodem peccato admissio, supplicium eua-
dit: at illic non perinde se res habet. Iam quod ipse
iudex nouerit, quod iustum est, addidit Paulus, non
etiam unde nouerit. superuacaneum enim erat. Su-
pra de impietate dum ageret utrumque certe ostēdit,
& quod deum qui cognouisset, impius tamen esset,
& unde cognouisset: nempe à mundi fabrica. quan-
do quidem enim omnibus nō innotescebat, causam
addidit. Hoc uero loco quod omnibus ueluti cōfes-
sum est, præterit. porro ubi ait, quisquis es qui iudi-
cas, non solum cum principibus, sed & cum priuatis
ac subditis uerba facit. Siquidem omnes homines,
ut thronum non conscendant, ut carnifices, ut fidicu-
las, ac compedes minime habeant, attamen & ipsi
quoque

quoq; eos, quos peccare intelligunt, iudicant in colloquijs, in communibus cœtibus, in conscientia calculo: ac pronunciare quidem nullus audeat, quod adulter supplicium non mereatur: sed alios, ait, iudicant, non seipsos. hanc enim ob causam in eos acriter insurgit, dicens. Cogitas autem hoc ò homo, qui iudicas eos, qui talia faciūt, & facis eadem, quod tu suffugies iudicium dei? Posteaquā enim multiplex esse ostendit orbis terrarum peccatū, ab ipsis dogmatibus, ab ipsis rebus, & quòd sapientes essent, quòd ipsam creaturam haberent, illos ueluti porrecta manu ductantem, quod non ob id solum quòd deum reliquissent, sed quòd reptilium similitudines elegissent, quòd uirtutē respuissent, quòd obluctante natura ad uicium transfugissent, uicium inquam quod præter naturam esset, progreditur deinceps, ut ostendat, quod & qui talia faciunt pœnas luunt. Porro autem ipsam pœnam iam declarauit, quum actionem ipsam dixit. Præmiū enim inquit, quod oportuit, erroris sui in se recipiunt. Sed quoniā hanc ipsi pœnam non persentiscūt, expressit & aliā quam maximè reformidant: quā & ipsam iam demonstrauit. quum enim dixit quod dei iudiciū est secundum ueritatem, aliud nihil quàm hoc ipsum, quod dico, exprimit uerum tamē & hoc idē alijs pluribus probat rursus, sic inquires: Cogitas autē ò homo, qui iu
N dicas

dicas eos, qui talia faciunt, & facis eadem, quod tu suffugies iudicium dei? iudicium ipse tuum non effugisti, & dei iudicium effugies? quis tandem hoc ita esse dixerit? quanquam tute te ipsum iudicasti. Sed posteaquam tanta fuit iudicii exuberantia, ut ne tibi quidem ipse parcere potueris, nonne deus, qui peccandi nescius, supra quam dici potest iustus est, id ipsum multo magis effecturus est? Te ipsum tute met condemnasti, deus autem admittet, probabit, ac laudabit? qui id, obsecro, rationi consentaneum est? quanquam quod ille abs te condemnatur, hoc ipso maiorem tute poenam mereris. Neque enim perinde est, si simpliciter pecces, atque si alterum, qui peccauerit, quum punieris, in eadem cum illo peccata rursus prolabaris: uides quo pacto crimen auxit? Etenim si tu, inquit, de eo poenas sumis qui in leuioribus deliquerit, praesertim quum futurum sit, ut tibi interim ignominiae notam sis allaturus, nonne deus ipse praesertim nullam sibi inde dedecoris notam inuicturus, te, te inquam a proprijs cogitationibus iam damnatum, grauius condemnaturus est? Qui si dixeris non nescire, te supplicio dignum esse, sed contemnere, propter illius lenitatem, atque inde fiduciam tibi sumis, quod in praesentia poenas non das: certe hoc ipso nomine conueniens fuerit ut formides, ac contremiscas. Neque enim ille differt ob hoc, ut ne ipse poenas
des

des, sed ut grauiores des. si modo incorrigibilis perseueras quod tibi nunquam usu ueniat quapropter addit. Aut diuitias bonitatis illius; ac tolerantiae lenitatisq; cōtemnis, ignorans quod bonitas dei ad pœnitentiam te inuitat. Dei laudans lenitatem, ac declarans illam maximum afferre lucrum, ihs, qui attenti fuerint (hoc ipsum autem erat peccatum ad pœnitentiam illecebra) timorem auget nam quem admodum ihs, qui ea lenitate recte usi fuerint, salutis argumentum est, sic ihs, qui eam contempserint, grauioris supplicij causa esse solet. Hoc enim quod uulgo circumfertur, nempe quod bonus, ac lenis deus quum sit, pœnas minime reposcit, sed tritū hoc uerbum quum dicis, inquit, aliud sanè nihil dicis, quàm supplicij ipsius intētionem. bonitatem enim præfert deus, ut à peccatis te eximas, non etiam, ut peccata peccatis accumules qui nisi id feceris, terribilius certe iudicium te manet. Quamobrem quandoquidem lenis est ille, dāda est imprimis opera, ut ne peccemus, nēue illius beneficētiā improbitatis ingratitudeisq; argumentum efficiamus. Vt enim lenis ille sit, punit tamen prorsus. Vnde hoc nobis liquet: ab ihs quæ subsequuntur. Nam si uicium maxime regnat, nec mali tamen pœnas dedere, prorsus necesse est, aliquando ut dent si enim hæc negligūt homines, qui deus neglecturus est. Quare & iudicij sermonem in

duxit. Nam quod ostenderit multos pœnæ esse obnoxios nisi eos pœnituerit, deinde illos eosdem pœnas non dedisse, hic iudicium prorsus futurum colligit idq; cum intentione. quapropter ait. Sed iuxta duritiam tuam & cor pœnitere nescium colligis tibi ipsi iram. Quum enim neq; bonitate molliatur, neq; terrore flectatur, hoc quid magis induratum esse queat: posteaquam enim dei māsuetudo quantā sit ostēdit Paulus. tum demum terribilis est ei, qui ne sic quidem ad pœnitentiā pedem retulerit. Vide porro quā proprie dictionibus utatur colligis enim inquit, tibi ipsi iram, manifestās quod prorsus reconditum est, ac demonstrans non eum, qui iudicat, sed eum qui iudicatur, huius rei autorem esse. Tibi enim ipsi, ait, colligis, non tibi deus. etenim ille omnia prestitit, quæ oportebat. perfecit enim ut cognosceres, tum quæ bona essent, tum quæ mala, præterea & lenitatem exhibuit suam, ad pœnitentiam te uocauit, diem cōminatus est terribilem, modis omnibus ad pœnitentiam te illiciens. Qui si inflexus manes

Tibi ipsi colligis iram in die iræ & reuelationis, & iusti iudicij dei. Vt ne enim audito iræ nomine, affectum, animiq; morbum esse putes, addidit iusti iudicij dei. recte autem reuelationis uerbum usurpauit. tum enim hoc reuelatur, quum pro sua quisq; dignitate recipit. Nam hac in uita multi sæpe, contra quā

quàm æquum iustumq; est, alijs incōmodant, atq;
 insidiantur at non sic in futura. Qui redditurus „
 est unicuiq; iuxta facta sua ijs quidem qui perseue- „
 rantes in benè agendo. Postquam se terribilem ac „
 grauem ostendit, in ferēda iudicij ac futuri supplicij
 mentione, continuo supplicium ipsum ad id quod
 audītores expectabant non coniecit, sed orationem
 ad suauius quiddam uertit, nempe bonorum ope-
 rum retributionem, sic inquit, Iis quidem qui „
 perseuerantes in benefaciēdo gloriam & honorem „
 & incorruptionem quærunt, uitam æternam. Hoc „
 loco eos, qui animum perferendis tentationibus de-
 sponderint erigit: ostenditq; nō oportere fiduciam
 omnino suā in ipsa fide sola habere. nam illud præ-
 toriū & facta item examinat. Vide porrò, uti, quum
 de futuris bonis loquitur, manifeste ac liquide bona
 ipsa, qualia sint, explicare nequeat, sed & gloriæ &
 honoris nominibus abutatur. nam quandoquidem
 ea bona humanis omnibus bonis superiora sunt,
 non habet, unde rerum earum imaginem proferat.
 sed ea nobis, ab ijs quæ apud nos splendida, & illu-
 stria esse uidentur, utcunq; repræsentat, à gloria, ab
 honore, à uita. hæc enim ipsa ab hominibus maio-
 rem in modum expetuntur. Illa autem non eiusce-
 modi sunt, sed his eo etiam præstantiora, quod & in
 corruptibilia & immortalia sunt. Vides ut & nobis

N 3 corporum

corporum resurrectionis ualuas adaperuit, incorruptionis uerbo usus. nam incorruptio de corpore eo quod corruptioni obnoxium est, dicitur. postea quandoquidē ne hoc quidem satis erat, addidit gloriam, & honorē. Omnes enim incorrupti resurgemus, sed non omnes ad gloriam, uerum hi quidem ad poenam, illi uero ad gloriam. Iis uero qui sunt contentiosi. Rursus enim uenia eos priuat, qui in uiciofitate uiuunt. ostenditq; à contentione atq; ignauia in malitiā illos prolabi. Et qui ueritati quidem non obtemperant, sed parent iniusticiæ. Ecce & aliam rursus incusationem. quamnam enim excusationem habeat, qui luce relicta, tenebras sequi mauult. nec dixit illos à ui aliqua, ac tyrannide cogi, sed iniusticiæ parēre, ut intelligas uoluntatis lapsum esse, non necessitatis crimē. Afflictio, & anxietas aduersus omnem animam hominis perpetrantis malum.

Hoc est ut diues, ut consul, ut imperator sis, neminem ueretur iudicij ratio. nullus enim hic locus ipsis dignitatibus relictus est. postquam igitur declarauit morbi enormitatem, causamq; addidit, uidelicet quod morbus is ab ægrotantium ignauia ortus sit, deniq; quod perditio illos exceptura est, tum autem ubi correctionis facilitatem ostendit, rursus ipsum Iudæum in ipso supplicio grauat. nam qui maiorem assecutus est doctrinam, is legem transgrediens maiori

iori supplicio dignus fuerit. Quapropter quo prudentiores fuerimus, aut potētiores, eo punimur magis, quā delinquimus. etenim si diues es, plures ipse pecunias exigeris, quā qui pauper est: si prudentior, maiorem obedientiam: si principatu ornatus, illustriora facinora. breuiter in omnibus alijs eadem ratione, pro uirili, proq; modulo cōferes. Gloria uero & honor & pax omni operanti bonum, Iudæo primum, & gentili. Quemnam gentilem hoc loco dicit? aut de quibus gentilibus uerba facit? nempe de ijs, qui ante Christi aduentum uiuere nōdum enim ad gratiæ euangelicæ tempora peruenit auctoris sermo, sed adhuc immoratur in superiorib. temporibus, Iudæi & gentilis differentiam è longinquo tollens, ac perimens, ut quum hoc idem in gratiæ temporibus fecerit, ne quid nouū, atq; inuidiosum enunciare uideatur. Nam si priscis illis temporibus, quum nondum tanta effulgeret gratia, quum apud omnes Iudæorum conditio illustris, celebris, uenerandaq; esset, differentia tamen nulla extitisse censenda est, quam demum rationem asferre poterunt, post tantam gratiæ exhibitionem: quamobrem huius rei argumentum accuratissime ponit. Etenim auditor edoctus hoc ipsum superioribus temporibus ita ualuisse, melius multo, fide iā recepta, idē ipsum admittet. gentiles autem hic appellat, non eos qui idololatræ

idololatræ essent, sed eos qui deum colerent, qui naturæ legi parentes, exceptis iudaicis ceremonijs, ea omnia quæ ad pietatem conferrent, obseruarent. Qualis erat Melchisedec cum suis omnibus. qualis erat Iob. quales erant Nineuitæ. qualis erat Cornelius. Iam hic igitur circumcisionis, ac præputij discrimen præfodit, atq; è lōginquo eiusmodi differentiam anteuertens, destruit, ut postea quum de ea re ager, & hoc quidē facere sine suspitione, & alia quadam necessitate impulsus uideatur. quod quidem proprium semper est prudentiæ apostolicæ institutum. nam si id ita se habere gratiæ tēporibus ostendisset, eius certe oratio magna suspitione non caruisset: quum uero enarraret uiciositatem ac malitiam orbem occupauisse, atq; ab ea demum consequentia eò deuenisset, ut de rebus hisce uerba faceret, id certe minime suspectam eius doctrinam reddebat. Quod autem hanc sibi uoluntatem præsumperit Paulus, ac propterea sic epistolæ locum hunc composuerit, hinc liquet. nam nisi in animum sibi induxisset, hoc quod dico astruere, ac probare, satis superq; erat illum dixisse. Iuxta duritiam tuam, & cor poenitere nescium colligis tibi iram. Quo dicto, ab hoc argumento abstinere poterat. absoluta enim erat oratio. sed quoniam non hoc quærebat ipse, nempe ut de iudicio futuro tantum loqueretur, ostendere

ostendere enim præterea uolebat, Iudæum nulla re gentilem eiusmodi, cuiusmodi diximus præcellere, ut ne uidelicet Iudæus cristas tolleret, ad ulteriora progreditur, ordinem seruans. Rem porro considera. Auditorem terruit, effecit ut illius aures extremi iudicii tinnitu personarent, dixit quantum malum sit uitam in malitia transigere, ostendit neminē ignorance peccare, neminē impune abiturū, sed ut pœnas nūc minime det, daturū tamen omnino: hinc aut uult deinceps astruere, quod legis doctrina nō esset rerū admodū urgentiū. Siquidē in ipsis operibus sita est pœna & honos, nō in circūcisione & præputio. postq̃ igitur dixit, q̃ omnino puniet gētilis hocq̃ ipsum confessum, ac minime controuersum habuit, tum autem ab hoc ipso argumentatus est, quod & ille idem honorabitur, deinceps ipsam legem superuacaneam esse ostendit, ac circuncisionem maxime enim hic cum Iudæis depugnat. nam quoniam illi contentiosiores essent, primū quidem præ fastu, indignos se esse iudicantes, qui cum ijs censerentur, qui à gentibus ortum ducerent: deinde quod irriderent, nec ijs fidem haberent, qui dicerent per fidem peccata omnia deleri: propterea prius ipsos gentiles accusauit, pro quibus uerba facit, ut citra omnē suspicionem, libere Iudæos carpat: deinde ad supplicij examen quum deuenisset, ostendit Iudæum non solum

O ab ipsa

ab ipsa lege nihil subleuari, sed & aggruari, & hoc ipsum à superioribus adstruit. Nam si gentilis ipse hoc nomine inexcusabilis est, quod quū & ipsa creatura, & cogitationes illum inducerent, melior tamen inde non euasit, maiori certe ratione Iudæus inexcusabilis futurus est, qui quidem unā cum his, & legis item præceptionem accepit. Illum igitur iam persuasum, facile in aliorum peccatis admittendam esse hanc rationē, cogit deinceps, uel nolentē, hoc ipsum in suis proprijs factitare: atq; ut plausibilior fiat sermo, & in ijs quæ leniora sunt ipsum prosequitur. ita loquens. Gloria uero & honor & pax omni operanti bonum Iudæo primum & gentili. Etenim hac in uita quæcunq; bona habemus, ea non absq; bello habemus, atq; ut diues, ut princeps, ut rex fuerit quis, is si minus cum altero, certe secum ipse per sepe dissidet: nec paruum in animi sui cogitationib; bellum sentit: quū in futura uita eiusmodi nihil quicquam sed omnia tranquilla, omnia à turbatione libera, omnia germana pace perfruentia. Igitur ubi ex ijs, quæ supra dixit, id perfecit, ut ostēderet quod qui etiam lege carent, ij eadem tamen assequuntur, adiicit & rationem sic loquens. Non enim est per sonarum respectus apud deum. Etenim quum dicit tam Iudæum, quam gentilem peccati sui pœnas luere, tum illi id rationibus firmare non opus est. quum

quum autem ostendere uult, ne gentili quidem honorem suū deesse, tum sanè id illum probare oportet. Siquidē mirū uidebat atq; à cōmuni hominum opinione abhorrēs, si qui neq; legē neq; prophetas audierit, honorē tamē assequitur, uitā in bonis operibus trāsfigens. quapropter, quod & superius dixi, illorū quidē auditiones, in ijs exercet tēporibus, quā gratiā euangelicā præcesserunt, ut minore negotiō, unā cū ipsa fide, & in his quoq; assensionē introducat. hic em̄ suspectus minime est, ut qui id adstruit, quod ad ipsum minime spectat. Igitur quū dixisset, gloria, & honor, & pax omni operanti bonū, Iudæo primū, ac gentili, addidit, nō enim est personarū respectus apud deū. Pape quāta cū exuberantia uicit. ostendit em̄, oratione ad absurditatē adducta, non esse etiā in deo, ut ne id ita sese habeat: etenim res ea personarum respectus fuerit. Deus autem talis minime est: nec dixit, quod si id nequaquam fiet, personarū respiciens est deus: sed grauius, neq; enim personarū respectus est apud deum. hoc est deus non personarum qualitatem, sed rerum expendit differentiam: quo dicto ostendit Iudæum à gentili non re, sed persona discrepare: quibus uerbis consequēbatur ut adderet. non enim quandoquidem hic Iudæus, ille autem gentilis, hoc certe nomine hic quidem honore, ille autem contumelia afficitur: sed ab-

ipsis rebus utrunq; efficitur. Verum non sic dixit. Iu-
 dæi enim stomachū excitasset. sed tamen aliud quid-
 dam, & quidem amplius ponit. inferius illorum spi-
 ritus deturbās, ac deiciens, ut illud exciperent. quid-
 nam porro illud est? nempe quod deinceps subse-
 quitur. Quicumq; enim sine lege peccauerunt, sine
 » lege & peribunt. & quicumq; in lege peccauerūt per
 » legem iudicabuntur. Hic enim, ut ante diximus,
 non solum inter Iudæum ac gentilem æqualitatem
 indicat. sed & ipsum etiam Iudæum à lege data mul-
 tum esse grauatum demonstrat. gentilis enim sine le-
 ge iudicatur. hic autem uerbum hoc *ἀνόμω*s, id est,
 sine lege, non seuerius iudicium, sed remissius deno-
 tat. hoc est, non habet ille legem accusantem. Ipsum
 enim *ἀνόμω*s, hoc est, sine illius dānatione, ab ipsis
 naturæ cogitationibus solum condemnatur. Iudæ-
 us autem in lege, hoc est, unā cum ipsa natura & le-
 gem quoq; accusantem habiturus est. quanto enim
 maiori cura à deo dignatus est, tātō maiores pœnas
 dabit. Vides ut maiorem Iudæis necessitatē ad grā-
 tiam accurrendi indixerit. quandoquidem enim di-
 cebant se gratia non indigere, quod à sola lege iusti-
 ficarentur, ostendit illos magis, quā Græcos indi-
 gere. siquidem magis puniendi sunt. deinde rursus
 adiicit & aliam rationem, quæ iam dixit adiuuās, ac
 » confirmans. Non enim qui audiunt legem, iusti
 sunt

sunt apud deum. Recte addidit apud deum et/
 nim apud homines fortasse probi, ac graues, & ma/
 gnopere se iactitantes uideri possint. apud deum
 autem longe secus. Qui legem factis exprimunt
 iusti habebuntur. Vides quanta exuberantia uti/
 tur, orationē suam in contrarium cōuertens. Si enim
 propter legem inquit, censes seruatum te iri, tum te
 præcedet gentilis, ut qui uisus fuerit, ea exequi, quæ
 scripta sunt. dices, qui uero fieri potest, ut qui legem
 minime audierit, eam factis exprimat? fieri quidem
 potest, Paulus ait, nō hoc solum, sed & hoc ipso am/
 plius multo. neq; enim solum absq; auditione pos/
 sis legem factis exprimere, sed & unā cum auditio/
 ne à factis ipsis discedere. Id quod postea apertius
 ponit, ac maiore cū exuberantia. Qui doces alium
 te ipsum non doces. Hic autem interim quod su/
 pra dixit, probat. Nam quum gentes, ait, quæ le/
 gem non habent, natura quæ legis sunt fecerint, eæ
 legem non habentes sibi ipsis sunt lex. Non ex/
 cludo, inquit, legem. sed & hinc gentes iustifico. Vi/
 des ut suffodiens, ac clam subruēs iudaismi gloriam,
 nullam prorsus aduersum se ansam largiatur. quod
 legem uilipendat. sed cōtra, ut eam ipse attollens, ac
 magnificam ostendens totum argumentum pro/
 be adstruat. per naturę autem uerbum, naturales in/
 telligit cogitationes, ac ratiocinationes. ostenditq;

“ alios illis esse probiores & quod maius est, hoc ipso
“ probiores, quod legem minime acceperint, neq; id
“ habeant, per quod uidentur Iudæi ipsos præstare.
“ propterea enim, inquit, admiratiõe digni sunt, quod
“ nec lege illis opus fuit, & omnia quæ legis erant præ
“ stiterunt, suis ipsorum mentibus opera non literas
“ insculpentes. hoc enim ait. Qui ostendunt opus
“ legis scriptum in cordibus suis simul attestante ipso,
“ rum conscientia & cogitationibus inter se accusanti
“ bus, aut etiam excusantibus, in eo die, quum iudica
“ bit dominus occulta hominum, iuxta euangelium
“ meum per Iesum Christum. Vides ut rursus re
“ præsentauerit dicm illum, ac prope admouerit, illo
“ rum mentem concutiens? ostendens illos solum ho
“ nore dignos, qui citra legem, quæ legis essent, factis
“ exprimere curauerint. quod autem in prudētia apo
“ stolica imprimis admirari possis, merito hic dicen
“ dum à nobis est. Nam quum ab ipsa argumentatio
“ ne ostendisset gentilem Iudæo esse probiorem, hic
“ in ipsa collectione, ac cōclusionē rationū, illud idē
“ non ponit, ut ne Iudæum exasperet. ut autem aper
“ tius quod dixi reddā, ipsa apostolica uerba referam.
“ posteaquam enim dixit. Non enim qui audiunt
“ legem, sed qui factis eam exprimūt, iusti sūt apud
“ deum, Consequens erat ut diceret nam quū gen
“ tes quæ legem non habent, natura quæ legis sunt fe
“ cerint

berint, ipsi multo probiores sunt, quos lex edocuit. Ve-
 rum non hoc ait, sed intra gentilium laudationem
 consistit, nec orationem interim per comparisonem
 prosequitur, ut uel sic Iudæus, dicta ipsa admittat:
 quapropter non sic dixit, ut dixi qui uero? Quum
 enim gentes qui legem non habent, natura, quæ le-
 gis sunt fecerint, eæ legem non habentes sibi ipsis
 lex sunt, qui ostendunt opus legis scriptum in cordi-
 bus suis, simul attestante ipsorum conscientia. Suf-
 ficit enim loco legis conscientia, & cogitatio. per hæc
 rursus ostendit deum sic hominem finxisse, ut pos-
 sit ipse per se uirtutem eligere ac uicium declinare: ac
 ne tibi mirum uideatur, si semel, bis, ac sæpius ipsum
 hoc astruit: hoc enim caput ualde erat necessarium
 propter eos, qui diceret, Quam tandē ob rem Chri-
 stus aduenit? & ubi nam priscis illis tēporibus ipsa
 prouidentia erat? Aduersus quos nunc obiter depur-
 gnans, ostendit, quod uel superioribus illis temporib-
 us, antequam etiam ipsa lex data esset, hominum
 natura omnimodam prouidentiam affecuta fuerit.
 Etenim quod de deo cognosci potest, illis manifes-
 tum erat: tum autem quid bonum, quid rursus ma-
 lum esset, nouerant, unde & alios iudicabāt. id quod
 ipsis exprobrans, dixit, hoc ipso quod alterum iudi-
 cas, te ipsum condemnas. Iam quod ad Iudæos spe-
 ctat, unā cum his quæ dicta sunt, & lex quoq; inerat
 non

non cogitatio solum, nec conscientia. quamobrē igitur apponit uerba hæc, accusantibus aut excusantibus. nam si legem habent scriptam, & opus exhibent, quid tãdem est, quod accusare habeat accusatio? At non iam de illis solum ait, quū uerbo hoc utitur, accusantibus, sed de uniuerſa natura. Tūc enim nostrę cogitationes erectę sunt, alię quidem accusantes, alię autem excusantes. nec indiget homo accusatore alio, illo quidem in iudicio. Postea terrorem augens, hominum peccata non expressit. posteaquam enim dixit, Cogitas ô homo, qui eos iudicas, qui talia faciunt, & facis eadem, quod tu effugies iudicium dei, ut ne talem recipias sententiam, qualem & ipse fers, sed intelligas dei sententiam, tua longe esse exactiorem: addidit, occulta hominum: & adiecit, secundum euangelium meum per Iesum Christum. Homines enim rerum manifestarum tantum iudices sedent. Atqui supra de patre tantum locutus est. quum autem ipsos terrore molliuit, & de Christo item mentionem intulit: nec id tamen simpliciter, sed & hic quoq; patris mentione facta, ita demum Christum introduxit: quin & præconij ipsius dignitatem per illos attollit. Hoc enim, ait, præconium ea denunciat quę anteuertens natura demonstrauit. Vides ut prouidenter tum euāgelio, tum Christo ipsos admouens illigauerit: tum autem declarauerit, quod nostra hominum

minum facta intra humani iudicij cancellos nō consistunt, sed ulterius progrediuntur quod & supra argumentatus est, quum dixit, colligis tibi ipsi iram in die iræ. & hic rursus. Iudicabit deus occulta hominum.

Morale.

Vnusquisq; igitur in suam ipsius cōscientiam descendens, peccatis suis diligenter expensis exactam uitæ antea actæ rationem sibi reposcat, ut ne tum ipsi damnemur, quum orbis uniuersi iudiciū fiet. Nam illud quidē iudiciū terrificū, horrendū tribunal, timoris plenę eiusdē quæstiones ac disquisitiones. Igneum flumē rapitur, frater nō redimit, redimet homo. Eorum enim te meminisse uelim, quæ in euangelio dicuntur, angelorum circuncursantium, conclauis clausi, lampadarum extinctarum, potestatum in caminos trahentium. & præterea illud perpendito. Si nostrum cuiusquam occultum crimē aliquod hoc ipso die in medium delatum, huic modo confessui innotesceret, nonne fieret ut ille interire, ac terram sibi potius dehiscere, quàm tā multos peccati sui testes habere mallet? quid igitur tū nobis fiet miseris, quum omnia orbi uniuerso palā facta, in tam aperto, tāq; illustri theatro denudata, hominū nobis partim cognitorum, partim incognitorum oculis subiiciētur. Enimvero, proh dolor, undenam ipse territare uos cogor, nempe ab hominum opinione. quum id fa-

P cere

cere conuenientius fuerit, ab ipsius dei tum terrore,
tum condemnatione. Qui enim, obsecro te, tum fu-
turi sumus, quum uincti frendentibus in exteriores
tenebras dentibus abducemur? seu potius quid fa-
cturi sumus (quod ipsum omnium terribilissimum
est) quum deum offendemus, illiꝑ occurremus?
Nam si quis est, qui sensu ac mente præditus sit, is
certe gehennæ pœnam tolerare malit, quàm aduer-
so deo stare. hoc uero quum nobis graue non sit,
propterea ignem ille nobis cōminatus est æternum.
Etenim oportebat tum demū nos dolore affici, non
quum supplicio afficimur, sed quum delinquimus.
Audi igitur Paulum ingemiscentem, ac conqueren-
tem uel pro peccatis ijs, ob quæ tamen pœnas datu-
rus non erat. Non sum, inquit, idoneus qui apostoli
nomine censear & id quidē ille querebatur, hoc ipso
quod dei ecclesiam fuisset persecutus. Audi & ipsum
Dauid à supplicio quidem iam exemptum, postea-
quam tamen censeret deū se offendisse, supplicium
aduersum semet inuocantem, ac dicentem. Domine
uertatur, obsecro, manus tua in me, & in domum pa-
tris mei. Nam dei offensio nullo non supplicio gra-
uior est. At nunc tã miserè animati, affectiꝑ sumus,
ut nisi gehennæ timor esset, ne propositum quidem
nobis sit, bono aliquo opere defungi. quapropter
si nullam aliam ob causam, certe ob hanc unam ge-
henna

henna digni sumus, quod uidelicet plus gehennam, quam ipsum Christum timemus. At non sic beatus Paulus, quin potius obuerso, oppositoque modo. Nos autem ob id ipsum, quod diuersum affectum gerimus, gehennæ supplicio dānamur. qui si Christum sic amaremus, ut amare certe oportet, iudicare mus utiq; amati offensionem gehenna esse grauiorem. quandoquidem autem amore nullo capimur, certe supplicij huius magnitudo quāta sit nescimus. Atq; hoc ipsum quidē est, quod maxime omnium lamentor, ac deploro. quanquam quid tandem est, quod deus nō fecerit, ut à nobis ipse amaretur? quid autem non est commentus? quid autem omisit? Illū iniuria affecimus nihil sanè cōmeritū, sed acceptis ab illo infinitis, ijsq; arcanis beneficijs. Auersati sumus uocantē, & undequa; illectantē, ac ne sic quidē de nobis ille pœnas sumpsit, sed adcurrit ipse, ac restitantes fugitantesq; inhibuit, ipsi tamen ab illius manibus excussi, ad diabolum transfugimus: ac ne sic quidem destitit ille, sed & sexcentos rursus, qui nos hortarentur, misit, prophetas, angelos, patriarchas. At nos legationem non solum non admisimus, sed & legatos nobiscum agentes iniuria affecimus. Ille autem ne per hæc quidem nos respuit. sed quod facere ij solent, qui uel uehementissime quum amant, negliguntur tamen, circumiēs ad omnes adiūt,

tum in cœlo, tum in terra sese manifestans, congressusq; nunc cum Hieremia, nunc cum Michæa, non ut grauaret, sed ut defensione uteretur, uel super ijs, quæ contra ipsum à nobis commissa fuerant: quin & unà cū prophetis ad illos accessit, qui ipsum auersarentur, paratus etiam, ac postulans ad rationis reddendæ calculos descendere. tum autem ad omnia surdos ad colloquium secum trahens. Popule mi, inquit, quid feci tibi, aut quid te attristauit, responde mihi. Secundum hæc omnia, interfecimus prophetas, lapidauimusq; & præterea infinita alia mala cōmisimus. quid igitur ille horum omnium loco? non iam prophetas, non iam angelos, non iam patriarchas, sed suū ipsius legauit filium. & hic ipse ubi accessit, de medio est sublatus. ac ne sic quidem amorem extinxit, sed eo etiā magis incendit, quin etiam uel filio proprio interempto perseuerat, exhortans, obsecrans, rogās, omnem deniq; lapidem mouens, uti ad se couertamur. præter hæc & Paulus quoq; his uerbis acclamat. pro Christo igitur legatione fungimur, tanquam Christo per nos exhortante, obsecramus Christi nomine, conciliate uos deo. Sed tamen nihil horum nos illi cōciliauit. ac ne sic quidem nos ille destituit, sed persistit, quā gehennam minitans, quā cœlorum regnum promittens, ut uel hac demū ratione ad sese nos illeçtet: nos autem adhuc
ueluti

ueluti stupidi facti nullum erga deum affectum exhibemus. Quid hac feritate deterius? nam si hæc ab homine aliquo in nos merita collata fuissent, nonne illi sæpissime seruitutē addixissemus nostrā? deum autem sic nobiscum agētem auersamur. O deus immortalis, miram nostram tum ignauiam, tum ingratitudinem? assidue quidem peccamus, nunquā non in peccatis uiuimus. qui si quando uel tantillum boni officij præstiterimus, id certe accurata, ac ueluti in stitoria cum supputatione examinamus, curiose de ipsa remuneratione solliciti, num mercedē aliquam res à nobis gesta habere debeat. Atqui maior tibi merces, si modo citra mercedis spē feceris. hæc enim dictitare, & curiose indagare, mercenarij potius uerba sunt, quàm grati serui. sunt enim omnia propter deum agenda, non propter mercedem. ob hoc & gehennam comminatus est, & cœlorum regnum promisit, ut à nobis ametur. amemus igitur illū, ut amare quidem par est. hoc ipsum enim magna certe merces, hoc ipsum cœlorum regnum, & uoluptas, & deliciæ, & gloria, & honor, hoc lumen, hoc beatitudo infinita, quam ipsam nec oratio repræsentauerit, nec mens cōprehenderit. Verum enim uero nescio quo pacto in huiusmodi sermonem abductus sum, qui iubeam homines neq; principatus neq; gloriæ præsentis cōtemptores, propter ipsum Christū regnum

cœlorum contemnere . quanquam magni illi ac generosi uiri uel ad hunc charitatis modum peruenerunt. Audi igitur ut Petrus illius amore uſtus ardeat, & animæ & uitæ & omnibus rebus illum antepoſuens. quem dum abnegaffet, non ob ſupplicium luxit, ſed quod, quem amabat, eum abnegaffe ſe uideret. id quod nullo non ſupplicio amarius illi erat. & quidem hæc omnia ſpiritus gratia nondum accepta præ ſe tulit, aſſidue quidem inſtans, ac dicens, Quo uadis? & antea, ad quem nos recipiemus? ac rurius, ſequar te quocūq; proſecturus fueris. Omnia enim ipſe illis erat, ac neq; cœlum, neq; cœlorum regnum amato præferebant: tu enim mihi illa omnia, inquit. Enimuero quid miraris, ſi Petrus ita eſſet erga deum animatus. etenim audi quid propheta dicat. quid enim mihi eſt in cœlo? & illud, à te quid uolui in terra? ac ſi dixiſſet, nullius prorsus alterius rei, nec cœleſtis, nec terreſtris, ſed tuo unius deſiderio teneor. Hoc ſanè amor eſt, hoc amicitia. hoc modo ſi amauerimus, nec præſentia bona, nec futura quicquam eſſe, præ amore eo, arbitrabimur. atq; hinc cœleſtis regni fructum decerpemus, copioſa atq; abundanti dei charitate affluentibus. Dices. At quo id eſſe queat pacto? Si conſiderauerimus, quàm ſæpe in illum iniuri ſumus, uel poſt multa ab eo beneficia, & quidẽ eo interim nihilo ſecius nos exhortante: ſi conſiderauerimus

tauerimus quoties illum prætereamus, ipse autem nos nō negligat, sed adcurrat, attrahat, ad se alliciat. nam si hæc & his similia reputauerimus, poterimus hunc, quem dico amorem incendere. Si enim qui sic quidem amat, uilis quispiam, qui autem sic adamatur, rex esset, nonne ab amoris magnitudine erubesceret? erubesceret quidem admodū, nisi fallor. nunc uero ubi prorsus res è contrario se habet: estq; eius, qui nos amat, tanta tamq; excellens pulchritudo, gloria, opulentia: nostra autē tenuitas, uilitasq; tam ingens: nonne infinitis supplicijs digni sumus: ut pote qui sic tenues, & abiecti, à tanto, tā magno, tamq; admirabili, supra omnem quū adamemur modum, delicias tamē faciētes, illius erga nos amoris sic illudamus? Ille quidē nullius rei nostræ indigens est, ac ne sic quidē amare nos desinit. Nos uero illius admodū egemus, ac ne sic quidē illius amoris adherescimus. Verū tum fortunæ bona, tū hominū amicitias, tum corporis ociū, tum principatū, tum gloriam illi præferimus, qui nobis tamē ipsis nihil quicquam anteponendum sibi putat. Vnum enim quum haberet filium unigenitum, ac legitimum, ne huic quidem propter nos pepercit. nos autem quā multa sunt, quæ illi præponimus? Nonne igitur merito gehennam nobis ac supplicium comminatur? quod supplicium si uel duplicatum, uel triplicatum, si uel decies milies

millies grauius foret, esset ne quamobrem merito
conqueri possemus, quum diabolica mandata Chri-
sti legibus anteponamus, quum uel salutem propriam
proiciamus, ut malitiæ opera illi præferamus, qui
nihil non causa nostra perpeffus est. Quam tandem
hæc ueniam merentur? quam defensionem? nimis-
rum nullam prorsus. Stemus igitur in futurum, ac ne
per præcipitia feramur, quin potius resipiscamus, om-
niacque hæc nobiscum reputantes, gloriam illi per
ipsa opera reddamus. neque enim satis est per ipsa
uerba. Vt & nos quoque gloriæ ab illo emanantis fru-
ctum capiamus, quam gloriam utinam omnes asse-
qui possimus, gratia domini & dei, & seruatoris no-
stri Iesu Christi, per quem & cum quo gloria, pa-
tri, unà cum sancto spiritu, nunc & semper in secula
seculorum, Amen.

HOMILIA VI

Ecce tu Iudæus cognominaris, & acquiris
in lege, & gloriaris in deo, & nostri
uoluntatem, ac probas eximia, institutus
ex lege.

Quum ostendisset, gentili ad salutem nihil deesse,
si legem factis expresserit, illa admirabili contentio-
ne adhibita, ponit deinceps Iudæorum honestamen-
ta, ob quæ aduersus gentiles efferebantur. ac primum
quidem

quidem ipsorum nomen admodum uenerabile erat. quemadmodum nunc Christianismus. Etenim ab ipsa appellatione magna erat etiam tum differentia: unde & hinc auspicatur. ac uide, ut ipsum hoc nomen eleuat ac deijcit. neque enim dixit, Tu Iudæus es, sed cognominaris, & gloriaris in deo, hoc est, tanquam ab eo adamatus, atque ante alios homines honori habitus. Hic autem mihi tacite uidetur illorum insolentiam & insanum gloriæ amorem uellicare: quod hoc dono non ut salutis suæ prospicerent, sed ut in alios insurgerent, eosque despicere abuterentur. Et nosti uoluntatem & probas eximia. Atqui & hoc sine opere, inferioris est meriti: sed tamen uidebat esse superioris. quapropter & exacte uerbo utitur: non enim dixit facis. sed nosti, & probas, non exqueris, aut agis. Confidisque te ipsum ducem esse cæcorum. Neque hic rursus dixit. Tu dux es cæcorum, sed confidis, usque adeo, ait, gloriaris in turgescentibus. magna enim erat Iudæorum insolentia, ac fastus. ob quod illa ipsa prope modum uerba enunciat, quæ illi iactitantes sese, usurpabant. Vide igitur in ipsis euangelistis quid dicant. Totus in peccatis genitus es, & tu nos docescis atque aduersum omnes magnopere elati cristas tollebant. id quod Paulus arguens præcidit, aliàs quidem eos attollens, aliàs autem eleuans, ut hac demum ratione

Q

tione

tione magis ipsos perstringat, grauioremq; efficiat
 criminationem. propterea progreditur augens id
 ipsum, ac diuersa appellatione enunciationeq; multi
 plicans. Confidis enim te ipsum ducē esse cœcorū,
 lumē in tenebris uersantiū, erūditorē insipientiū, do
 ctorē imperitorū, habentē formā cognitionis, ac ue
 ritatis in lege. Neq; rursus dixit in conscientia, &
 in operibus, & in meritis, sed in lege. porro quod de
 gentilibus quum ageret, dixit, id ipsum & hic quoq;
 ait. nam quemadmodum inibi dixit. hoc ipso quod
 iudicas alterum, te ipsum condemnas, sic & hic ait.

Qui igitur alium doces, teipsum non doces?
 Verum illic quidē rigidius, hic autem mollius
 loquitur. neq; enim dixit. atqui hoc nomine graui
 or dignus es supplicio, quod quum tibi tot ac tanta
 à deo sint concredita, tamen horum nihil quicquam
 in decentem usum uertis. sed per interrogationem
 orationem promouet, illos pudore suffundens ac di
 cens. qui igitur alium doces teipsum nō doces? Mi
 hi autem & aliunde Pauli prudentiam considera. Iu
 dæorum enim prærogatiuas, præstantiasq; eas enu
 merat, non quas illi suo studio parassent, sed quæ su
 perno illis dono obuennissent. ostenditq; eas non so
 lū superuacaneas ijs esse, qui neglexerint, sed & sup
 plicij additamentum afferre. Neq; enim, quod Iu
 dæi uocarentur, ipsorum erat benefactū, neq; quod
 legem

legē accepissent, neq; quod cætera ea haberent, quæ modo enumerauit, sed à superna gratia ea obuenerant. ac principio quidem dixit, legis auditionem nihil quicquam iuuare, nisi opus adfuerit. non enim qui audiunt legem, ait, iusti sunt apud deum, sed qui legem factis exprimunt. Nunc autem multo amplius ostendit, quod uidelicet non solum auditio, sed quod auditione maius erat, ipsa doctrina ne ipsa quidem docentem tueri poterit, non ea agentem quæ docet: quæ certe doctrina non modo non tuebitur, sed & plenius puniet. recte autem dictionibus, usus est. neque enim dixit, legem accepisti. sed in lege acquiescis. neque enim laborauit Iudæus hac illac circumiens & conquirens quæ agenda essent, sed nullo negotio legē adeptus est, quæ uiam ostenderet ad uirtutem ferentem. Nam ut gentes ipsæ habeant naturæ rationem, unde ipsos superat Iudæos, quum citra auditionem omnia faciant, tamen ibi maior erat facilitas. qui si ais, te non audire solum, sed & docere, certe & hoc ipsum supplicij collarium est. nam quod hac re magnopere sibi placerent, hinc maxime illos ridiculos esse ostendit. quum autem dicit, ductorem cæcorum, eruditorem insipientium, doctorem imperitorum, illorum fastum exprimit. magnopere enim profelytis abutebantur, ipsosq; hisce nominibus uocabat. Propterea & Pau

Q. 2. his

lus supra modum abūdat ijs omnibus, quæ illorum encomia esse uideretur, ut qui intelligeret dicta hæc maioris accusationis argumentum esse. Habentem formā cognitionis, ac ueritatis in lege. Haud aliter quàm si quis regiam apud se effigiem quum habeat, nihil tamen ad illius exēplar effigiare conetur, qui uero illi non confidant, uel sine ipso archetypo ipsam tamen exacte exprimant. proinde quum ea dixisset, in quibus potiores alijs essent quæ ipsi à deo accepissent, ea itē dicit, in quibus cæteris essent inferiores, ea in medium afferēs, quæ prophætæ incessabant. Qui igitur doces alium te ipsum non docēs? qui prædicas non furandum furaris, qui dicis non adulterandum, adulterium committis, qui execras simulacra, sacrilegiū admittis? Etenim apud eos imprimis interdictum erat, ne quis eas cōtingeret res, quæ idolorum cultui dicatæ essent. idēq; propter execrationē, at pecuniæ tyrannis, ait, uobis persuasit, legem hanc conculcare. postea, quod grauius multo, attexit dicēs. Qui de lege gloriaris, per legis transgressionem deum dehonestas? Duo hic posuit crimina, atq; adeo tria, quod uidelicet dehonestant, tum quod ijs rebus dehonestant, quibus honestati ipsi fuere, tum quod eum ipsum dehonestāt, qui honestauit, quæ summa illorum erat improbitas atq; ingratitudo. qui ne ex se ipse increpare illos uideatur

uideatur, prophetam citat illorum accusatorem, aliquoties paucis, ac compendioſe, & tanquam ſummatim, poſt autem per partes ac nunc quidem Eſaiam, poſtea autem David. unde & plures oſtendit in eos coniectas redargutiones. nam quod nō ego (inquit) uos conuicijs inſeſſens hæc proferam, audi quid dicat Eſaias. Nomen dei propter uos male audit inter gentes. Ecce & duplicem rursus accuſationem aliam. neque enim ipſi ſolum, ait contumelioſi ſunt, ſed & alios ad id diſponunt. qui igitur doctrinæ uſus, quum uoſmet ipſos non doceatis? Verum ſuperius quidem hoc ſolum dixit. hic autem in contrarium detorſit. neque enim ſolum uos ipſos, ſed ne alios quidem docetis, quæ agenda ſint: & quod longe grauius eſt, non ſolum non docetis ea quæ legis ſunt, ſed ijs pugnantia docetis. nempe conuicijs deum afficere. quod ipſum legi aduerſatur. At magnum quiddam eſt, inquit, circumciſio. fateor & ipſe. ſed tum, quum intus circumciſionem habuerit. Conſidera porro prudentiam, quàm opportuno loco de ea mentionem intulerit. neque enim ſtatim ab ea exorſus eſt, quoniam magna de ea opinio uigebat. ſed ubi oſtendit illos à maiori re offendiſſe, autoresque eſſe coniecti in deum conuicti, tum demum auditorem nactus illos iam condemnantem, eiſdemque præſidentiam ubi ademit, in medium

dium affert de circumcissione sermonem, confidens
neminem fore, qui illi suffragetur. atq; ait. Nam
circuncissio quidem prodest, si legem seruaueris.

Atqui licebat aliter ipsam excludere: ac dicere. quid
enim est circumcissio? num illius est meritum qui eam
habuerit? num rectæ uoluntatis demonstratio? ete-
nim in ætate exoleta fit. Et qui in heremo uixerunt,
multos annos incircuncisi manserunt. & aliunde mul-
tis argumentis uidere possis, illam non admodum
necessariam esse. sed tamen nō hinc ipsam excludit;
sed unde maxime oportebat, ab ipso Abrahā. nam
ea demū est uictoriæ excellentia, perficere ut osten-
das hinc illam despicabilem esse, unde ipsis uenera-
bilis erat. quanquā dicere poterat, quod & ipsi pro-
phetæ incircuncisos Iudæos appellant. Verum non
id est, circūcisionē eleuare, sed eos potius, qui ea ma-
le utuntur. Pauli porro scopus is est, ut ostendat, ne
in optima quidē uita illam robur habere. quod de-
inceps adstruit. Et hic quidem patriarcham non ad-
ducit. sed prius alia ex parte ipsam deiiciens, postea
illum obseruat, quū uidelicet de fide uerba facit, ita
loquens. Quomodo igitur imputata est fides Abra-
hæ, quum esset in circumcissione, an quū esset in præ-
putio? Donec enim hæc aduersus gentilem & præ-
putiatum decertat, nihil horum enunciare uult, ut ne
nimis molestus sit. at quum ea aduersus fidem de-
pugnat

pugnat, tum demum aduersum illam accingitur. adhuc quidem aduersus præputiū pugna existit. quæ propter remisse loquitur. & ait. Circuncisio quidem prodest, si legem seruaueris. quod si transgressor legis fueris, circuncisio tua in præputiū uersa est.

Duas enim hic ait circūcisiones, ac duo item præputia, quemadmodū & leges duas. Est enim lex naturalis, & est lex scripta, sed & harū media, quæ per opera fit. ac uide ut tres has leges ostendat, & in medium adducat. Quum enim gentes, quæ legem non habent, inquit. quamnam obsecro legem? nempe scriptam. Natura quæ legis sunt fecerint,

Cuiusnam? eius quæ operibus constat. Hi legem non habentes. Quamnam? scriptam Sibi ipsis lex sunt. Quo pacto? naturali usi. Qui ostendunt opus legis. Cuius? illius quæ ab operibus est. lex enim ea, quæ literis constat, exterior est. hæc autem interior, uidelicet naturalis. quæ autem operibus constat medium tenet. & illam quidem literæ dicunt. alteram autem natura. tertiam ipsum opus. Quæ sanè tertia opus nobis est, per quam ipsam duæ illæ, tum quæ à natura, tum quæ à litera. quæ quidem nisi adfuerit, illarum nullus usus, sed nocumentum maximum. quod ipsum ostendit Paulus, quum de naturali quidem agit, sic dicens, hoc ipso quod iudicas alterum, te ipsum condemnas. quū autem de scripta, qui

qui prædicas non furandum, furaris? Sic & præputia duo, alterum quidem à natura, alterum autem à uoluntate. Verbi gratia. Circuncisus est quis octauo, quàm natus est die. hæc carnalis circuncisio. exprefit quis factis quæ legis sunt omnia. hæc uoluntatis circuncisio. quam maxime Paulus quærit, imò uero ipsa lex. uide igitur, ut uerbo eam cōcedens, re sustulerit. non enim dixit. superuacanea res est circūcisio, stulta, inutilis. sed quid? Circuncisio quidem prodest, si legem seruaris. Admisit interim ipsam, dicens. fateor, nec contradico, quod bona quidem circuncisio. sed quando? quum & legem custodierit. qui si legis transgressor fueris, circuncisio tua præputium facta est. non dixit. amplius non prodest. ut ne eam contumelia afficere uideatur. sed Iudæū ea ubi denudauit, tum demum illam perstringit, quod non iam circuncisionis est cōtumelia, sed eius qui ipsam ignauia sua amiserit. Quod igitur facere solent iudices ij, qui quos in dignitate cōstitutos, grauioris alicuius criminis conuictos habent, eos prius honoris sui ornamentis spoliant, quàm supplicio mulctatos abdicāt, hoc ipsum & hic quoq; Paulus fecit. quum eū dixit, qui si legis trāsgressor fueris, adiecit, circuncisio tua præputium facta est. atq; incircūcisum ubi ostendit, cum iam intrepide condemnat. Quum igitur præputiū iustificationes legis seruauerit, nōne præputium

præputium illius pro circuncisione imputabitur? "

Vide quid facit. non dicit circuncisionem à præputio uinci. hoc enim graue, inuidiosumq; ualde auditoribus illis futurum erat. sed quod circūcisio præputium facta est. ac quærit deinceps, quid sit circūcisio, quid item præputium. aitq; circuncisionem, bonum quoddam esse opus, præputiū autem malum opus: ac prius in circuncisionem transmutans præputiatum bonis operibus præditum, & circūcisum corrupte uiuentem in præputium intrudēs, ita demum præputiato uictoriam tribuit. nec dicit præputiato, sed ad ipsam rem transit, sic inquiring. Nōne præputium illius pro circuncisione imputabitur? Nec dixit conuertetur, sed imputabitur. quod quidem significatiū erat. quemadmodum nec superius dixit, circūcisio tua præputium reputabitur, sed facta est.

Et iudicabit quod est ex natura præputium. "

Vides, ut duo præputia statuatur, alterum quidem à natura, alterum autem à uoluntate? hoc quidem loco de naturæ præputio loquitur, sed tamē intra hoc non consistit, sed addit. Si legem seruarit, te qui per literam & circuncisionem transgressor es legis. "

Vide subtilissimam eius prudentiam. non dixit, quod naturæ præputium circuncisionem iudicabit. Verum ubi uictoria quidē sita erat, huc præputium introducit. Vbi autem rem contra cessuram uidet,

310713

R hic

hic nō iam circuncisionem uictam esse ostendit, sed
Iudæum, qui illam ipsam habet, ueritus per ipsa uer-
ba auditorē percellere. nec dixit, te qui habes legem,
ac circuncisionem, sed māsuētius, te, qui per literam,
& circuncisionem transgressor es legis. hoc est, & cir-
cuncisionem tutatur huiusmodi præputium, læsa est
enim. & legi opem affert, incommodum enim passa
est. unde illustre statuit trophæū. nam uictoria tum
demum insignis est, quum non à Iudæo Iudæus, sed
à præputiato iudicatur. Quemadmodum quum ait,
uiri Nineuite exurgent, ac generationē hanc conde-
mnabunt. Igitur non ipsam legem reprobatur (illam
enim magnopere ueneratur) sed eum qui in legem
iniurius est. deinde quum hæc liquido disposuit ad-
struxitq̃, magna tum fiducia definit, quidnam sit Iu-
dæus: ostenditq̃ quod nec eum qui Iudæus sit, nec
ipsam circuncisionem, sed eum, qui minime Iudæus,
ac minime circūcisus sit excludit. ac uidetur quidem
illam defensitare, subuertit autem illius opinionem
& existimationem ab ipso rei euētu suffragia repor-
tans. Ostendit enim non solum nullū esse discrimen
Iudæum inter & præputiatum, sed & præputiatum
superiorem esse, si modo sibi attenderit, eundemq̃
uerē Iudæum esse. ob quod ait. Non enim qui in
manifesto Iudæus sit, ille Iudæus est. Hoc loco
ipso ferit, ut qui ad ostentationem nihil non facti-
tarent

tarent. Sed qui in occulto Iudæus fuerit, is Iudæus est. & circūcisio cordis circuncisio est, quæ spiritu constat, non litera. Hoc dicto exclusit corporalia omnia. Etenim ipsa circuncisio propalain fiebat, & sab-
bata, & sacrificia, & purgationes, quæ omnia unico uerbo subindicauit, quum uidelicet dixit, neq; enim qui in occulto Iudæus fuerit, is Iudæus est. Verum quandoquidem ipsa circuncisio in ore hominū multa erat, ubi & sabbatum item illi cedebat, merito plura alia ad ipsam extendūtur. per uerbum autem spiritus, uiam sternit ecclesiæ politiæ, ipsamq; fidem introducit. etenim illa corde ac spiritu quum constet, laudē à deo obtinet. proinde quid causę est, cur non ostenderit, quod gentilis uitam recte instituens, Iudæo, & eo uitā recte agenti, nō sit inferior, sed quod gentilis recte uiuens Iudæo legē transgrediente potior sit: ut indubitatam reddat uictoriā. hoc enim confesso, fit necessario, ut circuncisio à carne excludatur. atq; ostendit uitæ integrę usum necessariū ubiq; esse. quum enim gentilis citra ea adminicula saluus efficitur, Iudæus autem unā cum his supplicio afficitur, ipse iudaismus ignauus, atq; iners manet. gentilem autem rursus appellat, nō eum, qui idola colat, sed qui deum reuereatur, ac qui uirtute præditus à legalibus obseruationibus, ac ceremonijs liber sit.

Quid igitur habet, in quo præcellat Iudæus?

R 2 Posteaquam

Posteaquam omnia exposuit, auditionem, doctrinam, Iudæi titulum, circumcisionem, cætera omnia, per id uidelicet quod dixit, quod qui in manifesto Iudæus sit, Iudæus non est, sed qui in occulto, uidet deinceps obiectionem existere, aduersus quam se firmat. Quænam porrò obiectio ea est? dicit aliquis. Si quæ dixit, ea nihil iuuât, quamobrem, quæso, electa est Iudæorum gens? quamobrem circumcisio data? quo igitur pacto sese Paulus explicâs, ipsam obiectionem soluit? per ea sanè, per quæ & superius. Nam quemadmodum illic, nō illorum laudes commemorauit, sed dei beneficia, non illorum merita Iudæum enim uocari, uoluntatem dei nosse, probare eximia haudquaquam ab illorum rectefactis, sed à dei gratia obuenerat. Id quod & illis exprobrâs propheta dixit, Non sic fecit sic omni nationi & iudicia sua non manifestauit eis. & Moyses rursus: interrogate, si tale quidpiam accidit, si audiuit gens uocem dei uiuentis e medio ignis, ac uixit, Sic & hoc ipsum hoc loco facit. Quemadmodum enim quum de circumcisione loqueretur, non dixit quod circumcisio sine uita nihil profit, sed quod profit unà cum uita, idem certe significans, sed tamen blandius loquens. ac rursus ubi dixit, sin uero transgressor legis fueris, non addidit, nihil proficis tu, qui circumcillus es, sed circumcisio tua præputium facta est. ac postea rursus, iudicabit

iudicabit, inquit, præputium, non circumcisionem, sed te qui transgressor es legis: legalibus quidē parcens, homines aut perstringens, Sic & hic item facit. obijciens enim illi hoc ac dicens, Quid igitur habet in quo præcellat Iudæus? non respondit nihil illū habere, sed sermone ipso assensus est, ac per ea quæ sequuntur, rursus ipsum hoc sustulit, ostenditq; uel ob eiusmodi præstantiam illos supplicio affici. & quo pacto, ego dico, ipsa obiectione in medium adducta. Quid enim est, in quo præcellat Iudæus, inquit, aut quæ utilitas circumcisionis? Multum per omnem modum. nam primum quidem illud, quod illis commissæ sunt oracula dei. Vides, quod prius dixi, ut nusquam illorum recte facta, sed dei beneficentias connumeret. quid autem id uerbi sibi uult commissæ sunt? nempe quod ipsis cōcredita lex est, quod tāti illos fecerit deus, ut illis oracula è supernis delata crediderit. Nec me certe præterit quosdam esse qui uerbum id, commissæ sunt, non de Iudæis, sed de sanctis interpretentur. hoc est quod commissæ lex est. Verum quod sequitur, non patitur ut ita sentias. primum enim hæc dicit, illos increpās ostendensq; eosdem magna à deo beneficia accepisse, sed magnam tamen præ se ingratitudinem tulisse: dein de quæ sequuntur hoc ipsum declarāt, adiecit enim. Quid enim si quidam fuerint increduli? Sin

R 3 autem

autem increduli fuerint, quo pacto nonnulli dicunt,
quod illis credita sunt oracula? quid igitur ait? quod
deus ipsis ea credidit, non quod ipsi oraculis credide-
runt, quandoquidem quamnam rationem habeat
quod sequitur? etenim addidit. quid si quidam fue-
runt increduli? hoc etiam declarat id quod sequitur.
” adiecit enim rursus dicens. Num incredulitas illo-
” rum fidē dei faciet irritā? absit. Hoc igitur quod
credita illis sint oracula, ipsius dei donum prædicat.
Mihi porrò & hic quoq; Pauli prudentiam conside-
ra. accusationē enim eam, quam in illos detorquet,
rursus non ipse à se introducit, sed ueluti ex obiectio-
ne. tanquam si dixisset. Sed fortasse dicturus es. &
quænam circumcisionis huius utilitas? neq; enim usi
ea sunt, ut cōueniebat. Illis enim credita lex est, & ta-
men illi non credidere. atq; interim accusator non
est admodum uehemens, sed tanquam deum crimi-
nationibus liberans, sic totam accusationem in illos
tandem detorquet. quid enim, inquit, uitio uertis,
quod nō crediderint? & quid ipsum hoc ad deum?
num illius beneficentiam subuertit illorum. ingratitudo,
de quibus bene ille est meritus? aut honorem
concessum mutat, efficitq; quo minus ille honos sit?
” hoc enim uerba hæc sonant. Num illorum incre-
” dulitas fidem dei irritam faciet? absit. Tanquam
si quis dixerit. Ego quendam honestaui, ille autem
si honorem

si honorem à me ad se delatum recusauit, hoc nomi-
 ne inculpandus non sum, neq; ea sanè honoris depre-
 catio benignitatem erga illum meam labefactat, sed
 illius stupiditatem arguit. Paulus autem non hoc so-
 lum ait, sed & multo etiam amplius. quod uidelicet
 illorum incredulitas deo non solum crimen non in-
 urit, sed maiorem etiam illius honorè, maiorem be-
 nignitatem declarat, quum cum honestare uisus fue-
 rit, qui ipsum tamen dehonestaturus sit. Vides quo-
 pacto illos criminum eorum reos facit, quibus sibi
 ipsi placeant. Siquidem deus tanto illos honore di-
 gnatus est, ut uel prouidens quidem quod futurum
 erat, à beneuolentia erga illos nō abstinuerit, quum
 illi tamen honestatē ipsos deū, uel per ea met ipsa
 per quæ honestati sunt, contumelia affecerint. dein-
 de ubi dixit. quid enim si quidam fuerūt increduli?
 apparet autem omnes fuisse incredulos. ut ne rursus
 iuxta historiam loquēs uideatur acer esse accusator
 tanquam hostis, loco rationis ac syllogismi id quod
 uerè factum fuit ponit, ita dicens. Imò sit deus ue-
 rax, omnis autem homo mendax. Quod autem
 ait, hoc est. Nō dico, inquit, fuisse quosdam, qui non
 crediderint: sed si ita placet, fac omnes fuisse incredu-
 los: quod uerè factum est, per assensionem conce-
 dens ut minime tum molestus, tum suspectus esse
 uideatur. etenim sic magis iustificatur, inquit, deus.

quid

quid porrò est, iustificatur? Si æstimanda ea sint, atq; examinanda, tum quæ Iudæis ultro beneficia contulit deus, tum quæ Iudæorum in deum facta extitere, ipsa certe uictoria à deo stabit, ut qui iura omnia secum habeat: atq; id manifeste declarans ex ijs, quæ supra dixit, tum & prophetam in medium attulit his suffragantem, ac dicentem. Vt iustificeris in sermonibus tuis, & uincas quum iudicaris.

Ipsc enim omnia ex se fecit. illi autem ne sic quidē meliores euasere. deinde ex hoc rursus obiectio nē exurgētē in mediū adducit, & ait. Quod si iniustitia nostra dei iustitiā cōmēdat, quid dicemus? Nūc iniustus deus q̄ inducat irā? Humano more loquor. absit. Absurditatē absurditate soluit. Hoc autem quoniam obscurum, necesse est ipsum apertius reddere. Hoc porrò est quod ait. Iudæos deus ornauit. Ipsum illi contumeliā affecerunt. ea res præstat, ut deus uincat, magnamq; illius humanitatem arguit, quod uel tales quum essent, honoribus dignatus sit. Igitur quandoquidem quod nos in illum iniqui, ac contumeliosi extiterimus; hoc ipso deus uictoriam reportauit, illiusq; iustitia illustris reddita est, quorum sum, inquires, supplicio afficior; qui ipse autor extitit, ut ille uicerit, per ea etiam, per quæ iniurius fui: hoc igitur quomodo soluit? nempe alia quadam, quod dixi, absurditate: nam si tu, inquit, autor extitisti uictoriae

etoria illius, & post hæc pœnas pendis, res ipsa iniusta quidem. sin autem iniuste plecteris, non iam illi autor uictoriae extitisti. ac uide circumspectionē apostolicam. quū enim dixisset, num iniustus deus, qui inducat iram? adiecit, humano more loquor. tanq̃ si quis, ait, humana ratione rem perpendens loquatur. Dei enim iusticia uel ea, quæ hic apud nos iusta esse uidetur, longe exuperat, habetq̃ arcanas quasdam, & eas à nostris diuersas rationes. quandoquidem autem obscurum erat quod dixerat, id ipsum rursus repetit. Si enim ueritas dei per meum mendacium excelluit in gloriam ipsius, quid post hac & ego ueluti peccator iudicor. Si enim deus, inquit, benignus, iustus, ac bonus uisus est ob ea ipsa, in quibus minime illi obtēperasti, nō solū nō debes plecti, sed & beneficiū reportare. quod si hoc, inueniet absurdum illud, & quod à multis circumfertur. quod uidelicet ex malis bona, & quod mala bonorum causa existant. ex duobus autem alterū necessario subsequitur, aut deum dum plectit, iniustum existere, aut dum nō punit, à malis peccatisq̃ nostris uictoriam reportare. quæ utraq̃ supra modū absurda. Id quod declarans & ipse huiusmodi dogmatū parentes gentiles in medium adduxit. satis esse arbitratus, ad ea quæ dicta sunt inculcanda, personarum ea proferentium qualitatem. ita enim nos illi taxantes dicebant.

S faciāmus

faciamus mala ut bona ueniāt. propterea hoc ipsum
aperte posuit, sic inquit. Ac non potius (quem
admodū de nobis male loquuntur & sicut quidam
aiunt nos dicere) faciamus mala, ut ueniant bona.
quorum damnatio iusta est. Quandoquidē enim
dixerat Paulus, ubi abundauit peccatum, superabun-
dauit gratia, taxantes ipsum ac longe diuersa senten-
tia dictum detorquentes, dicebant, oportet uitio ad-
hærescere, ut bonis fruamur. Paulus uero non sic di-
xerat. Corrigens igitur illud, ait, quid igitur in pec-
cato perseuerabimus, ut gratia abundet? Absit. locu-
ti enim sumus de tempore elapso, nō ut hoc ad me-
ditationem, exercitationemq; trahamus. Ab hac igi-
tur suspitione illos abducens, dixit, illud ipsum im-
possibile esse. Qui enim, inquit, peccato mortui su-
mus, quomodo adhuc in eo uiuimus? Proinde gen-
tiles facile strauit. illorum enim uita admodum cor-
rupta uitataq; erat. Iudæorum autem uita tametsi
& ea neglecta esse uideretur, tamē illorum uelamen-
ta magna erant, lex, & circūcisio. tum autem & quod
deus cum illis uersaretur, & quod omniū essent do-
ctores. quamobrem & hisce illos denudauit, & eos
magis ob ea plecti demonstrauit. in quod & hic ora-
tionem ipsam conclusit. Si enim minime puniūtur,
inquit, qui talia committūt, necesse est blasphemum
illud prouerbiū circumferri: Faciamus mala ut ue-
niant

niant bona. Sin uero impium illud est, & qui illud proferunt pœnas dabunt, hoc em̃ significauit quum dixit, quorū damnatio iusta est, liquet planè quod plectūtur. Si enim supplicio quidem digni sunt qui id dicunt, multo magis, qui faciunt: qui si supplicio digni, digni quidem, tanquam qui peccauerint. neq; enim homo est qui supplicium infert, ut ne quis calculum suspectum habeat, sed ipse deus. qui quidem nihil non iuste facit. quod si iuste plectuntur, iniuste ea dixerūt, qui nos cauillantur. Nam deus nihil non tum fecit, tum facit, quo nostra hominum uita elucescat, & undiq; recta existat. *Morale.*

Itaq; omnem operam nauare ipsi debemus, ut ne socordia torpescamus: hac enim demum ratione & ipsos quoq; gētiles ab errore summouere poterimus. at uero quoties uerbis tantum philosophi, in ipsis operibus decorum minime seruauerimus, quibus tandem oculis ipsos contuebimur? quo deniq; ore de dogmatibus disputabimus? nam qui apud illos rebus in leuioribus deliquerit, ad unum quēq; nostrum dicet, heus tu, quo tandem modo censes me à te super grauioribus edocendum, qui nōdum didiceris, avariciam, malum esse? qui sit, quæso, ut talis quum sis, de cœlestibus rebus tractandum, ac disputandum tibi sumas? At avaritiam, malum esse nosti? Igitur & ipsum crimen grauius quidem est,

S 2 quod

quod sciēs delinquis. & quid de gentili uerba facio?
neq; em̄ leges eā, quibus utimur, nobis permittunt,
hanc in dicendo libertatem usurpare, quoties uita
nostra uiciata, ac minime syncera fuerit, Scriptum
est enim peccatori dixit deus, ut quid iusticias meas
enarras? Iudæi olim captiui abducti quum fuissent,
Persis instantibus, postulantibusq; ut sibi diuinos
illos cantus canerent, responderūt; Quomodo can-
tabimus canticum domini in terra aliena? quod si in
terra barbara domini oracula canere phas nō erat,
quanto minus id animæ barbaræ. barbara est enim
anima, quæ crudelis, immitisq; est. Nam si eos qui
captiui sunt, quiq; ex terra in regione serui agunt, lex
silere iubet, quanto magis eos, qui & peccati serui
sunt, & exteram uitam uiuūt, obserato, mutoq; ore
esse conuenit? Atqui & organa habuere tum illi. In
salicibus enim, in medio ipsorum suspēdimus orga-
na nostra. Verum tamen ne sic quidem canere illis
licebat. igitur ne nobis quidem (etiā si os habeamus,
etiā si linguam, quæ ipsa sunt sermonis organa)
in dicendo libertatem usurpare phas erit, donec pec-
cato barbaris omnibus crudeliori tyranno seruiere-
mus. Etenim quidnam, obsecro, gentili dicturus es,
rapacitati interim atque auaritiæ operam dans? Ab
idolorum cultu recedito? deum agnoscito? ne argen-
to, ne auro adhærescas? hæc si dixeris, nōne ex illo
ridente

ridente audies? Tibi ipse hæc prius disputato. neque
 enim perinde est gentilem aliquem idolorum cultui
 addictum, & Christianum hominem eidem pecca-
 to obnoxium esse: qui enim ualebimus alios ab ea
 idololatria summouere, quum nos ipsi ab ea non re-
 cedamus? nos enim nobis ipsis propinquiore, quàm
 proximo sumus. quum igitur nobis ipsi non persua-
 demus, alijs qui persuadebimus? nam si qui suam
 ipsius domum minus recte administrat, is ne eccle-
 siæ quidem curam habiturus est, qui fiet, ut qui ne
 suam quidem ipsius animam tuetur, alios corrigere
 possit? Mihi porro ne hoc dixeris, te autem idolum
 non adorare: quin potius illud mihi probato, te ea
 non facere, quæ ipsum aurum facienda iubet. Varij
 enim sunt idololatriæ modi. & hic quidem Mamo-
 nam sibi dominum, alius autem uentrem sibi deum
 facit, alius aliam concupiscentiã perniciosiorẽ. at non
 ipsis sacrificas boues, quemadmodum gentiles? Ve-
 rum quod multo pestilentius est, tuã ipsius animam
 pro uictima offers. at genua non flectis, nec adoras?
 uerum magis obediens dicto es, si quid præceperint
 & uenter, & aurum, & concupiscentiæ id genus alte-
 rius tyrannis. quando & gentiles hoc nomine ex-
 crabiles sunt, quod hominum affectus, deos effice-
 runt: concupiscentiã, Venerem: iram, Martem, ebric-
 tatem, Bacchum appellantes: at non idola sculpis il-
 lorum

lorum exemplo: uerum maiore cum animi studio
 te ipse iisdem illis animi morbis submittis, quæ Chri-
 sti membra sunt, ea meretricis membra efficiens, cæ-
 terisq; sceleribus te coinquinans. ob quod obsecro
 absurditatis huius magnitudine pēitata, idolorum
 cultum ut deuitemus: sic enim Paulus auaritiam ap-
 pellat. nec pecuniarum tantum cupiditatem immo-
 deratam, sed & appetentiam omnem malam, tum
 in uestium, tum in mensæ apparatu, deniq; rebus in
 cæteris. Siquidem grauiores certe, q̃ reliqui pœnas
 luituri sumus, nisi domini legib. obtēperauerimus.
 Scriptum est enim: Seruus uoluntatem domini in-
 telligens, neq; illi parens, uerbis multis uapula-
 bit. Vt igitur pœnam hanc effugiamus, ac tum alijs;
 tum nobis ipsis usui simus, uitio omni ab anima ex-
 pulso, uirtutem sequendam nobis proponamus. Ita
 fiet, ut & futura quoq; bona assequamur: quæ utinā
 omnibus nobis contingant, gratia domini nostri Ie-
 su Christi: cum quo patri gloria, unā cum sancto
 spiritu in secula seculorum; Amen.

HOMILIA VII



Vid igitur: præcellimus eos: Nullo mo-
 do. Ante enim causis redditis ostendi-
 mus tum Iudæos tum gentiles omnes
 peccato esse obnoxios. sicut scriptū est:

Non

Non est iustus, ne unus quidem, non est qui intelligat, non est qui exquirat deum, omnes deflexerunt, simul inutiles facti sunt. non est qui exerceat bonitatem, non est usque ad unum. Sepulchrum apertum guttur eorum. linguis suis ad dolum usi sunt, uenenum aspidum sub labijs eorum. Quorum os execratione & amarulètia plenum est. ueloces pedes illorum ad effundendum sanguinem. contritio & calamitas inijs eorum, & uiam pacis non cognouerunt. Non est timor dei coram oculis eorum.

Insimulauit gentiles, insimulauit Iudæos, sermonis tenor postulabat, ut deinceps iusticiam eam exprimeret, quam fides parit. Nam si neque naturæ lex adiumento fuit, neque quæ scripto constat, quicquam profecit, sed utraq; eos grauauit, qui illis non sunt recte ac conuenienter usi, atque adeo ut grauius supplicium illi mererentur, præstitit, restat, ut necessaria sit per gratiam salus. Igitur hanc tu nobis o Paule exprimito, ac demonstrato. sed quod Iudæorum petulantiam suspectam habeat, id nōdum audet, imo rursus orationem Iudæis incusandis cōtinuat. prius autem introducit accusatorem Dauid, ea multis recensentem, quæ omnia per compendium dixit Esaïas, durum apperans illis frenum ut ne auditorum quisque restitet, nō ab ijs sermonibus resiliat, qui de fide iā tractati, habitique sunt, præoccupatus uidelicet, quantum satis est

est, à prophetarum incusationibus. tria enim summa
ponit propheta. & quod omnes simul mala fecerint
dicēs, & quod bona malis nō miscuerint, sed uicium
duntaxat exercuerint, & quod id omni cum intentio
ne deinde ut ne dicerēt quid igitur, si aduersus alios
hæc dicta sint? addidit Scimus autē q̄ quæcunq;
lex dicit, ijs qui in lege sunt, dicit. Quapropter post
Esaïam sine ulla controuersia in illos inuehentem,
introduxit Dauid, ut ostēdat & hæc quoq; eiusdem
esse consequentiæ. Quid enim, ait, necesse, ut qui ad
uos corrigēdos missus est ppheta, is alios incusans
reprehendat? neq; enim lex alijs data est, sed uobis.
Quamobrem porro non dixit scimus quod quæ
cunq; propheta dicit, sed quæcūq; lex dicit, nempe
quoniam uetus omne instrumentum, legem appel
lare solet Paulus. etenim alibi ait. legem nō auditis,
q̄ Abrahā duos filios habuit? & hic item ipsos psal
mos legis nomine appellauit, quū ait. Scimus quod
quæcunq; lex dicit, ijs qui in lege sunt dicit. Deinde
ostendit. nec simpliciter hæc dici reprehensionis cau
sa, sed ut lex rursus ipsi fidei uiam præsternat. tanta
sanè est cognatio ac cōcordia ueteris testamenti ad
nouum. atq; hoc certe nomine reprehensiones ac re
dargutiones extiterunt, ut relucens fidei ualua apud
auditores adaperiatur. quando uel hoc ipsum in pri
mis ipsos Iudæos perdidit, quod sibi plus equo pla
cerent

cērent. quod igitur progrediēs dixit, nimirum quod
dei iusticiam minime quum agnoscerent Iudæi, ac
propriam iusticiam statuere uellent, dei iusticiæ non
se summisserint, anteuertens tum lex, tum propheta,
ipsorum altos spiritus deiecere, fastumq; ac turgidi-
tatem cohibuere, ut sua ipsi edocti agnoscentesq;
peccata, fastu omni exinanito, suoq; periculo, & co-
quidem extremò cognito, magna cum alacritate ac
propensione ad eū festinabundi accurrant, qui ipsis
peccata remittit, gratiamq; eam admittant, quam fi-
des ipsa affert, hoc ipsum sanè & hic Paulus subindi-
cās, dixit. Scimus quod quæcunq; lex dicit, ijs qui
in lege sunt, dicit, ut omne os obturetur, & deo om-
nis mundus obnoxius fiat. Hoc enim loco osten-
dit ipsos ea quidē fiducia ac libertate nudatos esse,
quam ipsa opera parere solent, uerborum autem fa-
stum tantum, & impudentiam habere: quapropter
& dictione proprie usus est, ut omne os obturetur.
Illorum impudentem, & retineri cōtumacem iactan-
tiam declarans, tum autem & illorum linguam pla-
ne obstructā. In morem enim rapidi ac uiolenti flux-
minis ea ferebatur. uerū illam propheta obstruxit:
porrò quum Paulus ait, ut omne os obturetur, non
hoc inquit, illos uidelicet hoc nomine peccauisse, ut
ipsorum os obturaretur: sed ea de causa fuisse conui-
ctos, ut ne hoc ipsum ignorarēt, se uidelicet peccasse.

F Et

- Et obnoxius fiat uniuersus mundus deo. Non dixit, Iudæus, sed uniuersa natura. hoc enim, nempe ut omne os obturetur, illos subindicat, quāuis non aperte illud positū sit, idēq; ut ne sermo asperior sit. Illud autem, nempe, ut obnoxius fiat deo uniuersus orbis, simultum de Iudæis, tū de gentilibus dictum est: non parum autem hoc facit ad cohibendam illorum contumaciam atq; arrogantiam, quum uidelicet hic meliore non sint conditione quā ipsi gentiles, sed æque cōuicti ac cōsutati per salutis uerbum. nam ὑπόδικος, hoc est reus, obnoxiusq; ille proprie dicitur, qui sibi ipse ad defensionē minime sufficere quū possit, alterius patrocini indiget. sicuti nostra erat cōditio, qui remedia ea omnia amiseramus, quæ ad salutem pertinerent. Per legem enim, peccati agnitio. Rursus legi insultauit, parce quidem: neq; enim quod dictum est, ipsius legis est increpatio, sed Iudæorum ignauie: ueruntamen hic studuit, quandoquidem de fide sermonē introducturus est, ipsam legem admodum infirmā ostēdere. Si enim, ait, de lege gloriaris, ea te magis pudefacit, ea peccata tua traducit. Verum non sic aspere locutus est, sed molliter rursus. per legem enim agnitio peccati. Igitur & supplicium maius, sed ab ipsis Iudæis. etenim ipsa quidem lex perfecit, ut peccatum tibi patefieret, tuum iam erat ut fugeres, non fugiens igitur, maius tibi

tibi accersuisti supplicium, ac legis beneficium maioris supplicij tibi causa extitit. postquam itaq; terrorem auxit, tum demum ipsam gratiam adducit, Iudas eos constituens, ut peccatorum suorum remissionem magnopere desiderent. atq; ait, Nunc autem absq; lege, iusticia dei manifestata est. Magnus quiddam hic prolocutus est, ac tale, ut id magno argumentationis probationisq; fundamento indigeat. nam si qui in lege uixere, supplicium non aufugerunt, quin potius eo magis grauati sunt, qui fieri potest, ut sine lege non solum supplicium efugas, sed iustificeris? duo enim summa! hoc loco posuit, & quod iustificaris, & quod citra legē bona hæc assequeris. propterea non simpliciter dixit, Iusticia, sed dei iusticia, à personæ dignitate maius esse ipsum donum declarans, ac promissionem factu facilem. omnia enim ille potest. nec dixit, iusticia data est, sed manifestata est, ipsum nouitatis crimē amouens. nam quod manifestatum est, ut uetus & occultum manifestatur. nec hoc solum, sed quæ sequuntur ostendunt, hoc nō esse nouum. quippe ubi dixit manifestata est, attexuit, dum cōprobatur testimonio legis ac prophetarum. Caue enim, inquit, hoc ipso quod nunc data est, tumultueris, caue turberis, quasi si res ipsa temporaria esset, noua, ac peregrina. eam enim tū lex tum prophetæ iam inde ab initio præ-

dixerunt: ac partem quidem adstructionis, probationisq; huius iam ostendit, partem autem ostensurus est. in superioribus quidem in medium adduxit Abacum dicentem, Iustus ex fide uiuet. In subsequentibus autem Abraham, ac Dauid, & ipsos item de hisce nobiscum uerba facientes. magna enim erat harum personarum apud illos ratio, atq; autoritas. alter enim patriarcha erat, & propheta. alter rex, & propheta. tum autem & promissiones his de rebus factæ, ad horum utrunq; factæ fuerant. ob quod & Matthæus, euangelium dum auspicatur, utriusq; huius primum meminit, ac tum per consequentiam in medium maiores ipsos adducit: nam quum dixisset liber generationis Iesu Christi, nō tū substitit, quum post Abraham & Isaac & Iacob dixisset, sed una cum Abraham & ipsius Dauid meminit: ac quod mirum est, & ipsum eundem Dauid ante Abraham posuit, quum ait, filij Dauid, filij Abraham. ac tum demum recensere cœpit Isaac ac Iacob, cæterosq; deinceps omnes. ob quod & hoc loco Apostolus ipsos assidue circunuersat, atq; ait. Iusticia autem dei testimonio approbatur legis ac prophetarum. porro ut ne quis diceret. & qui fieri potest, ut qui nihil ad id, quod propositum nobis est, contribuimus, salui simus: ostendit & nos ad id ipsum nō paruum conferre. nempe fidem. quū igitur dixisset. Iusticia dei, addidit

didit. Per fidem in omnes & super omnes eos qui credunt. Hic rursus tumultuatur Iudæus, nihil se lectum, nihil eximium præter alios habens, ut qui uel cum uniuerso orbe censeatur. ut ne igitur hoc illi accadat, terrore rursus illū reprimat, addens. Non enim est distinctio. omnes enim peccauerunt.

Neq; enim mihi allegaueris, Illum esse Græcum, illum Scytham, aliū Thracem. omnes enim eadem conditione sunt. nam si legem accepisti, unum modo didicisti, nimirum ipsius peccati agnitionē, non illius fugā. deinde, ut ne dicerent Iudæi. peccauimus quidem & ipsi, sed non perinde atq; illi, attexit.

Et destituuntur gloria dei. Ita ut, quamuis non eadem cum illis peccata admiseris, gloria tamen dei æque priueris. es enim ex ijs unus, qui offenderunt, qui porro offendit, is non inter eos, qui glorificantur, sed inter eos, qui pudefiunt, recensetur. at tu ne terrearis. ob hoc enim hæc à me dicta sunt, non ut te in desperationem conijciam, sed ut ostendam domini benignitatem. ob quod adiecit. Iustificatur autem gratis per illius gratiam, per redemptionē, quæ est in Christo Iesu, quem proposuit deus reconciliatorem per fidē, interueniente ipsius sanguine ad operationem iustitiæ suæ. Vide quot modis id probet quod dixit. primum à personæ dignitate: neque enim homo est qui hæc facit, ut ne illum non posse

T 3 dicas

dicas: sed deus ipse, qui nihil non potest. dei enim
ait, est iusticia. deinde à lege ac prophetis. Testimo-
nio enim, ait, approbatur legis ac prophetarum. ne
enim quod uerbum id, absq; lege, audieris, terreat.
hoc enim ipsi legi ita uidetur. tertio à uictimis, quæ
in ueteri testamento fierent. ob hoc enim ait, interue-
niente ipsius sanguine memoriâ illis reficâs ouium
illarum, ac uiculorum. Si enim pecudum, ait, macta-
tiones peccata abluebant, multo magis sanguis hic
nec simpliciter dixit emptionē, sed redemptionem;
ut ipsi amplius ad eandem rursus seruitutem ne re-
deamus. quo nomine & ipsum uocat reconciliatorē;
declārans, quod si typus tantum robur habuit, mul-
to magis ueritas ipsum hoc præstabit. ac rursus ostē-
dens, non hoc esse recens ac nouum, usus est hoc uer-
bo proposuit. & proposuit deus. ac patris hoc exti-
tisse beneficium ostendens illud ipsum & filij quoq;
extitisse declarat. pater enim proposuit, Christus au-
tem interueniente suo ipsius sanguine rem totā con-
fecit. Ad ostensionē iusticiæ ipsius. Quid hoc
sibi uult, ad ostensionem Iusticiæ ipsius? quēadmo-
dum diuitiarum ostensio facit, ut non solum ipse di-
ues sit, sed & alios diuites reddat, & uitæ ostensio, ut
non ipse solū uiuens sit, sed & mortuos uiuificet, &
potētiā, ut nō ipse solū potēs sit, sed & infirmos con-
firmet: sic & iusticiæ ostensio facit, ut nō ipse modo
sit

sit iustus, sed & alios in peccatū collapsos de repen-
 te iustos efficiat. hoc igitur & ipse interpretans, addi-
 dit, quid sit ostensio. Vt sit ipse iustus, & iustifi-
 cans cum qui est ex fide Iesu. Ne igitur dubites.
 non enim ex operibus, sed à fide. neu dei iusticiam
 declines. duplex enim illius bonum, quod uidelicet
 tum leue est, tum omnibus propositum. neu pudor
 re atq; erubescētia tenearis. si enim ipse, dum hoc fa-
 cit, ostentat sese, ut sic dicam, & gloriatur, & sibi pla-
 cet, qui sit ut tute ob id erubescas, ac pudeas, ob
 quod dominus tuus glorificatur? Quum igitur cre-
 xit auditorem, hoc ipso quod dixit, dei iustitiā esse,
 quæ facta sunt, rursus detrectantem, & accedere pi-
 grescentem terrore impellit, sic dicens. Propter re-
 missionem præteritorum peccatorum. Vides ut
 assidue illis memoriam renouet peccatorū, superius
 quidem dicens, per legem enim agnitio peccati, po-
 stea autem, quod omnes peccauerint. hic aut acrius.
 neq; enim dixit, per peccata, sed per remissionem,
 hoc est mortificationem. non iam enim salutis spes
 erat, sed sicuti corpus resolutum cœlestis manus indi-
 gebat, sic & anima mortificata. & quod grauius est
 tanquam criminis loco ponens, ostendit maiorem
 esse accusationem. quid autem illud est? In dei tole-
 rantia remissionem extitisse. neq; enim uobis, ait, di-
 cere liceat, quod multam tolerantiam, ac bonitatem
 nacti

- „ nacti non sitis. uerbum autem id, In præsentem tem-
 „ pore, eius est qui magnam tolerantiam ac clemen-
 tiam exhibet. quum enim in desperationem, inquit,
 essemus adducti, ac sententiæ tempus adesset, tum
 autem adaucta essent mala, ac peccata ad comple-
 mentum usq; peruenissent, tum deus suam ipsius po-
 tentiam ostendit, ut intelligas quanta sit apud eum
 iusticiæ exundantia. neq; enim hoc à principio fa-
 ctum si fuisset, sic admirandum atq; incredibile ui-
 sum fuisset, ut nunc, quum medicinæ modus omnis
 „ refutatus, deploratusq; est. Vbi igitur gloriatio?
 „ exclusa est, inquit. per quam legem? operum? nequa
 „ quam. sed per legem fidei. Magnopere elaborat
 Paulus ut ostendat, fidem tantum ualuisse, quantum
 ne ipsa quidem lex imaginatione concipere potuerit.
 quandoquidem enim dixit, quod à fide deus homi-
 nem iustificat, legem rursus carpit. nec dicit, ubi igitur
 sunt Iudæorum merita? Vbi iustorum operum
 præstatio? sed ubi gloriatio? ubiq; ostendens illorum
 nudam iactitantiam, tanq; ij essent, qui ceteros præ-
 cellerent, sed nullum tamen uirtutis opus æderent.
 porro quum dixisset, ubi gloriatio? non addidit ex-
 tincta prorsus est ac periit. sed exclusa est. quod uer-
 bi de re iam exoleta dicitur. neq; enim ea gloriatio
 amplius tempus habet. nam quemadmodum iudi-
 cij tempus quum instat, non iam tempus habent;
 quos

quos pœnitentiæ capit uolûtas: sic & sentētia quum
lata fuerit, sintq; omnes iam iam perituri, atq; is præ
sto fuerit, qui mala ea, sua gratia eluat, non iam tem
pus habent, correctionem eam obtendendi, quam
à lege sumere possent: nam si illis adminiculis niten
dum erat, ante illius aduētum id faciendum erat. eo
autem iam præsentē, cuius est per ipsam fidem ser
uare, sublatum est in futurum ipsum certaminū tem
pus. Is enim sic fide ipsa salutem affert, quasi illa om
nia refutata iam ac cōuicta forent. quapropter nunc
ille aduenit, ut ne, si à principio aduenisset, dicerent,
fieri quidem potuisse, ut quis per ipsam legem serua
retur & laboribus proprijs & meritis. hanc igitur il
lorum obserans impudentiam, multum ille tempus
mansit antequam adueniret, ut omnibus iam refuta
tis, quum illi sufficere sibi non iam possent, tum de
mum ipse per gratiam eos seruaret. quapropter &
superius quum diceret ad ostensionem iusticiæ, ad
didit, in præsentē tempore. quod si nonnulli contra
dixerint, perinde illi facturi sunt, ut si quis magnis à
se delictis admissis, quibus in iudicio defendendis
par minime sit, iudicis sententia damnatus, aliud ni
hil, quàm supplicium expectet: post autem liberali
tate, ac gratia regia, supplicio eo liberatus quum fue
rit ita demum impudens sit, ut dimissus gloriatur, ac
se nihil cōmeruisse, nihil peccati admisisse profitea
tur

tur. gratia enim nondum accepta innocentiam probare oportebat, qua adepti iactantiae locus relictus non fuerit. quod quidem & Iudæis ipsis usu uenit. quandoquidem enim ex se ipsi conuicti essent, ob hoc aduenit ille, suo aduentu illorum iactantiam tollens. qui enim se infantium præceptorem esse proficitur, quiq; idē legis nomine gloriatur, tum autem insipientium institutorem se dicitat, æque atq; illi præceptore interim ac seruatore indigēs, is sanè non iam gloriandi causam habuerit. si enim antea circumcisio præputium facta est, multo magis nūc. etenim ea ab utrisq; tēporibus eiecta, explosa q; est. quum autem exclusam dixit, ostendit & quo pacto. qui igitur exclusa est: per quam legem: operū: haudquamquam. sed per legē fidei. ecce & fidem quoq; legem uocauit, libenter in ipsis uerbis perseverans, ut nouitatem, quæ esse quidem putabatur, leniat. quæ porrò fidei lex est: per gratiam seruari. hoc loco dei potentiam ostendit. quod uidelicet nō seruarit solum, sed & iustificauerit, & in gloriationem duxerit, operum quidem nihil indigens, sed fidem tantum exigens. hæc autem ait, tum Iudæum eum, qui iam crediderit, ad modestiam præparās, tum eum, qui nondum crediderit, compescēs, ut eum ad se illiciat. nam qui salutē iam fuerit adeptus, si sibi hoc nomine placeat, quod legi intentus sit, auditurus est, q; ea qui
dem

dem lex ipsius os obturauit, ea ipsum reprehendit, ea ipsius salutem interdixit, ac gloriationem exclusit: qui uero nondū crediderit, rursus per hæc eadem animos remittens, poterit ad ipsam fidem accedere. Vides quanta fidei exundantia: ut sum moueat à superioribus factis, ne ob ea quidem gloriari sinens?

Arbitramur igitur fide iustificari hominem absq. operibus legis. Vbi ostendit eos ab ipsa lege Iudæis esse superiores, tum demum magna cum fiducia, & de ipsa uerba facit, ei rei medelam rursus afferens, quæ res hoc quidem loco turbationem afferre uidebatur. nam duo hæc erant quæ Iudæorum animos turbabant. unum quidē, si qui ab operibus seruati minime essent, eos sine operibus seruari possibile esset. alterum autem si præputiatos æquum esset eadem illa assequi, quæ assequerentur ij, qui tantum temporis in ipsa lege enutriti permansissent. quod postremum priori illo ipsos magis perterrefaciebat. propterea illud ubi adstruxit, ad hoc deinceps se cōfert, quod Iudæos sic turbabat, ut & ipsum Petrum, fide iam accepta, hac de causa increparent, ob Cornelium, eacp̄ facta, quæ de illo euenisse narrant. Quid igitur ait? Arbitramur igitur fide iustificari hominem, absq. operibus legis. Non dixit Iudæum, aut eum qui sub lege esset, sed orationē in campum latiore educēs, ac salutis ualvas uniuerso terrarum

orbi pandens, ait. hominem. commune naturæ nō/
 men adhibens. deinde ex eo ansam capiens, non po/
 sitam obiectionem soluit. quandoquidem enim ue/
 risimile erat Iudæos, ubi audīssent, q̄ fides quem/
 uīs hominem iustificat, ægreferre, atq; offendi, addi/
 dit. Num Iudæorum deus tantum? Ac si dixis/
 set. Quamobrem enim hoc ipsum absurdum esse ui/
 detur? quod uidelicet quiuis homo seruatur. num
 deus, singularium deus est? hoc ipso declarās, quod
 qui gentibus incommodare, illisq; iniuriam inferre
 uolunt, dei potius gloriam labefactant: siquidem mi/
 nime illum cōcedant omnium esse deum. qui si om/
 nium deus est, & omnibus certe consulit, si autem o/
 mnibus consulit, omnes per fidem æque seruat. ob
 quod ait. Iudæorū ne tantū, an nō & gentiū? certe
 & gentiū. Neq; enim singulorū est, quales n̄ sunt,
 quos Græcorum nobis narrāt fabulæ: sed omnium
 communis, & unus. ob quod & attexit. Quando
 quidem unus deus. Hoc est, Idem & horū & illo
 rum dominus. sin uero uetera mihi allegas, & tum
 quoq; ipsa prouidentia communis erat. quamuis di/
 uerso modo. tibi enim lex scripta data est, & illis lex
 naturalis. quaquidē in parte nihilo illi inferiores fue/
 re, si modo uoluere. quin & superiores facti uicto/
 riam reportare potuerūt. quapropter & adiecit, hoc
 ipsum innuens, Qui iustificabit circumcisionem
 ex fide

ex fide & præputium, Ea suggerens, quæ supra de præputio & circūcissione dicta sunt, per quæ ipsa nullum plane esse in ijs discrimen declarauit. quod si tum ita se haberet res, multo magis & nunc. quod quidem & apertius nunc adstruens ostendit utrūq; pariter fidei ipsius indigere. Legem igitur irritam facimus per fidem? absit. Imò legem stabilimus.

Vides prudentiā uariam & immensam, per hoc enim uerbum stabilimus, ostendit non stantem, sed dissolutam. ac uide Pauli prudentiæ excellentiam, quanta cum abundātia, quæ uult, adstruit. hic enim ostendit fidem non solū non labefactare legem, sed illi esse auxilio, sicuti & ipsam legem, fidei uiam aperientem. Quemadmodū enim ipsa lex anteuertens, ipsi fidei testimonium attulit: cōprobatur enim, ait, testimonio legis ac prophetarum: sic & hæc fides ipsam legem inualidam stabiluit. Et quo pacto stabiluit inquires? quod nam, obsecro, erat legis opus? & cuius gratia nihil non faciebat? ut iustum faceret hominem. uerum illa quidem hoc præstare non ualuit. omnes enim ait peccauerunt. fides autem superueniens ipsum hoc præstitit. simul enim ut quis credidit, iustificatus est, Igitur legis uoluntatem firmauit. atq; ipsum hoc ad finem deduxit, ob quod omnia lex eadem faciebat. non igitur ipsam legem fides irritam, sed ratam, absolutamq; fecit. Tria igitur

tur hic demonstraui. & quod sine lege fieri potest, ut iustificeris, & quod hoc non potuit ipsa lex, & quod fides cum eadē lege non pugnat. Nam quandoquidem hoc Iudæorum animos maxime turbabat, quod uidelicet uideretur fides legi esse contraria, ostendit plus etiam, quàm uelit Iudæus, non solum non esse contrariam, sed ualde sociam, auxiliariam, & cooperariam, Id quod maxime cupiebant audire.

Morale.

Enimvero quandoquidē post gratiam hanc per quam iustificati sumus & uitæ quoq; instituto opus est, age studium tanto dono dignum exhibeamus. Exhibebimus porro, si bonorum matrem charitatem studiose, accurateq; seruauerimus. Est porro charitas, non nuda uerba, non salutationes simpliciter præstitæ, sed præfidiū ac patrociniū, operibusq; ipsis coniuncta uoluntatis demonstratio. uerbi gratia, Si quē paupertatis uinculis soluis, si quibus morbo afflictis opitularis, si quem à periculis, in quibus uersatur, asseris, si quibus afflictione ac necessitate pressis ades, si fletum tuum cum alterius fletu, si gaudium cum gaudio coniungis. nam & hoc quoq; charitas est. atqui pusillum quidem hoc uidetur esse, uidelicet si quis una cum gaudentibus gaudeat: sed tamen id ipsum permagnum sanè est, ac tale ut & animum philosophicum postulet: permultosq; inuenias

nias, qui molestius illud officium quum præstent, le-
 uiori tamen hoc fungi non possint. Nam multi unà
 cum flentibus, flent quidem & ipsi, at nō etiam unà
 cum gaudentibus gaudent. quin potius alijs gaudio
 exilientibus, illachrymātur. quod ipsum sanē est in-
 uidentia, ac malignitas. Itaq; non tenue ego, sed alte-
 ro illo præstantius meritū arbitror, quoties quis fra-
 tre gaudente gaudet. fortasse autem ne illo altero so-
 lum præstantius, quum quis uidelicet unà cum flen-
 tibus flet & ipse, sed & illo, quū quis in periculo uer-
 santi proximo adest. quippe multi alijs in periculū
 adductis, & se quoq; unà in idem periculum conij-
 ciunt, nōdē tamen alijs laudatæ uitæ instituto sese cō-
 mendātib; ac uulgo bene audientibus, se ipsi mor-
 dent, atq; excruciant. tanta est inuidentiæ ipsius ty-
 rannis. quanquam hoc quidem non nisi à laboribus
 sudoribusq; illud aut ab ipsa solum uoluntate atq;
 animi sentētia proficiscitur: nihilo tamē secius quod
 molestius est permulti quum sustineant, quod pro-
 cliuius, haudquaquam perficiunt. quinimo maceran-
 tur, dispereuntq; quoties alios uita commendabili
 sese hominibus probare uiderint, quoties dei eccle-
 siam uel uerbo, uel alio quouis modo auctam, adiu-
 tamq; intellexerint, qua re quid exitiosius esse que-
 at: neq; enim qui hæc committit cum fratre tantum,
 sed & cum dei uoluntate depugnat. hoc ergo consi-
 derans

derans, morbum huiusmodi sedato. & si minus proximum, at certe te ipsum à malis infinitis eximito. quid bellū cogitationibus tuis inferis? quid animam perturbatione cōples? quid tempestatem cies? quid cœlum terris, mare cœlo mīsces? qui sic affectus poteris peccatorum ueniam postulare? nam si qui aduersum se admissa, alijs non remittunt, ihs deus peccata non condonat, quam tandem peccatorum condonationem ihs largiturus est, qui in eos iniurijs sunt, à quibus nulla ipsi affecti sunt iniuria? summæ enim malitiæ argumentum hoc est. ac certe id genus homines unà cum diabolo ecclesiæ bellum inferūt. Fortasse etiam & multo deterius. Nam diabolum euitare sanè possis. at hi sumpta amicitia persona clam ignem incendunt, se prius ipsos in caminum cōijcientes, ac morbo laborātes non solum misericordia indigno, sed & admodum ridiculo. quid enim, quæso te, impallefcis? quid tremis? quid formidolosus es? quid tandem mali accidit? quod clarus, quod splendidus, quod bene audiens frater est? Igitur coronari oportebat, ac lætitia exilire, deūq; glorificare: quod uidelicet membrum tuum relucens, & illustre. At tibi dolet quod deus glorificatur? uides. quo bellum ipsum pertineat? Dices. at non mihi molesta dei gloria, sed fratris. uerum per hunc fratrem gloria ad cœlum cōscendit: igitur & bellum itidem à te exortum.

at non

at nō hoc inquis mihi dolet, uerum uelim deum per
 me glorificari? Igitur fratre bene audiente gaude, ac
 tum per te etiam iterum deus glorificabitur: dicētq;
 omnes, benedictus deus, qui tales famulos habet,
 ab omni inuidentiā liberos de alienis bonis inter se
 congratulantes. Sed enim quid hic de fratre uerba
 facio? Nam ut hostis is sit, atq; inimicus, per quem
 deus glorificatur, hoc certe nomine conuenit, ut tu il
 lum tibi amicū reddas. Tu uero qui iam amicus est,
 eum tibi inimicum reddis, posteaquam deus per il
 lius uitam inculpatā glorificatur. Ita ne uero qui cor
 pus tuū affectū curauerit, inimicus tibi antea quum
 esset, hūc protinus amicum tibi in posterum censes:
 eum uero qui Christi corpus, hoc est ecclesiam exor
 nat, amicus antea quum esset, hunc tu inimicum du
 cis? quanam alia melius ratione bellum te aduersus
 deū suscipere ostendas? Ob hoc certe ut signa quis
 ædat, ut uirgo permaneat, ut sobrius sit, ut humi etiā
 am decubet, atq; id genus uirtutibus uel ad ipsos an
 gelos accedat, omnium tamen sceleratissimus fuerit,
 hoc uicio si laborauerit, & adultero, & scortatore, &
 prædone, & sacrilego iniquior. Ac ne quis me quod
 sermonis modum non seruem insinuet, illud libēs
 uos interrogauerim. Si quem uideremus ignem ma
 nibus, ac ligonem gestantem, hanc ædem unā cum
 altari demoliri, euertere, incendere, nōne fieret, ut ab

X omnibus

omnibus ijs qui rem forte spectarent lapidibus obrueretur, tanquam impius, & exlex: quid igitur? si quis flammam gestet, hoc, quo utimur, igne edacio rem, inuidentiam dico, non lapidum ædificia demolientem, neq; aureum altare euertentem, sed, quod longe & lapidibus & altari preciosius est, præceptorum ædificium subuertentem, ac deuastantem, hic qua tandem uenia dignus esse queat? Absit enim ut mihi hic rei exitū excuses, dicasq; usu sæpe euenisse, ut rem quis aggressus sit, nec perfecerit tamen. rei enim cuiusq; iudicium, pro autoris animo pensatur. quandoquidem & Saul, Dauidem interfecit, uel uoti sui compos minime effectus. Annon, obsecro, animo uersas, te Christi ouibus insidias struere, quoties cū pastore depugnas? pro quibus ouibus & sanguinem ille effudit, & nihil non nos tum facere, tum pati iussit: non te ipse commonefacis, quod dominus tuam quidem gloriam, non etiam suam ipsius exquisiuit, quum tu tamen nō domini ipsius, sed tuam unius gloriam persequaris? quanquam si illius gloriam sequereris, tum demū & tuam quoq; assequeris. Vbi illius gloria posthabita, tuam dum quæris, ne hanc quidem unquam assecuturus es. Quæ nā ergo morbi huius medela inueniri queat? Coniunctim omnes, preces fundamus, unam eandemq; pro ipsis uocem tanquam pro energumenis ædentes. hi

tes. hi enim hoc infeliciori sanè conditione sunt, cū illi, quod furor hic non nisi à certo animi proposito ortum habet. prece itaq; ac supplicatione permulta morbus hic indiget. Nam si qui fratrem non amat, ut etiam pecuniarum impensæ non parcat, ac martyrio illustretur, is nihilo inde magis proficit, confidera, quanto is sit supplicio dignus, qui illi aduersatur, à quo nulla unquam iniuria est affectus? Certe hic ipse gentilibus deterior est. si enim mutuus inter nos amor, nihilo nos illis meliores, superioresq; efficit, quem tandem obsecro gradū obtinebit, qui amorem sibi præstitum inuidentia remuneratur? etenim bello quidē perniciosior est inuidentia. nam qui bellum facit, sublata belli causa, inimicitias desinit. At inuidentiæ morbo qui laborat, amicitiam nunquam inierit. & præterea aperto ille Marte rem agit, hic autem adumbrato. Ille honesta quadam ratione bellum excusare potest, hic autem aliud nihil, quàm insanit, animo præditus satanico. Cui nam igitur huiusmodi animum contuleris? cui uiperæ, cui serpenti, cui lumbrico, cui cantharo? hoc certe animo neq; deterius, neq; sceleratius quicquam. hoc enim malum, hoc inquam malum Christianorum cōuentus subuertit, hoc hæreses peperit, hoc fraternam manum armauit, perfecitq; ut iusto sanguine dextra maderet. hoc naturæ leges à suis compagibus motas re-

uellit, hoc morti ualuas adaperuit, & execrationem illam ad opus deduxit, ac neq; parturiginū, neq; parentū, neq; alterius cuiuscunq; rei memorē esse miserū illū permisit, uerū tali furoris, atq; insanix cestro extimulauit, ut uel deo exhortante, ac dicente, sub te erit appetitus eius, & tu dominaberis illius, ne sic qdē animū emolliret. atqui & crimine cū absoluit, ac fratrem etiā illi submisit: sed tamen morbus ita erat immedicabilis, ut uel sexcentis pharmacis adhibitis pus scaturiret. Quamobrem igitur omnium miserrime doles? anne qd honoratus sit deus? hoc ipsum uero mētis est prorsus satanicæ. an potius, quod frater à uitæ morumq; integritate uulgo melius te audit: tibi uero rursum licet illum exuperare. quamobrem si uincere uis, ne iugules, neu interficias, sed finito illum ut luctæ subsistat argumētum, ac uiuentem uincito. sic enim futurum est, ut honorificā lauream reportes. nūc autem illum quum sustuleris, mereris sanè, ut omnibus etiam calculis uictus pronuncieris. Sed scilicet nihil quicquam eorū quæ dixi inuidia respicit. quamam autem de causa & gloriæ appetens es, tali in solitudine? Ipsi enim tum soli terram inhabitabāt. uerum ne hoc quidem illum cohibuit, quin omnibus ab animo excussis, à diabolo stans, in acie sese collocabat, animo ad cōfligendum parato. Etenim diabolus idem tum unā cum Cāin belli du-

emagebat. nam quandoquidem illi non satis fuit,
 quod homo mortalis iā effectus fuisset, ipso etiam
 mortis genere tragœdiam ipsam amplificare enixus
 est, sic ut illi persuaserit, fratris paricida ut fieret. ur/
 gebat enim ac desiderabat dei sententiam in opus
 æditam uidere, qui ipsæ nostris mortaliū malis nul/
 lo unq̃ tempore satiatur. Nam quemadmodum si
 quis aduersarium in neruo ac compedibus habens,
 & quidem mortis in eum sententia iam lata, anteq̃
 urbe egrediatur festinet, ac tempore congruo mini/
 me expectato, illum uel intra urbem trucidatum ui/
 dere percupiat, sic & tum diabolus fecit, Is enim ta/
 met si audiisset fore, ut homo in terrā reuerteretur;
 cōcupiuit amplius quiddam uidere: filium uidelicet
 morientem ante patrem, & fratrem à fratre intereun/
 tem, & intempestiuam & uiolētā necem. uides q̃
 multas ad res subseruerit inuidētia: ut insatiabilem
 diaboli animum impleuerit, eidemq̃ mensam eam
 apposuerit, quā uidere ille expetiuerat. Igitur mor/
 bum hunc fugiamus. non enim licet, non inq̃ licet
 præparatum illum diabolo ignem effugere, ijs qui
 hoc morbo liberi non fuerint. liberi porro erimus, si
 cogitauerimus, quem nam in modū nos tum ama/
 uerit, tum inter nos amare iusserit Christus. quo igi/
 tur modo nos amauit: sanguinem illum preciosum
 dedit pro nobis, qui & inimici, & q̃ grauissimis cri/

minibus affines, obnoxijq; eramus. hoc pacto & te ipse erga fratrem gere. propterea enim, inquit, nouum mandatū uobis trado. sic inter uos amate, ut & ego dilexi uos. Imò uero nō intra hos terminos amoris inter nos mutui modus consistit. Ille enim id, quod dixi, inimicorum causa præstitit. At tu recusas tuum ipsius sanguinem pro fratre dare? quid igitur illius sanguinē effundis, præcepto ex diametro repugnās? quanq; quod ille fecit, id nullo debito fecit. tu autē quum id facis, mandatū imples. quando & ille cui talenta mille condonata fuerant, decem tamen denarios exigens, non ob hoc solum cōdemnari meruit, quod exigeret, sed quod ne ob beneficentiā quidem sibi factā, melior euasisset, nec dñi exēplū secutus, debitū exoluisset. etenim debitū quoq; erat, qd ab illo ipso seruo erga cōseruū suū, præstitum fuisset, si modo præstitū fuisset. quæcūq; em facimus, ea debitū implētes facimus. propterea & ipse ait: oīa quum feceritis dicite: inutiles serui sumus, quæ enim facere debebamus, ea fecimus. Charitatē igitur quum exhibuerimus, indigentibus pecunias quum largiti fuerimus, debitum implemus: nō quod ille prior beneficus in nos fuerit, sed quod quæ illius sunt, distribuimus, si quando damus. quid te igitur ihs priuas, quorum ille dominū esse te uoluit? ob hoc enim iussit, ut tu eas pecunias alteri dares, ut tu eas haberes. quan-
diu

diu enim tu solus eas detines, ne ipse quidem tenes:
 quum autē & alteri das, tumet ipse eas capis. Num
 quicquam est quod amorem hūc exæquare queat?
 Ipse sanguinem pro inimicis effudit, nos autem ne
 pecunias quidem pro eo qui de nobis bene meritus
 est. Ipse sanguinem suum ipsius, nos autem ne pecu-
 nias quidem ad nos minime spectātes damus. Ipse
 ante nos, nos autem ne post ipsum quidē. ipse pro
 nostra salute. nos autem ne pro nostro quidē com-
 modo. nihil enim quicquam illi accedit ex nostro in
 illum amore, uerum lucrum ipsum totum ad nos ad
 postremum reuertitur. propterea enim iubemur pe-
 cunias dare, ut ne ijs excutiamur. quēadmodū enim
 quum argentum puerulo quis donat, iubet diligen-
 ter ut uel asseruet, uel famulo asseruandum credat,
 ut ne possit quisquis uoluerit, illud eripere: sic sanē &
 deus facit. da enim, inquit, indigēti, ut ne quis abs-
 te auferat, aut calumniator, aut diabolus, aut fur, aut
 post hos oēs mors. donec em̄ ipse eas detines, tuto
 nō detines. q̄ si mihi per pauperes dederis, tibi ego
 oia accurate asseruo, atq; eas tibi in tpe debito ma-
 gno cum fœnore rependā. nō enim ut auferā capio,
 sed ut plures, q̄ sint efficiā, ut accuratius custodiam,
 ut tibi ad illud usq; tempus asseruem, quum nullus
 erit qui mutuo det, nullus qui misericordia moueat.
 quid igitur nobis est immanius, qui ne post tot pro-
 missiones

missiones quidem sustinemus ipsi mutuo dare: propterea enim solitarij, nudi, ac pauperes ad eum discimus, pecunijs ijs amissis, quæ nobis cōcreditæ fuerant, quod eas non deponimus, apud eum qui accuratissime omnium asseruare potest, quo nomine extremas pœnas luituri sumus. quid enim in iudiciũ tracti dicere ipsi poterimus pro ipsarũ amissione? quã causam, quam defensionem prætere? quamobrem enim nõ dedisti? diffidis te rursus eas accepturum? qui uero id ratione constet? nam qui ei dedit, abs quo non acceperat, nonne multo magis, quum acceperit, daturus est? At te delectat aspectus? ob hoc igitur multo etiam magis dato, & pecunias spargito, ut illic plenius delecteris, quum nullus eas tibi crepturus est. quandoquidẽ si nunc detinueris, mala lues infinita. Diabolus enim diuitibus insilit, canis exemplo, offulam aut placentam de pueruli manibus auferre uolentis. patri ergo eas demus, quod quum à nobis factũ diabolus uiderit, recedet: is ubi recesserit, tum tibi omnes pater cum securitate redditurus est, quũ tibi obstrepere ille nõ poterit, futuro scilicet seculo. usque adeo in præsentia diuites nulla re differunt à puerulis ijs, quibus canes infesti esse solent. circa quos uidelicet diuites, allatrare oēs solent, quosque lacerant, ac trahunt non homines ipsi solum, sed & illiberales affectus, gula, ebrietas, adulatio, intemperantia

rantia omnis. Iam si quid mutuo dare uelimus, disquirimus, à quibus multum capere possimus, eosque circumspicimus, quos gratos futuros sperauerimus. hic autem secus facimus. deum relinquimus, qui sic gratus esse solet, ut uel centuplum præbeat, interim eos disquirentes, qui ne ipsam quidē sortem reddūt. quid enim nobis uenter redditurus est, multa quum absumpserit? stercus, ac corruptionem. quid autē inanis gloria? Inuidentiā ac malignitatem. quid autem parsimonia? curam ac sollicitudinem. quid autem intemperantia, gehennam, ac uermem uenenatum. hi enim sunt diuitū debitores, ab ipsa summa ac sorte usuras id genus pendentes, nimirum hic incommoda, tum autem & quæ expectantur mala. His ergo, obsecro, debitoribus tantū supplicij, usuræ loco, afferentibus pecunias nostras mutuas dabimus, ac non potius ipsas Christo credemus, cœlum, uitā immortalem, arcana bona offerenti? quamnam uero defensionem usurpabimus? nam quamobrem nō das ei, qui daturus. ac qui etiā omnino plura daturus est? fortasse ob id quod multo post tempore dat. atqui & hac quoque in uita dat. Verus est enim sermo ille: regnum cœlorum querite, & hæc omnia addentur uobis. uides liberalitatis ac munificentiae magnitudinem? Illa tibi asseruata sunt, nec minuūtur, quum interim seculi huius bona tanquam additamenti ac co-

Y rolarij

rolarij loco largior. Adde his quod redditum longo
post tempore debitū opes tibi tuas auget. nam fœ-
nus quidem maius fit. Etenim in fœneratitijs pecu-
nijs hoc usu uenire uidemus, ut fœneratores liben-
tius ijs debitoribus mutuas dent pecunias, qui quod
mutuo acceperint, multo post tempore soluturi sint,
nam qui protinus resoluit, is fœneris cursum inter-
rumpit: qui autem in soluendo serus est, is quæstum
maiores efficit. Ita ne uero obærandis hominibus
moram non ægre ferimus, sed & modis omnibus,
maior illa ut fiat, excogitamus: obærandō autem deo
sic nos pusillanimes gerimus, ut hoc nomine tarde-
mus, ac tergiuersemur: quanquam ille, quod iam di-
xi, uel hic dat, atq; unā cum ea, quam dixi, causa, &
aliud quiddam maius dispensans illic in cœlis, om-
nia recondit. nam rerū earum quas ille largitur ma-
gnitudo, donicq; illius pulchritudo, uitæ præsentis ui-
litem transcendit. neq; enim fieri potest ut in cor-
pore mortali ac marcido illas immortales coronas
capias, neq; in uita hac tumultus ac turbationis ple-
na, tum autem multis mutationibus obnoxia, stabi-
lem illam & immotam quietem recipias. Iam uero
si forte in aliena terra ageres, nullos inibi famulos
habens, neq; te domum tuam recipere ualēs, ac tibi
qui aurum deberet, polliceretur, id se tibi redditurū,
multis utiq; precibus ab eo, contenderes, ut tibi illud

domi

domi potius, quàm in ea extera regione perfolueret: at uero spiritualia illa & arcana bona hic tibi numerari postulas. quantæ quæso, id dementiæ fuerit: nam si hic accipis, mortalia prorsus accipis. qui si tēpus illud expectaueris, immortalia tibi & integra reddet. si hic accipis, plumbum accipis. sin uero illic, aurum permultum purum putum. uerum tamen ne præsentibus quidē bonis te priuat. nam & una cum illa pollicitatione & alterā adiecit, ita inquit. quis quis rerum cœlestium amore capietur, cētuplum accipiet in hoc seculo, & uitæ æternæ hæreditatē assequetur. Quod si centuplū minime accipimus, in causa sumus ipsi, qui mutuū nō damus ei, qui tantundem dare potest. hi enim omnes qui dederunt tantundem ipsi receperunt, ut etiā pauca dederint. quid enim, obsecro, magni Petrus dedit? nonne rete contractum, & calamum, & hamum solum? sed tamen terræ illi uniuersæ domos deus aperuit, & terram, & mare expādit. ac nemo nō illū in suas ædes uocauit: atq; adeo oēs quū bona sua diuēdidissent, ad illius pedes deferebāt: neq; em̄ in manus cōjciebāt, ut qui nō id sibi audētiae sumebāt: tantū illi honorē unā cū munificētia tribuebant. Dices. At ille Petrus erat: qd tū o bone? neq; em̄ uni Petro hæc deus, p̄misit, neq; dixit: Tu uero o Petre centuplum accipies solus: sed quisquis reliquerit domum & fratres, centuplum acci-

Y 2 cipiet

cipiet . neq; enim personarū differentiam ille nouit,
sed rerum merita. At me, inquis, liberorū chorus cir
cūstitit, atq; ego illos diuites relinquere aueo. quorū
sum igitur illos pauperes efficimus: nam illis omnia
si reliqueris, rursus incertæ custodiæ tua omnia com
mittis . qui si illis deum relinquis cohæredem ac cu
ratorem, infinitos thesauros relinquis . Quēadmo
dum enim quum nos de nobis ipsis ultionem sumi
mus, nobis tum deus non opitulatur, quum autem
illius arbitratui rem committimus, tum expectatio
nem nostram rei exitus superat: sic & in ipsis pecu
nijs usu uenit. si nostram in eis cogitationem fixeri
mus, desinit ille de illis curā habere: sin illi negotium
totum commiserimus, fiet, ut & illas, & liberos item
in omni securitate colloquet . porrò quid admiraris si
in ipso deo hoc usu uenit: etenim & id ipsum quoq;
in ipsis hominibus euenire uidemus. nam si moriēs
propinquorum neminem ad liberorum tuorum cu
ram suscipiendam uocaueris, pudore ac uerecundia
suffunditur persæpe, uel qui admodum tutelæ susci
piendæ cupiens est, quo minus ultro ad eā accurrat:
qui si in illum curam hanc reieceris, is ut cui honos
hic à te habitus fuerit, uoluntati tuæ magnopere sa
tisfacere curabit. Itaq; si liberis tuis magnas opes re
linquere uis, curā deo relinquito . Nam qui nullum
tuum opus quum extaret, tibi & animā dedit, & cor
pus

pus formauit, & uitam item largitus est, is ubi te tale tantumq; studium præstare, tum autem liberorum tuorum facultates unà cum ipsis liberis sibi impertiri uiderit, nonne illis diuitias omnes adaperiet? Etenim si Elias tenui farina nutritus, posteaquam uidit mulierculam illam se sic excipere, & amplecti, ut uel proprijs liberis anteponeret, tantā in uiduæ domo bonorum abundantiam exhibuit, ut inibi & arca tritico, & torcular uino exundaret, cogitato quantam Eliæ dominus benignitatem exhibiturus est. Absit igitur ut hoc cōsideremus quemadmodum liberos relicturi simus diuites, sed quemadmodum uirtute præditos. nam si opibus confisi fuerint, nullius rei alterius curam suscepturi sunt, ut qui habituri sint, unde morum prauitatem adumbrare possint. nempe à facultatum abundantia. qui si uiderint sese illo solatio atq; auxilio destitutos, omnē operam nauabūt, ut uirtute ipsa magnum paupertati solatium acquirant. Ne igitur opes illis relinquant, ut uirtutem relinquant. nam summæ quidem est amētia, illis dum uiuimus facultatum omnium nostrarum dominium non permittere, ab obitu uero nostro magnā iuuentutis leuitati licentiam relinquere: quanq; dum uiuimus ipsi, possumus quidem eos ad rationis calculos uocare, facultatibus non recte utentes emendare, ac cohibere. uita uero functi, si unà cum orbitate ac iu-

Y 3 uentute

uentute, & opum quoq; licentiam addiderimus, sic
perfecto, ut in infinita præcipitia miseros illos ac ca-
lamitosos impellamus, ignē igni adiñciētes, & oleum
foco instillātes. Quapropter si ipsos citra periculum
uis diuites relinquere, relinquito ipsis deum debito-
rem, ipsiq; deo has testamentarias tabulas porrigi-
to. nam pecuniæ tuæ si ad liberos tuos deuenerint,
ne hi quidem scient cuinam largituri eas sint. quin
potius in sycophantarum & quidem ingratorum
manus incident. qui si anteuertens illas deo mutuas
dederis, incolumis in posterum thesaurus manebit,
ac nullo certe negotio subsequetur mutui redditio.
Nam gratiam habet deus & quum nobis debet, &
quum dependit. libentiusq; sceneratores suos con-
tuet, q̃ eos à quibus nihil mutuo accepit: ac quibus
maxime ille debet, hos & maxime amat. quamob-
rem si perpetuam cum illo amicitiam inire uis, perfu-
cito multū tibi ille ut debeat. neq; enim perinde dele-
ctatur suis debitoribus creditor, ut deus suis credito-
ribus. ac quibus nihil debet, eos auersatur: quibus
autē debet, ad eos accurrit. Omnem igitur operam
nauemus, ut illū in are nostro habeamus. hoc enim
tempus scenerationibus maxime accomodum est,
ut quod indigētis cōstet. Si igitur in præsentia deo
nihil dederis, tui fanē nō egebit, postq̃ hinc aliò fue-
ris profectus. hic enim sitit, hic esurit. sitit autē quādo
tuam

tuam salutem sitit. ob hoc & medicat, ob hoc nudus
 errat, omni ope tibi æternam uitam conquirrens. ne
 igitur illum despicias. neq; enim nutritum iam sese
 esse uult, sed nutrirī, nō indutum, sed indui, & tibi au-
 reum illud uestimentū preparare, stolamq; regiam.
 nonne uides medicos eos, qui curiosiores quidem
 sunt, quum ægroti lauantur, & ipsos quoq; lauari, ut
 etiam lotionē non egeant. haud aliter & deus ipse
 propter te laborantem, nihil non facit. propterea à
 te nulla cum uolentia postulat, ut tibi copiosius re-
 tribuat: ut intelligas, quod nulla quidem indigentia
 pressus postulat, sed salutem tuam nutantem, lapsa/
 bundamq; erigēs. ob hoc ad te ille uili in habitu ac-
 cedit, dextram porrigens. cui si obolum modo dede-
 ris, haud auersatur. quem si contempseris, non absce-
 dit, sed rursus ad te adit. amat enim, amat ualde no-
 stram salutem. pecunias igitur contemnamus, ut &
 ipsas pecunias assequamur. nam si hic eas asseruaue-
 rimus, eas omnino tum hic tū illic amitemus. quod
 si liberaliter eas dispertiemur, magna nimirum opu-
 lentia in utraq; uita perfruemur. qui ergo diues fieri
 uult, fiat paup; ut diues fiat, insumat ut colligat, spar-
 gat ut congreget. quæ ipsa si tibi noua ac parum cre-
 dibilia uidentur, eum cōtemplator, qui sementem fa-
 cit ac considera, ne illum quidem plura cogere aliter
 posse, nisi bona sua spargat, nisi quæ parata habet,
 effundat

effundat. semētem igitur & nos faciamus, cœlumq̃
tanq̃ agrum colamus, uti & multa cum abundantia
metamus, & perēnia bona assequamur. gratia & be
nignitate domini nostri Iesu Christi, cum quo patri
gloria, unā cū sancto spiritu in secula seculorū, Amē

HOMILIA VIII



Vid igit̃ dicemus inuenisse Abraham
patrem nostrū secundū carnem. Nam
si Abrahā ex operibus iustificatus fuit,
habet quod gloriē, sed non apud deū.

Vbi dixit, quod mūdus deo obnoxius factus est,
quod omnes peccauerunt, quod gloriatio exclusa,
quod aliunde salutem assequi nō licet, nisi à fide, de
inceps ostendere studet, quod ne dedecori quidem
est hęc salus, sed relucētis gloriæ causa, ac maioris q̃
quæ operibus constat. Nam quod & salus ea, quæ
cum dedecore paratur, tristitia quadam coniuncta
est, & hanc quoq; suspicionē tollit: quanq̃ & ipsum
hoc iam innuit, quum non salutem modo sed iusti
ciam appellauit. Iusticia em̃ dei, ait, in ipso reuelatur.
Qui enim sic saluus fit, ut iustus, cum fiducia saluus
fit: nec iusticiam solū appellauit, sed dei ostēsiōnem.
deus porrò rebus in gloriosis, splendidis, ac magnis
se ipse uenditat: ueruntamen & ex ijs quę proposita
sunt ipsum hoc astruit per interrogationem ipsum
sermonem

sermonem prosequens . quod quidem solenne illi
semper est, tum ut perspicuitatem, tum ut confiden-
tiam dictis suis afferat . etenim & superius ita fecit,
quum diceret: Quid igitur habet in quo præcellat
Iudæus? & Quid igitur præcellimus eos? Nullo mo-
do. ac rursus. Vbi gloriatio? exclusa est. & hic quo-
que . Quid igitur dicemus Abraham patrem nostrum?
Quandoquidem enim hunc Iudæi sursum ac deor-
sum uersabant, quod uidelicet patriarcha quum es-
set, tum autem deo amicus, circumcisionem primus
omniū accepisset, ostendere uult quod & ipse quo-
que ex fide iustificatus sit. quod quidem magnæ ui-
ctoriæ exuberantia erat. nam absque operibus ali-
quem ex ipsa fide saluum fieri, nihil sanè inconue-
niens fuerit. At cum qui meritis ac recte factis inso-
lescat, non quidem hinc, sed à fide iustum effici, hoc
ipsum uero mirabile erat, ac tale quod fidei uim ac
robur maxime declararet. Quapropter alijs omni-
bus prætermis, ad hunc orationem reuocat. Ipsum
porrò patrem secundum carnem nominauit, hac ra-
tione ipsum depellens ab ea germana cognatione,
quæ illi cum eis intercederet, ac gentibus quasi uia
strata indicans propinquitatem, quam cum illo ha-
berent. deinde ait. Si enim ex operibus iustifica-
tus fuit, habet quod gloriatur, sed non apud deum.

Quum igitur dixisset, quod deus circumcisionem

Z ex fide

ex fide iustificat, & præputium item per fidem, atq;
 hoc satis superq; adstruxisset ijs, quæ supra posuit,
 & per ipsum quoq; Abraham plenius ipsum idem
 demonstrat, quàm promiserit. committitq; ipsam fi-
 dem cum operibus, quandam ueluti pugnam pro-
 ponens, totumq; certamen circa ipsum iustum fir-
 mat. nec id simpliciter. unde & grauitatē ualde asser-
 uat, patrem ipsum uocans, eosq; ad necessitatem co-
 gens, illi in omnibus parendi, Ne enim mihi, ait, Iu-
 dæū adleges, neu uel hūc uel illū in mediū adducas.
 Ego em̄ ad ipsum demū fastigiū, atq; unde ipsa cir-
 cuncisio initiū cepit, cōscendo. Si enim Abrahā ex
 operibus iustificatus est, ait, habet qd̄ gloriatur, sed
 non apud deū. Obscurū quidē dictum hoc igitur
 necessariū est manifestius ipsum reddere. Sunt enim
 gloriationses duæ, altera ab operib. altera à fide. quū
 igitur diceret, si ex operibus iustificatus est, gloriatio-
 nē habet, sed nō apud deū, ostendit quod & à fide
 posset gloriationē, & quidē lōge maiore, habere. Ma-
 gna em̄ Pauli uis in hoc maxime declarat, q; in con-
 trariū detorsit quod proposuerat. & quod ipsa ope-
 rum salus habebat in quo & gloriaret̄ & cōfideret,
 hoc ipsum multo magis ab ipsa fide existere osten-
 dit. Nam qui ob ipsa opera gloriatur labores pro-
 prios habet quos obtēdat. at qui ob hoc effertur, ac
 sibi placet, quod deo fidem addixerit suam, multo
 maiorem

maiolem gloriandi occasionem ostentat, ut qui dominum glorificet, ac magnificet. Quæ enim natura minime dictauit, earum quidem rerum, quæ conspiciuntur, hæc à fide erga illum præstita admittit, tum germanam charitatem aduersus illū præ se fert, tum illius potentiā illustri præconio celebrat. Hoc ipsum porro generosissimi est animi, & philosophicæ sententiæ, & sublimis cogitationis. Etenim nec fur esse, nec parricidam, uel cuiuslibet esse possit. at credere quod impossibilia possit deus, hoc uero magni admodum animi indiget, & magnopere erga illum affecti. etenim germanæ charitatis hoc signum est. Si quidē & deum quoq; honorat quisquis illius mandata implet, multo uero melius hic, qui fide philosophatur. Ille enim ei obedit. hic autem conuenientem de eo opinionē accipit, eumq; glorificat atq; admiratur uehementius ipsa operum demonstratione. Illa ergo gloriatio eius est, qui recte aliquod factum præstiterit. Hæc autē deum ipsum glorificat, ac quanta est, tota ipsius est. gloriatur enim ob hoc ipsum quod magna quædam de eo cōcipiat, quæ quidem in illius gloriam redundant. unde ait erga deum habere ipsum gloriationem, nō ob hoc autem solum, sed ob aliud. gloriatur enim rursus fidelis, non quod ipsum deum amat solū germane, sed & quod ab illo magnum honorem assecutus est, magnam item di-

lectionem. Quemadmodum enim ipse illum adamat, magna quædam de illo imaginatus, hoc enim dilectionis argumentum, sic & deus illum diligit sexcentorum criminum reum, non tantum supplicio liberans, sed & iustum efficiens. Habet igitur quâobrem gloriatur, se magna admodum charitate dignum habitum fuisse. Ei uero qui operatur merces non imputatur secundum gratiam, sed secundum debitum. Igitur hoc maius, inquires? nequaquam. etiam credenti imputatur. nunc autem imputaret, nisi & ipse quidpiam attulisset. Quapropter & hic debitorum habet deum, nec uulgarium rerum debitorum, sed magnarum ac sublimium. Illius porro iactantiam ubi ostendit, & spiritualem cogitationem, non simpliciter dixit, Credenti, sed credenti in eum qui iustificat impium. Cogita enim quantum hoc sit, nempe credere, ac certam persuasionem concipere, quod possit deus, eum qui in impietate uitam transegerit, de repente non modo merito supplicio liberare, sed & iustum efficere, tum autem immortalibus illum honoribus dignari. Ne igitur existimes hunc imminui, quod illi non secundum gratiam imputatur. ipsum enim hoc maxime facit, ut fidelis clucescat, quod uidelicet tantam affecutus sit gratiam, tantamque exhibuerit fidem. ac uide & retributionem maiorem. illi enim merces datur, huic autem iusticia. longe autem præstat mercede iusticia. est enim multiplicem

tiplicem mercedem comprehendens remuneratio, ipsa iusticia. Id ergo Abrahæ exemplo quum declarauit, & ipsum quoq; Dauid adducit ijs quæ dicta sunt suffragantem. Quid igitur ait Dauid? & quem tandem beatum dicit? eum qui operibus turget, an eum qui gratiâ assecutus est? eum qui remissionem ac donum obtinuit, an eum qui fidem ac beatitudinem? beatitudinem porrò quum dico, bonorū omnium fastigiū dico. sicuti enim iusticia amplius quid dā est ipsa mercede, ita beatificatio maius quiddam est ipsa iusticia. quum igitur ostendit iusticiā potior rem esse, nō ob hoc solum, quod eam Abraham acceperit, sed ab ipsis etiā cogitationibus. habet enim, ait, quod gloriatur, sed non apud deum: & alio rursus modo ipsam augustiorem, ac magis uerendam ostendit, adducens Dauid illi suffragantem. etenim hic (ait) eum beatum facit, qui ita fuerit iustificatus, quum dicit. Beati quorum remissæ sunt iniquitates. Videtur porrò non conueniens testimonium adducere. neq; enim dixit, beati quorum fides ad iusticiam imputata est. Id quod uolens quidem facit, non etiam ignorans, ut maiorem ostendat hyperbolen. nam si beatus est hic, qui à gratia remissionē accipit, multo magis qui iustificatus est, quiq; fidē præ se fert: porrò ubi beatificatio, ibi certe dedecore omni sublato magna gloria existit. est enim ipsa beatifi

ratio mercedis cuiuslibet intentio, incrementum, &
 gloria. quapropter in quo ille præstat, id non scripto
 » expressum ponit, dicēs. Ei uero qui operatur mer-
 » ces non imputatur secundum gratiam. In quo au-
 » tē fidelis præcellit, id per testimoniū scripto expres-
 » sum adstruit, dicens, Sicuti dixit Dauid, beati quo-
 » rū remissæ sunt iniquitates. Quid em̄ dicit, inquis.
 quod non secundū debitum, sed secundum gratiam
 accipit remissionē. sed ecce hic est qui beatur. quem
 utiq; minime bearet, nisi eundem magnam obtine-
 re gloriam intelligeret. nec ait, remissio igitur hæc in
 » circuncisionem. sed quid? Beatificatio hæc (quod
 » amplius quidem erat) in circuncisionem an in præ-
 » putium? Quæstionis est enim, bonum hoc & ma-
 gnum cum utro consistat, cum circuncisione, an cum
 præputio: ac uide hyperbolen. ostendit enim illud
 non solū præputiū auersari, sed libenter cum eo uer-
 » sari, uel ante circuncisionē. quādoquidē enim qui sic
 beat, & ipse circuncisus erat, Dauid, & circuncisos al-
 loquebatur, uide, ut studuerit Paulus, quod dictum
 est ad præputiatum appellere. Connectens enim iu-
 sticiæ beatificationē, ostendensq; utrunq; unū esse,
 quærit quo pacto iustificatus fuerit Abraham. Vi-
 deamus q̄ pacto iustificatus est præputiatus quum
 » esset, an circuncisus. præputiatus inquit. Dicimus
 » enim quod imputata fuit Abrahæ fides ad iusticiā.
 Superius

Superius scripturam quum citauisset, Quid enim (ait) scriptura dicit. Credidit aut Abraham deo, & imputatū est illi ad iusticiam. Hic & loquentium quoq; fidem assumit, ostenditq; in præputio iusticiam extitisse: deinde ab his obiectionē aliam exurgentem soluit. Si enim qui præputiatus erat, inquit, iustificatus est, qua tandē causa circūcisio introgressa est? Signum accepit, inquit, & signaculum iusticiæ fidei, quæ inerat illi in præputio. Vides, ut ostenderit Iudæos ueluti asseclarum comitumq; loco esse: uel ipsos præputiatos illis adiectos adiūctosq; fuisse? Si enim iustificatus quidē est tum, quum præputiatus esset, ac coronatus est, postea aut circuncisionem accepit, certe posteriores introgressi sunt Iudæi: Igitur præputiatorū primus est pater Abraham, eorum inq; qui illi per fidem fuerint consanguinei, & tunc qui in circuncisione. duplex enim est pater. Vides fidē splendescere? quousq; enim ea accederet, non iustificatus est patriarcha. Vides præputium impedimentū nullum afferre? etenim præputiatus erat, nec prohibitus est iustificari. fide igit posterior est circuncisio. & quid miraris si fide circuncisio posterior est, quando & præputio quoq; non solum aut fide posterior, sed & ipsa etiā longe inferior, ac tanto certe inferior, quanto signum re ipsa cuius est signū inferius est. Verbi gratia. quanto militis insigne milite ipso

ipso inferius est. dices, & quamobrem signaculo ege-
 bat. nō ipse egebat. quāobrem ergo illud accepit? Ut
 esset ipse pater cōmunis, & credentiū per præputiū;
 & eorū qui in circuncisione essent. Sed nō simplici-
 ter eorum qui in circuncisione, idcirco adiecit, **his**
 qui non solum genus ducerent à circuncisione. Si
 enim præputiatorū ille pater, non quod præputia-
 tus est, quantū in præputio iustificatus, sed q̄ ipsius
 fidem sunt æmulati, multo minus circūcisorum erit
 pater, propter ipsam circuncisionem, si ipsa fides ab-
 fuerit. Circūcisionē enim accepit, ut utriq̄, ait, ipsum
 habeamus patrem, nec qui circūcisi fuerint præpu-
 tiatos expellant. uides ut præputiati hi ipsum prio-
 res patrem habuerint? Quod si uenerandum quid-
 dam est circūcisio, quod iusticiā uidelicet prædicet,
 non paruam & præputiū præstantiā obtinet, ut
 quod iusticiā eam ante circūcisionē acceperit. tum
 ergo tibi licebit patrem illum habere, quum ingres-
 sus fueris uestigijs fidei, nec contenderis, nec tumultu-
 atus fueris, legem introducens. quānam, obsecro,
 fidem mihi narras? nempe eam quæ fuit in præpu-
 tio. Rursus iudaicam turgiditatē ac fastum cōpescit,
 iusticiæ tempus in memoriā reducens. & recte dixit
 Vestigijs, ut tu æque atq̄ ille in corporum mor-
 tuorū resurrectione credas. etem ille circa hoc ipsum
 fidem exhibuit. Quare si præputiū explodis, aperte
 discito

discito, ne ipsam quidem circūcisionē tibi prodesse. nisi enim fidei uestigijs institeris, ut sexcēties circūcīsus fueris, non eris Abrahæ filius. quādo & circūcisionem hoc nomine accepit, ut ne qui in præputio esset, te fastidiret ac reiiceret. Caue itaq; ab illo id exigas. factum enim eiusmodi tibi, nō illi auxilio fuit. At illud & iusticiæ signū ait. & hoc propter te. quando nūc ne hoc quidē est. tum enim tu corporeorum signorum egebas. nunc aut̃ his minime opus. dicet aliquis. nū à fide ipsa licebat animæ ipsius uirtutem perdiscere? licebat quidē, Verū & hoc insuper additamento indigebas. quādoquidē em̃ animæ uirtutē nequaquā es æmulatus, neq; uidere potuisti, data tibi est sensibilis circūcisio. ut posteaq; te hac in re corporali exercueris, sensim deducaris & ad animi contemplationem, ac studiosē ipsam cōplexus, tanq; dignitatē maximā, imitari ac reuereri patrem edoccaris. atq; hoc nō in circūcisione modo deus instituit, sed & in alijs item omnibus. nimirum in sacrificijs, in sabbatis, in festis. Nam quod causa ille tua circūcisionem acceperit, audi. quæ sequuntur. quū enim dixisset, quod signum accepit, & signaculum, causam apponit, dicens. Vt ipse esset pater circūcisionis. »

His qui & mentalē assumunt. nam si hanc solum habueris, nihil tibi amplius accedit. Signum enim & hoc est, quū ipsa res apud te extiterit, hoc est ipsa

Aa fides

fides. quandoquidem si hac carueris, ne ipsum quidem signū, signū esse potest. cuius enim signū erit? cuius signaculū? quum non sit qui obsignetur. haud aliter quā si nobis balteum ostenderis, signaculū habens, nulla re intus reposita. quapropter ridicula circumcisio fuerit, nisi fides intus adfuerit. nam si ea iusticię quidem signū est, iusticia autē carueris, fit, ut ne signū quidē habeas. hac em̄ de causa signū accepisti, ut rē exquirerēs cuius signū habes. quādoquidē si ipsā citra hoc exquisiturus esses, huius nō indigeres. non hoc autē prædicat solū circūcisio, iusticiā uidelicet, sed iusticiā, quę in præputio esset. Aliud igit̄ nihil circūcisio prædicat, nisi quod circūcisioe minime opus. Etenim si nō qui ad legē pertinent, hæredes sunt, inanis facta est fides, & irrita facta est promissio. Ostendit quod necessaria esset fides, quod circūcisione uetustior, quod lege fortior, quod legem commendet. nam si omnes peccauere, necessaria, si qui præputiatus esset, is iustificatus est, uetustior. si per legē agnitio peccati, absque autē lege manifestata est, fortior. si legis testimonio probatur, & legem firmat, non aduersaria, sed amica, & socia: ostēdit rursus & aliunde fieri nō posse ut per legem hæreditatem assequaris. quam fidem quum comparasset circūcisioni, uictoriamque reportasset, eandem rursus legi opponit, sic inquit. Si enim qui ad legem pertinet, hæredes sunt

sunt, inanis facta est fides. Vt ne quis enim diceret fieri posse, ut fidē habeas, legemq; serues, ostendit id esse impossibile. Nam qui ipsam legē amplectitur, tanq; quæ salutem afferat, is fidei uim improbat. ob quod ait, inanis facta est fides. hoc est, non opus est salute ea, quæ per gratiam fit. neq; enim ea potest suum ipsius robur declarare. etenim Iudæus fortasse dixerit. quid enim mihi fide opus? Igitur si hoc uerum, unā cum fide & promissio pessum igit. uide ut in omnibus, ab ipso patriarcha è supernis cum ipsis depugnet. nam quum ostendit illinc iusticiam unā cum fide hæreditariam factam, ostendit & promissionem similiter. ut ne enim diceret Iudæus. quid mihi curæ est, si per fidē iustificatus est Abraham? dicit Paulus. ne id quidem quod ad te maxime pertinet, nempe possessionis promissio, potest sine illa ad opus deduci: quod maxime illos territat. quamnam porro promissionem ait? ut mundi heres sit, & in eo omnes benedicantur. & quo tandem pacto irrita facta est hæc promissio? dixerit aliquis. Nam lex iram operatur. Cuius enim lex non est, huius nec transgressio. Quod si iram operatur, & transgressionem obnoxios facit, liquet plane quod & execrationi q; porro qui execrationi, supplicio ac transgressionem obnoxij sunt, ij ne digni quidem sint, qui hæreditatem cernant, imò & pœnas dare, & expelli merentur.

Aa 2 rentur

rentur. Quid igitur? Accedit fides gratiam illiciens, ut promissio ad opus deducatur. ubi enim gratia, ibi uenia, ubi uenia, ibi nullum supplicium. supplicio porro sublato, ac iusticia à fide accedente, nihil prohibet hæredes nos fieri promissionis eius, quæ à fide datur.

- » Idcirco igitur ex fide, ait, datur hæreditas, ut secun-
- » dum gratiâ firma sit promissio uniuerso semini, non
- » ei quod est ex lege tantum, uerum etiam ei quod est
- » ex fide Abraham, qui est pater omnium nostrum.

Vides quod non solum legem stabilit fides, sed & ipsam hanc dei promissionem perire non patitur. Lex autem è diuerso & fidem irritam facit, præter tempus obseruata, & promissionem impedit. propterea ostendit non solum non superuacaneam esse fidem, sed & sic necessariam, ut sine ea ne seruari quidem possis. Lex enim iram gignit, omnes enim eam transgressi sunt. hæc autem iram prorsus coalescere non patitur.

- » Cuius enim non est lex, ait, huius neque transgressio.

Vides ut non solum peccatum exortum deleat, sed ne ipsum quidem exoriri sinat. propterea ait,

- » Per gratiam. Quamobrem tandem? non quidem
- » ut pudeamus, Sed ut firma sit promissio uniuer-
- » so semini. Duo bona hic ponit. quod uidelicet &
- » firma ea sint, quæ dantur, & quod uniuerso semini ea
- » parata sint. eos qui à gentibus oriundi sunt cogens,
- » Iudæosque ostendens exclusos esse, si ad fidei auditum

nomen

nomen contentionem mouerint. Hoc enim firmitus
 illo neque enim te fides damno afficit, ne contentionem
 cieas, sed te à lege in periculum adductum, seruat. de
 inde posteaque dixit, uniuerso semini, diffinit, quali
 nam semini. Quod est ex fide, inquit, Connectens
 cognationem quæ ad gentes pertinet, ostendensque
 non posse eos ob ipsum Abraham sibi placere, qui
 non perinde crediderint, atque ille. ecce & aliud quid
 dam tertium fides operata est. nam cognationem eam,
 quæ ad iustum pertinet, accuratiorem fecit, tum autem
 plurimum liberorum patrem declarauit. Vnde non sim
 pliciter dixit Abraham, sed nostri credentium patris,
 deinde testimonio dictum obsignans. Sicut scri
 ptum est, inquit, patrem multarum gentium consti
 tui te. Vides hæc iam inde ab initio ordinata? Quid
 igitur, dixerit aliquis, si de Ismaelitis, aut Amalecitis,
 aut Agarenis hæc dicit? Hoc certe ulterius progres
 sus manifestius ostendit, non de illis prolatum fuisse.
 sed iterum ad aliud festinat, per quod & ipsum hoc
 declarat, propinquitatis huius modum definiens, ac
 magno cum consilio ipsum hoc adstruens. Quid enim
 ait? Ad exemplum dei cui credidit. Quod por
 ro ait, hoc est. Quemadmodum deus non est singula
 rium deus, sed omnium pater, sic & ipse. & rursus, sicut
 deus pater est non secundum naturalem cognationem,
 sed secundum fidei necessitudinem, ita & ipse, obedi

entia enim patrem facit, ac genitorem omnium nostrum: quandoquidem enim hanc cognationem nihil faciebant, crassioresque illam retinebant, ostendit hanc esse magis ratam, orationem ad deum deducens, ac unam cum his & illud demonstrans, quod uidelicet fidei retributionem hanc acceperit. quare nisi hoc ad fuerit, omniumque extiterit pater terram inhabitantium, uerbum id ad exemplum, locum non habet, sed mancum factum est dei donum: ad exemplum enim sonat, perinde. quorsum enim mirum fuerit, obsecro te, patrem illum esse suorum, & à se genitorum: hoc enim quiuis homo assequitur: quod enim nec opinatum est, illud quidem est: quod uidelicet, quos à natura non habuit, eos ut dei dono acciperet. Quare si credere uis, patriarcham fuisse honorem assecutum, credito & illum eundem omnium esse patrem. Vbi autem dixit, ad exemplum dei, cui credidit, non intra ea uerba constitit, sed & addidit. Qui uitam restituit mortuos ac uocat ea quæ non sunt tantumquam sint, Iam hinc ueluti iactis fundamentis, de resurrectione sermonem præparans, ut qui ei ad rem propositam accommodus esset. Si enim possibile illi mortuos uitam restituere, & ea quæ non sunt, tantumquam ea quæ sunt producere, possibile eidem & eos, qui ab ipso nati non fuerint, ipsius filios efficere. ob quod non dixit qui producit ea quæ non sunt, sed qui uocat

cat

cat, maiorem facilitatē ostendens. quemadmodum enim nobis facile est uocare ea, quæ sunt, ita ei facile, ac multo facilius, ea quæ non sint, in rerum naturam producere. porro quum dei donum magnū esse dixisset, & immēsum, deq; illius potestate differuisset, ostendit & Abrahæ fidem dono ipso dignam esse, ut ne putes eum temere honestatū fuisse excitatoq; auditore, ut ne Iudæus obturbet, aut animi pendeat, ac dicat, qui fieri potest, ut qui filij minime sunt, filij tamen fiant, traducit orationem ad patriarchā atq; ait, Qui præter spem sub spe credidit, se fore patrem multarum gentium, iuxta id quod dictum est, sic erit semen tuum. Quo pacto præter spem sub spe credidit? præter spem humanā, sub spe dei. ostendit enim & rei magnitudinem, nec finit tamē fidem dicto abrogari, quæ inter se pugnātia sunt, fide ipsa tēperāte. Quod si de illis loqueretur qui ab Ismaele ortum habuerunt, superuacanea hæc esset oratio. illi enim non secundum fidem, sed secundum naturam geniti sunt. Sed & Isaac in mediū adducit. non enim pro illis gentibus credidit, sed pro eo qui ab uxore sterili ædendus esset. si igitur merces est, patrē multarum gentium fieri, de illis gētibus intellige, pro quibus credidit uidelicet. nam ut scias de his illū loqui, audi quæ sequuntur. Ac nō infirmatus fide, haud considerauit suum ipsius corpus iam emortuum.

Vides

¶ Vides ut impedimenta ipsa ponat, & altum iusti
animum omnia transcendentē. prater spem, inquit,
quod promissum erat. primū hoc impedimentum.
neq; enim ipse alterum Abraham habuit, quem ui
deret sic suscepisse filiū. nam qui ab illo extitere, ad
illum respexere: ille autē ad nullū, sed ad deū solum.
quapropter prater spem dixit. deinde corpus emor
tuum. hoc secundum. & mortificatio uulua Sarræ.
¶ hoc & tertium & quartum. Verum ad promissio
nem dei nō hæsitaui ob incredulitatē. Neq; enim
demonstrationem dedit, neq; signum fecit deus, sed
uerba erant nuda solum, promittentia ea, quæ natu
ra non pollicebatur. sed tamen nō hæsitaui, inquit.
non dixit illum non incredulum fuisse, sed non hæs
itaui, hoc est ne animo quidem suspenso, ancipi
ti, ac dubio fuisse. porro aut quod tot ei impedi
ta existerēt, inde edocemur, ut innumera etiam, quæ
impossibilia quidem uideantur, promittat deus, nec
ea admittat qui audierit, eam imbecillitatem non ab
ipsarū rerum nasci ingenio, sed ab eius stulticia, qui
nō admittit. Sed robustus factus est fide. Vide
Pauli philosophiam. nam quādo quidem agebatur
tum de ijs, qui opera præstant, tū de ijs qui credunt,
fidemq; exhibent suā, ostendit eum qui credit, ma
ius opus illo præstare: tum aut maiori fortitudine,
maiori robore indigere, nec contemptibilē ac uulga
rem

rem laborem sustinere etenim eleuabant Iudæi, attenuabantq; fidem, tanq; quæ laborem non haberet. Igitur aduersus id sese obfirmās, ostendit non eum solum, qui temperantiā, aut aliud id genus meritum præstat, sed & eum quoq; qui fidem credulitatemq; affert, magna admodum uirtute ac potentia indigere. Quemadmodū enim roboris ille eget ad propellendos à se adorientis intemperantiæ insultus, ita & huic quoq; ualido ac potēti animo opus est, ad defendēdas, explodēdasq; incredulitatis cogitationes. Qui igit̃ fortis extitit? Fidei, inquit, nō cogitationib; rē ipsam cōmisit. alioqui futurū erat, ut laberetur, animūq; desponderet. qui porro fidē ipsam præstitit? Tribuēs gloriā deo, inquit, certa persuasiōe cōcepta q; is qui p̃miserat, idē potēs esset & præstare. Igitur ipsum hoc, nō curiose indagare scilicet, est deum glorificare, sicuti curiose indagare, est peccare. Quod si quoties inferiora hæc curiose nimis p̃scrutamur inquirimusq; deū minime gloriificamus, multo magis quoties dñi ortum superuacanea curiositate inquirimus, tanq; qui iniuriā inferamus, extrema patiemur. si em̃ resurrectiōis typū exquirere minime oportet, multo minus arcana illa, & horroris ac reuerentiæ plena. nec dixit credēs simpliciter, sed certa persuasiōe cōcepta. nam tale quiddā fides est, nimirū apertior, manifestiorq; demonstratione ea, quam perpēden

tis animi ratiocinatio parit, atq; adeo maiorē in sua-
dendo uim obtinet. neq; enim fluctuat, si qua forte
alia cogitatio in eam introgressa fuerit. etenim qui
perpēdētis hinc inde animi ratiocinationibus paret,
is certe & sententiam mutare possit. at qui fide se ob-
firmat, auditionem suam cogitationibus ijs quæ no-
cere possunt, ueluti uallo, munitam occludit. Quum
igitur dixisset, quod à fide iustificatus esset, declarat
quod & deū à fide glorificauerit, quod ipsum uitæ
maxime proprium est. Luceat enim lumen uestrum
coram hominibus, ut uideant bona opera uestra, &
glorificent patrem uestrū qui in cœlis est. ecce hoc fi-
dei esse apparuit. Rursus aut ut ipsa opera indigent
roboris, ita & fides. In ipsis quidē operibus præstan-
dis usu sæpe uenit, ut sudorē corpus partiat: at in
ipsa fide, animæ simplicis, ac nudæ meritum existit.
quamobrem maior est labor, quum ea uidelicet cer-
taminum socium, participemq; non habeat. Vides
ut omnia, quæ operis erant, ostēdit maiori cum exu-
berantia ipsi fidei inesse. Verbi gratia, gloriari erga
deum, fortitudinis ac laboris egere, deum rursus glo-
rificare. per hæc porrò uerba, Qui pmiserat idem
potens esset, & facere, Videtur mihi & de futuris
prædicere. neq; enim præsentia solum promisit, sed
& futura. Hæc enim illorum typus erant. Est igitur
incredulitas mentis infirmæ, pusillæ, ac miseræ. Quā
obrem

obrem quoties nobis nonnulli ipsam credulitatem uitio uertent, illis contra uitio uertamus incredulitatem, ut miseris, pusillanimibus, insipientibus, infirmis, & asinis ipsis nihilo melius habentibus. Quēadmodum enim credulitas ipsa, animi est magni, ac sublimis, ita ipsa incredulitas animi est exilis, ratione maxime carētis, & ad pēdum amentia depresso. Itaq; illis omiſſis ipsum patriarcham emulemur, ac deum glorificemus, quemadmodum & ille gloriam illi dedit. Quid porro illud est, gloriam illi dedit? illius iusticiam, illius immensam potentia considerauit, tum autem conuenientem de eo cogitationem sibi sumpsit, atq; ita demū plenam ac certam p̄missorum persuasionem induit.

Morale.

Igitur & nos quoq; illum glorificemus, tum per ipsam fidem, tum per ipsa opera, ut mercedem hanc accipiamus, ab illo scilicet ut glorificemur. eos enim qui me glorificant, ait, glorificabo. quanq̃ si nulla etiā proposita esset merces, uel hoc ipsum gloria fuerit, nēpe quod digni habiti fuerimus, qui deū ipsum glorificemus. Nam si qui regū laudes decantāt, celebrātq; ij ob hoc ipsum tantūmodo magnopere sibi placent, ut nullus inde alius fructus existat: cōsidera quantæ demum glorię fuerit, si dominus noster per nos glorificetur? quemadmodū & quanti supplicij, si autores ipsi fuerimus, ut per nos ille blasphemetur?

B b 2 tur

tur, ac male audiat. Quātum enim esse putas deum
inter & homines discrimen: an quātum inter homi-
nes & lumbricos: sed nullum prorsus dixi discrimen
uel tātō à me posito. neq; enim ipsum quantum sit
uerbis exprimere queas. Igitur nū uelles ipse à lum-
bricis gloriam capere magnam ac splendidam: ne-
quaq; ergo si tute gloriæ sitiens, hoc nolles, qui ab
hoc affectu liber est, atque eousq; sublimior, is quo
tandem pacto gloriæ à te manantis indiguerit: Sed
tamen uel minime egens quum sit, ait se illam cupe-
re propter te. si em̃ sustinuit, ut propter te seruus fie-
ret, quid demiraris, si hac eadē de causa, & alia q̃q;
suscipit, amplectiturq;. nihil enim se esse indignum
existimat, quod quidem salutē nostræ conferat. Hęc
ipsa igitur quū ita se habere nouerimus, peccatum
id omne effugiamus, p̃ quod deus ipse blasphemia
afficiatur. ait enim scriptura, tanq; ab aspectu serpen-
tis, fuge à peccato. nam si ad illud accesseris, excipiet
te. nō enim illud ad nos accedit, uerū ipsi ad illud
transfugimus. Siquidem & huic quoq; rei deus ita
prouidit, ut ne uidelicet diabolus sua tyrannide supe-
rior nobis esset. alioqui em̃, nullus inueniretur con-
tra illius robur stare ualēs. propterea habitare illum
uoluit, tanq; prædonem quempiam, ac tyrannū. qui
nisi quem apprehenderit inermem ac solitarium in
suas speluncas descendentem, accedere sanē non su-
stinet

stinet. nisi nos per desertum iter facientes uiderit, appropinquare non audet. desertus autem diaboli locus aliud nihil est, quam ipsum peccatum. opus est ergo nobis fidei scuto, salutis galea, spiritus gladio, non, ut ne malum aliquod patiamur tantum, sed ut illius caput, irruere uolentis, obtruncemus. opus est item & assiduus precibus ut ille sub pedibus nostris conteratur. impudens est enim & impurus, & quidem ab inferiori loco depugnans: sed tamen uel sic uictor euadit. cuius rei causa ea est, quod studium ipsi nullum adhibemus, quo ipsi illius plagis altiores nos colloquamus. neque enim ille potis est sese admodum sursum attollere, sed deorsum trahitur, serpentis formam gerens. quod si initio sic ordinauit illum deus, multo magis & nunc. qui si ignoras quid tandem sit ab inferiori loco depugnare, tibi hic ego enitar pugne huius modum declarare. Quid igitur est ab inferiori loco depugnare? nempe a rebus quae infra nos sunt, digladiari, a uoluptate, a diuitiis, denique a secularibus quibusuis reb. quapropter si quem ille uiderit uolatu ad coelum ferri, primum saltu eousque contingere haudquaquam potest. deinde id aggressus celeriter labetur. neque enim pedes habet, ne formides, non alas, ne terreat. super terram trahitur, ijs quae in terra sunt adhærescens. Igitur nihil quicquam sit tibi cum terra commune, ac labore nullo egebis. neque enim pugnam

Bb 3 nouit

nouit, quæ aduerso utrinque cornu geritur. sed ueluti
serpens spinis occultatur, intra diuitiarum impostu-
ram assidue latitans. qui si spinas incideris, facile au-
fugiet, timidus redditus, si & in illum diuinas incan-
tationes canere noueris, statim uulnerabitur. sunt e-
nim nobis, sunt incantationes spirituales. Ipsum no-
mē domini nostri Iesu Christi, atque ipsius crucis po-
tentia. hæc ipsa incantatio non solum draconē à spe-
læis abigit, atque in ignem cōijcit, sed & uulneribus
quoque medetur. quod si multi extitere, qui dictis illis
precaminibus sanati minime fuerint, accusent illi mo-
dicā suā fidē, nō dicti infirmitatē. quādo & ipsum Ie-
sum multi quidē pellebāt, ac premebāt, ac nihil tamē
inde lucri reportabant. At quæ sanguinis profluuiū
laborabat mulier, ne tacto quidē corpore, sed ipso
tantum uestis limbo, diuturnos sanguinis fontes sti-
tit. hoc nomen & dæmonibus terribile, & perturba-
tionibus, & ægreditudinibus. hoc igitur ornemur ipsi,
hoc tanquā muro nos muniamus. sic & Paulus factus
est magnus, quanquā & ille eadem nobiscum natura
constās. sed illum ipsum fides sibi immutatū, alium
pro alio effecerat. quin & cæterorum apostolorum
tanta erat fidei abundātia, ut uel eorum uestes ma-
gna pollerēt potestate. quo igitur pacto nos ipsi ex-
cusabimus? si illorū quidem & umbræ & uestes mor-
tem exegere, quum ne nostræ quidem preces ipsos
affectus

affectus compescat. quid tandem causæ est: nempe
 ingens animi discrepantia. nam quod ad naturam
 spectat, ea æqualis quidem est, & cōmunis. Ille enim
 perinde atq; nos natus est, & educatus, tum autē ter-
 ram habitauit, & aerē respirauit: at cætera nobis lon-
 ge maior ac melior, zelum, fidem, charitatem. Ipsum
 igitur imitemur, præstantes ut per nos Christus lo-
 quatur. hoc ille cupidius auet, q̃ ipsi nos, atq; ob id
 organum hoc apparauit. quod quidem nō uult ille
 infructuosum atq; iners manere, sed assidue id in
 manibus habere. quin igitur illud artificis manui ac-
 commodum apparas: non etiam demittis cordas,
 ijsq; mollioribus per delicias effectis, citharā totam
 illi inutilem reddis: quum eam oporteat constringe-
 re, & intendere cantus, & sale spirituali constipare:
 nam si eam hac ratione apratā uiderit, per nostram
 etiam animā resonabit Christus. quod certe quum
 à nobis factum fuerit, & angelos uidebis exultātes,
 & archangelos, & Cherubim. Digni igitur inculpa-
 tis illis manibus efficiamur, ipsum exhortemur, & in
 nostrum quoq; cor pulset. imò uero ne exhortatio-
 ne quidem ille eget. duntaxat eo attactu cor idem
 dignū cōparato. Sic fiet, ut ille ad te prior accurrat.
 Nam si imparatis ultro etiā accurrit (Paulo enim ta-
 li nondum effecto encomij telam orditur) is quum
 te paratum uiderit, quid tandem factururus non est:

quod

fides. quandoquidem si hac carueris, ne ipsum quidem signū, signū esse potest. cuius enim signū erit? cuius signaculū? quum non sit qui obsignetur. haud aliter quā si nobis balteum ostenderis, signaculū habens, nulla re intus reposita. quapropter ridicula circuncisio fuerit, nisi fides intus adfuerit. nam si ea iusticię quidem signū est, iusticia aut carueris, fit, ut ne signū quidē habeas. hac enim de causa signū accepisti, ut rē exquireret cuius signū habes. quādoquidē si ipsa citra hoc exquisiturus esses, huius nō indigeres. non hoc aut prędicat solū circūcisio, iusticiā uidelicet, sed iusticiā, quę in pręputio esset. Aliud igitur nihil circūcisio prędicat, nisi quod circūcisioe minime opus. Et enim si nō qui ad legē pertinent, hæredes sunt, inanis facta est fides, & irrita facta est promissio. Ostendit quod necessaria esset fides, quod circūcisione uetustior, quod lege fortior, quod legem commendet. nam si omnes peccauere, necessaria, si qui pręputiatus esset, is iustificatus est, uetustior. si per legē agnitio peccati, absque aut lege manifestata est, fortior. si legis testimonio probatur, & legem firmat, non aduersaria, sed amica, & socia: ostēdit rursus & aliunde fieri nō posse ut per legem hæreditatem assequaris. quam fidem quum comparasset circūcisioni, uictoriamque reportasset, eandem rursus legi opponit, sic inquit. Si enim qui ad legem pertinet, hæredes sunt

sunt, inanis facta est fides. Vt ne quis enim diceret fieri posse, ut fidē habeas, legemq; serues, ostendit id esse impossibile. Nam qui ipsam legē amplectitur, tanq; quæ salutem afferat, is fidei uim improbat. ob quod ait, inanis facta est fides. hoc est, non opus est salute ea, quæ per gratiam fit. neq; enim ea potest suum ipsius robur declarare. etenim Iudæus fortasse dixerit. quid enim mihi fide opus? Igitur si hoc uerum, unā cum fide & promissio pessum igit. uide ut in omnibus, ab ipso patriarcha è supernis cum ipsis depugnet. nam quum ostendit illinc iusticiam unā cum fide hæreditariam factam, ostendit & promissionem similiter. ut ne enim diceret Iudæus. quid mihi curæ est, si per fidē iustificatus est Abraham? dicit Paulus. ne id quidem quod ad te maxime pertinet, nempe possessionis promissio, potest sine illa ad opus deduci: quod maxime illos territat. quamnam porro promissionem ait? ut mundi heres sit, & in eo omnes benedicantur. & quo tandem pacto irrita facta est hæc promissio? dixerit aliquis. Nam lex iram operatur. Cuius enim lex non est, huius nec transgressio. Quod si iram operatur, & transgressionē obnoxios facit, liquet plane quod & execrationi q; porro qui execrationi, supplicio ac transgressionē obnoxij sunt, ij ne digni quidem sint, qui hæreditatem cernant, imò & pœnas dare, & expelli merentur.

rentur. Quid igitur? Accedit fides gratiam illiciens,
ut promissio ad opus deducatur. ubi enim gratia, ibi
uenia, ubi uenia, ibi nullum supplicium. supplicio por-
rò sublato, ac iusticia à fide accedente, nihil prohibet
hæredes nos fieri promissionis eius, quæ à fide datur.

- » Iccirco igitur ex fide, ait, datur hæreditas, ut secun-
- » dum gratiâ firma sit promissio uniuerso semini, non
- » ei quod est ex lege tantum, uerumetiam ei quod est
- » ex fide Abraham, qui est pater omnium nostrum.

Vides quod non solum legem stabilit fides, sed &
ipsam hanc dei promissionem perire non patitur. Lex
autem est diuerso & fidem irritam facit, præter tem-
pus obseruata, & promissionem impedit. propterea
ostendit non solum non superuacaneam esse fidem, sed
& sic necessariam, ut sine ea ne seruari quidem possis.
Lex enim iram gignit, omnes enim eam transgressi
sunt. hæc autem iram prorsus coalescere non patitur.

- » Cuius enim non est lex, ait, huius neque transgressio.

Vides ut non solum peccatum exortum delectat,
sed ne ipsum quidem exoriri sinat. propterea ait,

- » Per gratiam. Quamobrem tandem? non quidem
- » ut pudeamus, Sed ut firma sit promissio uniuer-
- » so semini. Duo bona hic ponit. quod uidelicet &
- » firma ea sint, quæ dantur, & quod uniuerso semini ea
- » parata sint. eos qui à gentibus oriundi sunt cogens,
- » Iudæosque ostendens exclusos esse, si ad fidei auditum

nomen

nomen contentionem mouerint. Hoc enim firmitus
 illo neq; cū te fides damno afficit, ne cōtentionem
 cieas, sed te à lege in periculum adductū, seruat. de
 inde posteaq; dixit, uniuerso semini, diffinit, quali
 nā semini. Quod est ex fide, inquit, Connectens
 cognationem quæ ad gentes pertinet, ostendensq;
 non posse eos ob ipsum Abraham sibi placere, qui
 non perinde crediderint, atq; ille. ecce & aliud quid
 dam tertiu fides operata est. nam cognationē eam,
 quæ ad iustum pertinet, accuratiorem fecit, tum aut
 plurium liberorū patrem declarauit. Vnde non sim
 pliciter dixit Abraham, sed nostri credentiū patris,
 deinde testimonio dictum obsignans. Sicut scri
 ptum est, inquit, patrem multarum gentium consti
 tui te. Vides hæc iā inde ab initio ordinata? Quid
 igitur, dixerit aliquis, si de Ismaelitis, aut Amalecitis,
 aut Agarenis hæc dicit? Hoc certe ulterius progres
 sus manifestius ostendit, nō de illis prolatum fuisse.
 sed iterum ad aliud festinat, per quod & ipsum hoc
 declarat, propinquitatis huius modum definiens, ac
 magno cū consilio ipsum hoc adstruēs. Quid enim
 ait? Ad exemplum dei cui credidit. Quod por
 rò ait, hoc est. Quemadmodū deus non est singula
 rium deus, sed omniū pater, sic & ipse. & rursus, sicu
 ti deus pater est nō secundū naturalē cognationem,
 sed secundum fidei necessitudinem, ita & ipse. obedi

entia enim patrem facit, ac genitorem omnium nostrum. quandoquidem enim hanc cognationem nihili faciebant, crassioresq; illā retinebant, ostendit hanc esse magis ratam, orationē ad deum deducēs, ac unā cum his & illud demonstrās, quod uidelicet fidei retributionem hāc acceperit. quare nisi hoc ad fuerit, omniumq; extiterit pater terram inhabitantium, uerbum id ad exemplum, locum non habet, sed mancum factum est dei donum. ad exemplum enim sonat, perinde. quorsum enim mirū fuerit, obsecro te, patrem illum esse suorum, & à se genitorum. hoc enim quiuis homo assequitur. quod enim nec opinatum est, illud quidem est. quod uidelicet, quos à natura nō habuit, eos ut dei dono acciperet. Quare si credere uis, patriarcham fuisse honorem assecutum, credito & illum eundem omniū esse patrem. Vbi autem dixit, ad exemplū dei, cui credidit, non intra ea uerba constitit, sed & addidit. Qui uitæ restituit mortuos ac uocat ea quæ non sunt tanquam sint, Iam hinc ueluti iactis fundamentis, de resurrectione sermonem preparās, ut qui ei ad rem propositam accommodus esset. Si enim possibile illi mortuos uitæ restituere, & ea quæ nō sunt, tanq; ea quæ sunt producere, possibile eidem & eos, qui ab ipso nati non fuerint, ipsius filios efficere. ob quod non dixit qui producit ea quæ non sunt, sed qui uocat

cat, maiorem facilitatē ostendens. quemadmodum enim nobis facile est uocare ea, quæ sunt, ita ei facile, ac multo facilius, ea quæ non sint, in rerum naturam producere. porro quum dei donum magnū esse dixisset, & immēsum, de cō illius potestate differuisset, ostendit & Abrahæ fidem dono ipso dignam esse, ut ne putes eum temere honestatū fuisse excitato cō auditore, ut ne Iudæus obturbet, aut animi pendeat, ac dicat, qui fieri potest, ut qui filij minime sunt, filij tamen fiant, traducit orationem ad patriarchā atq; ait, Qui præter spem sub spe credidit, se fore patrem multarum gentium, iuxta id quod dictum est, sic erit semen tuum. Quo pacto præter spem sub spe credidit: præter spem humanā, sub spe dei. ostendit enim & rei magnitudinem, nec finit tamē fidem dicto abrogari, quæ inter se pugnātia sunt, fide ipsa tēperāte. Quod si de illis loqueretur qui ab Ismaele ortum habuerunt, superuacanea hæc esset oratio. illi enim non secundum fidem, sed secundum naturam geniti sunt. Sed & Isaac in mediū adducit. non enim pro illis gentibus credidit, sed pro eo qui ab uxore sterili ædendus esset. si igitur merces est, patrē multarum gentium fieri, de illis gētib; intellige, pro quibus credidit uidelicet. nam ut scias de his illū loqui, audi quæ sequuntur. Ac nō infirmatus fide, haud considerauit suum ipsius corpus iam emortuum.

Vides

Vides ut impedimenta ipsa ponat, & altum iusti
animum omnia transcendentē. præter spem, inquit,
quod promissum erat. primū hoc impedimentum.
neq; enim ipse alterum Abraham habuit, quem ui-
deret sic suscepisse filiū. nam qui ab illo extitere, ad
illum respexere: ille autē ad nullū, sed ad deū solum.
quapropter præter spem dixit. deinde corpus emor-
tuum. hoc secundum. & mortificatio uulvæ Sarrae.
hoc & tertium & quartum. Verum ad promissio-
nem dei nō hæsitavit ob incredulitatē. Neq; enim
demonstrationem dedit, neq; signum fecit deus, sed
uerba erant nuda solum, promittentia ea, quæ natu-
ra non pollicebatur. sed tamen nō hæsitavit, inquit.
non dixit illum non incredulum fuisse, sed non hæ-
sitauisse, hoc est ne animo quidem suspensio, ancipi-
ti, ac dubio fuisse. porro aut quod tot ei impedimen-
ta existerēt, inde edocemur, ut innumera etiam, quæ
impossibilia quidem uideantur, promittat deus, nec
ea admittat qui audierit, eam imbecillitatem non ab
ipsarū rerum nasci ingenio, sed ab eius stulticia, qui
nō admittit. Sed robustus factus est fide. Vide
Pauli philosophiam. nam quādo quidem agebatur
tum de ijs, qui opera præstant, tū de ijs qui credunt,
fidemq; exhibent suā, ostendit eum qui credit, ma-
ius opus illo præstare: tum aut maiori fortitudine,
maiori robore indigere, nec contemptibilē ac uulga-
rem

rem laborem sustinere etenim eleuabant Iudæi, atte-
 nuabantq; fidem, tanq; quæ laborem non haberet.
 Igitur aduersus id sese obfirmās, ostendit non cum
 solum, qui temperantiā, aut aliud id genus meritum
 præstat, sed & eum quoq; qui fidem credulitatemq;
 affert, magna admodum uirtute ac potentia indige-
 re. Quemadmodū enim roboris ille eget ad propet-
 lendos à se adorientis intemperantiæ insultus, ita &
 huic quoq; ualido ac potēti animo opus est, ad de-
 fendēdas, explodēdasq; incredulitatis cogitationes.
 Qui igit̃ fortis extitit? Fidei, inquit, nō cogitationib;
 rē ipsam cōmisit. alioqui futurū erat, ut laboretur, ani-
 mūq; desponderet. qui porrō fidē ipsam præstitit?
 Tribuēs gloriā deo, inquit, certa persuasiōe cōcepta
 q; is qui p̃miserat, idē potēs esset & præstare. Igi-
 tur ipsum hoc, nō curiose indagare scilicet, est deum
 glorificare, sicuti curiose indagare, est peccare. Quod
 si quoties inferiora hæc curiose nimis p̃scrutamur in-
 quirimusq;, deū minime glorificamus, multo magis
 quoties dñi ortum superuacanea curiositate inquiri-
 mus, tanq; qui iniuriā inferamus, extrema patiemur.
 si em̃ resurrectiōis typū exquirere minime oportet,
 multo minus arcana illa, & horroris ac reuerētiæ ple-
 na. nec dixit credēs simpliciter, sed certa persuasiōe
 cōcepta. nam tale quiddā fides est, nimirū apertior,
 manifestiorq; demonstratione ea, quam perpēden-

tis animi ratiocinatio parit, atq; adeo maiore in suadendo uim obtinet. neq; enim fluctuat, si qua forte alia cogitatio in eam introgressa fuerit. etenim qui perpēdētis hinc inde animi ratiocinationibus paret, is certe & sententiam mutare possit. at qui fide se obfirmat, auditionem suam cogitationibus ijs quæ nocere possunt, ueluti uallo, munitam occludit. Quum igitur dixisset, quod à fide iustificatus esset, declarat quod & deū à fide glorificauerit, quod ipsum uitæ maxime proprium est. Luceat enim lumen uestrum coram hominibus, ut uideant bona opera uestra, & glorificent patrem uestrū qui in cœlis est. ecce hoc si dei esse apparuit. Rursus aut ut ipsa opera indigent roboris, ita & fides. In ipsis quidē operibus præstandis usu sæpe uenit, ut sudorē corpus partiatur: at in ipsa fide, animæ simplicis, ac nudæ meritum existit. quamobrem maior est labor, quum ea uidelicet certaminum socium, participemq; non habeat. Vides ut omnia, quæ operis erant, ostēdit maiori cum exuberantia ipsi fidei inesse, Verbi gratia, gloriari erga deum, fortitudinis ac laboris egere, deum rursus glorificare. per hæc porrò uerba, Qui p̄miserat idem potens esset, & facere, Videtur mihi & de futuris prædicere. neq; enim præsentia solum promisit, sed & futura. Hæc enim illorum typus erant. Est igitur incredulitas mentis infirmæ, pusillæ, ac miseræ. Quā obrem

obrem quoties nobis nonnulli ipsam credulitatem uitio uertent, illis contra uitio uertamus incredulitatem, ut miseris, pusillanimibus, insipientibus, infirmis, & asinis ipsis nihilo melius habentibus. Quēadmodum enim credulitas ipsa, animi est magni, ac sublimis, ita ipsa incredulitas animi est exilis, ratione maxime carētis, & ad pecudum amentiam depressi. Itaque illis omissis ipsum patriarcham emulemur, ac deum glorificemus, quemadmodum & ille gloriam illi dedit. Quid porro illud est, gloriam illi dedit? illius iusticiam, illius immensam potentiam considerauit, tum autem conuenientem de eo cogitationem sibi sumpsit, atque ita demum plenam ac certam promissorum persuasionem induit.

Morale.

Igitur & nos quoque illum glorificemus, tum per ipsam fidem, tum per ipsa opera, ut mercedem hanc accipiamus, ab illo scilicet ut glorificemur. eos enim qui me glorificant, ait, glorificabo. quantum si nulla etiam proposita esset merces, uel hoc ipsum gloria fuerit, nepe quod digni habiti fuerimus, qui deum ipsum glorificemus. Nam si qui regum laudes decantant, celebrantque, non ob hoc ipsum tantummodo magnopere sibi placent, ut nullus inde alius fructus existat: considera quantae demum glorie fuerit, si dominus noster per nos glorificetur? quemadmodum & quanti supplicis, si autores ipsi fuerimus, ut per nos ille blasphemetur?

Bb 2 tur

tur, ac male audiat. Quātum enim esse putas deum inter & homines, discrimen? an quātum inter homines & lumbricos? sed nullum prorsus dixi discrimen uel tāto à me posito. neq; enim ipsum quantum sit uerbis exprimere queas. Igitur nū uelles ipse à lumbricis gloriam capere magnam ac splendidam? nequaquā. ergo si tute gloriæ sitiens, hoc nolles, qui ab hoc affectu liber est, atque eousq; sublimior, is quo tandem pacto gloriæ à te manantis indiguerit? Sed tamen uel minime egens quum sit, ait se illam cupere propter te. si em̃ sustinuit, ut propter te seruus fieret, quid demiraris, si hac eadē de causa, & alia q̃q; suscipit, amplectiturq;. nihil enim se esse indignum existimat, quod quidem salutē nostrā conferat. Hęc ipsa igitur quū ita se habere nouerimus, peccatum id omne effugiamus, p̃ quod deus ipse blasphemia afficiatur. ait enim scriptura, tanq̃ ab aspectu serpentis, fuge à peccato. nam si ad illud accesseris, excipiet te. nō enim illud ad nos accedit, uerum ipsi ad illud transfugimus. Siquidem & huic quoq; rei deus ita prouidit, ut ne uidelicet diabolus sua tyrannide superior nobis esset. alioqui em̃, nullus inueniretur contra illius robur stare ualēs. propterea habitare illum uoluit, tanq̃ prædonem quempiam, ac tyrannū. qui nisi quem apprehenderit inermem ac solitarium in suas speluncas descendentem, accedere sanē non sustinet

stinet. nisi nos per desertum iter facientes uiderit, appropinquare non audet. desertus autem diaboli locus aliud nihil est, quam ipsum peccatum. opus est ergo nobis fidei scuto, salutis galea, spiritus gladio, non, ut ne malum aliquod patiamur tantum, sed ut illius caput, irruere uolentis, obtruncemus. opus est item & assiduus precibus ut ille sub pedibus nostris conteratur. impudens est enim & impurus, & quidem ab inferiori loco depugnans. sed tamen uel sic uictor euadit. cuius rei causa ea est, quod studium ipsi nullum adhibemus, quo ipsi illius plagis altiores nos colloceamus. neque enim ille potis est sese admodum sursum attollere, sed deorsum trahitur, serpentis formam gerens. quod si initio sic ordinauit illum deus, multo magis & nunc. qui si ignoras quid tandem sit ab inferiori loco depugnare, tibi hic ego enitar pugne huius modum declarare. Quid igitur est ab inferiori loco depugnare? nempe a rebus quae infra nos sunt, digladiari, a uoluptate, a diuitiis, denique a secularibus quibusuis reb. quapropter si quem ille uiderit uolatu ad coelum ferri, primum saltu eousque contingere haudquaquam potest. deinde id aggressus celeriter labetur. neque enim pedes habet, ne formides, non alas, ne terreat. super terram trahitur, ijs quae in terra sunt adharefcens. Igitur nihil quicquam sit tibi cum terra commune, ac labore nullo egebis. neque enim pugnam cam

nouit, quæ aduerso utrinq; cornu geritur. sed ueluti
serpens spinis occultatur, intra diuitiarum impostu-
ram assidue latitans. qui si spinas incideris, facile au-
fugiet, timidus redditus, si & in illum diuinas incan-
tationes canere noueris, statim uulnerabitur. sunt e-
nim nobis, sunt incantationes spirituales. Ipsum no-
mē domini nostri Iesu Christi, atq; ipsius crucis po-
tentia. hæc ipsa incantatio non solum draconē à spe-
læis abigit, atque in ignem cōijcit, sed & uulneribus
quoq; medet̃. quod si multi extitere, qui dictis illis
precaminibus sanati minime fuerint, accusent illi mo-
dicā suā fidē; nō dicti infirmitatē. quādo & ipsum Ie-
sum multi qdē pellebāt, ac premebāt, ac nihil tamē
inde lucri reportabant. At quæ sanguinis profluui-
o laborabat mulier, ne tacto quidē corpore, sed ipso
tantum uestis limbo, diuturnos sanguinis fontes sti-
tit. hoc nomen & dæmonibus terribile, & perturba-
tionibus, & ægreditudinibus. hoc igitur ornemur ipsi,
hoc tanq̃ muro nos muniamus. sic & Paulus factus
est magnus, quanq̃ & ille eadem nobiscum natura
constās. sed illum ipsum fides sibi immutatū, alium
pro alio effecerat. quin & cæterorum apostolorum
tanta erat fidei abundātia, ut uel eorum uestes ma-
gna pollerēt potestate: quo igitur pacto nos ipsi ex-
cusabimus? si illorū quidem & umbræ & uestes mor-
tem exegere, quum ne nostræ quidem preces ipsos
affectus

affectus compescat: quid tandem causæ est: nempe
 ingens animi discrepantia. nam quod ad naturam
 spectat, ea æqualis quidem est, & cõmunis. Ille enim
 perinde atq; nos natus est, & educatus, tum aut ter-
 ram habitauit, & aerẽ respirauit: at cætera nobis lon-
 ge maior ac melior, zelum, fidem, charitatem. Ipsum
 igitur imitemur, præstantes ut per nos Christus lo-
 quatur. hoc ille cupidius auet, q̃ ipsi nos, atq; ob id
 organum hoc apparauit: quod quidem nõ uult ille
 infructuosum atq; iners manere, sed assidue id in
 manibus habere. quin igitur illud artificis manui ac-
 commodum apparas: non etiam demittis cordas,
 ijsq; mollioribus per delicias effectis, citharã totam
 illi inutilem reddis: quum eam oporteat constringe-
 re, & intendere cantus, & sale spirituali constipare.
 nam si eam hac ratione aptatã uiderit, per nostram
 etiam animã resonabit Christus. quod certe quum
 à nobis factum fuerit, & angelos uidebis exultãtes,
 & archangelos, & Cherubim. Digni igitur inculpa-
 tis illis manibus efficiamur, ipsum exhortemur, & in
 nostrum quoq; cor pulset. imò uero ne exhortatio-
 ne quidem ille eget. duntaxat eo attactu cor idẽ
 dignũ cõparato. Sic fiet, ut ille ad te prior accurrat.
 Nam si imparatis ultro etiã accurrat (Paulo enim ta-
 li nondum effecto encomij telam orditur) is quum
 te paratum uiderit, quid tandem facturus non est:
 quod

quod si Christus resonauerit, tum certe & spiritus
omnino praesto aderit, erimusq; caelo meliores, non
solem habentes ac lunam corpori impressam, sed so-
lis & lunae & angelorum dominum inhabitantem,
& inambulantem in nobis. Haec autem dico non quo
mortuos suscitemus, neq; quo lepras expurgemus,
sed ut horum omnium signum charitatem exhibea-
mus. Vbicunq; enim bonum id affuerit, statim filius
praesto est, una cum patre, inibi etiam & spiritus gra-
tia frequentat. Vbicunq; enim fuerint (ait) duo uel tres
coegregati in nomine meo, ibi sum in medio ipsorum.
qd ipsum magni est affectus, pertinetq; ad eos qui
ualde amant, amatos scilicet utrinq; habere. Dices, ec-
quis autem ita miser est, ut nolit Christum ipsum medium
habere? Certe ipsi nos illi sumus, qui mutuis inter
nos seditionibus conflictamur. ac fortasse me ride-
bit quispiam, ac dicet. Quid ais: uides omnes nos in-
tra eisdem parietes esse, intra unum idemq; ecclesiae
claustrum, sub eandem mandram unanimiter coa-
ctos, neminem depugnantem, sub uno eodemq; pasto-
re communiter acclamantes, communiter quae dicta fue-
rint exaudientes, communiter preces fundentes, & tu
hic tamen pugnae ac seditionis mentionem inferis. pu-
gnae quidem mentionem infero, neq; insanio aut men-
te alienata sum. Video enim, quae uideo: nec me la-
tet nos sub unum stabulum coactos, unum pastorem
habere

habere: propterea autem mirum in modum lamentor, quod quum nos tot res copulauerint, seditione tamen agitemur. At quamnam, inquis, seditionem hic uides? hic seditionē quidem nullam. Verum con-
tione hac soluta, hunc ille accusat, alius aperte iniuriā affert, alius inuidet, auaritiæ & rapacitati studēs. alius uim affert. alius perditæ amat, alius sexcentos consuit dolos. quod si nostras animas detegere daretur, tum demum hæc, quæ dico, omnia exacte perspiceretis, cognosceretisq; me hac in parte non delirare. An non uidetis in exercitibus id usu euenire, ut milites pacis tempore armis positis nudi & inerines alteri ad alteros transcant? uerum ubi armis sese illi muniunt, ubi & custodiæ, & præsidia, & insomnes noctes, ubi & assidui item ignes incenduntur, iā non pax, factum eiusmodi, sed bellum. Hoc ipsum & in nobis quoq; uidere est. Etenim à nobis ipsi inuicem cauentes inter nos timemus, & ad aurem proximo unusquisq; uerba facimus: ac si alium accedentem uiderimus, filemus, eoq; sermone medio omnia contrahimus. quod quidem nequaquam confidentium est, sed hominum sibi admodum cauētium. At hæc, inquis, facimus, non quo iniuriam asseramus, sed ut ne patiamur. ob hoc ipse lugeo, quod quū inter fratres uiuamus, ut ne tamen iniuria afficiamur, custodiæ egemus, tot ignes incendimus, tot custodias ac

Cc præsidia

præsidia adhibemus. Cuius rei causa quidem est mendacij fraudisq; copia, tum autem ingens charitatis extinctæ penuria, breuiter bellum irreconciliabile. Ob quod non paucos inuenias gentilibus plus fidentes, q̃ christianis. atqui q̃ hæc indigna, q̃ hæc inuerecūda, q̃ lachrymanda, quàm deplorāda sunt? Dices. quid facias? hic difficilibus atq; incommodis moribus præditus est. & ubi philosophiam istam didicisti? ubi sunt leges apostolicæ quæ iubent, ut onera inter nos nostra feramus? nam si fratris consuetudine uti nescis, quando unquam poteris externi hominis usum recte ferre? si membrū nescis contrectare tuum, quando unq̃ alienum illicere, & tibi ipse cooptare poteris? Enimvero quid iam faciā ad lachrymas effundendas natura propensus minime sum. quando quidem abundātes ex oculis fontes emitterem iuxta prophetam illum, hoc ipso quod hoc in campo bella conspiciam infinita, illis perniciosiora. Ille quidem barbaros irruentes intuitus, dicebat, uter mihi, uterus mihi dolet: ego uero sub uno imperatore instructos quum uideā, deinde contra se mutuo stantes, mordentes, ac sua inuicem membra diuellentes, hos quidem pecuniarū, illos gloriolæ nomine, alios temere, ac nulla causa subsannantes, atq; irridētes, ac uulnera inter se multa infligētes, & mortuos item ips, qui in bello percutunt, grauius enectos, deniq;

deniq; fratrum nomen nudum duntaxat relictum
 esse, tum demum ne me habere quidē sentio quam/
 nam deplorationem hac tragœdia dignam excogi/
 tem. Vercamini igitur uereamini hanc mensam,
 cuius omnes participes sumus, Christū propter nos
 trucidatum, sacrificiū eidem mensę superpositum.
 Prædones salem eundem simul comedentes, prædo/
 nes esse desinunt, aduersus eos quorū cōuictu usi
 fuerint, mensa cousq; illorum mores immutante, ut
 qui feris immaniores erant, eos ouibus māsuctiores
 reddat. Ipsi autem eiusmodi mēse ac cibi participes
 aduersum nos mutuo armamur. quum hoc ipsum
 aduersus diabolū hostem communem facere con/
 ueniat. ob quod nos quidem infirmiores, ille autem
 fortior in dies singulos euadit. neq; enim cōiunctis
 uiribus aduersus illum munimur, sed nobis inuicem
 cōtrarij stamus, atq; eo duce ad eiusmodi acies con/
 flictusq; utimur: quum cōueniat aduersus illum so/
 lum depugnare, sed quo tamen relicto aduersus fra/
 tres sagittas dirigimus. quasnam inquis sagittas: eas
 inquam, quæ à lingua, atq; ab ore exeūt. neq; enim
 ipsa solū iacula, ac tela, sed & uerba quoq; telis ipsis
 multo letaliora uulnera inferūt. At quī poterimus,
 inquis, bellū hoc conficere? Si cogitaueris quod fra/
 tri tuo dum obtrectas, cœnū ob ore tuo profundis.
 Si cogitaueris, quod Christi membro calumniaris,

Cc 2 quod

quod carnem propriam deuoras: quod iudicium tibi feuerius reddis, iudicium inq̃ illud terribile, & in corruptum. quod telum non eum, qui ictus est, sed te qui ei aculatus es, occidit. At me, inquis, iniuria quapiam affecit, ac mihi damno fuit? Suspira, neu male dixeris. Lachrymare non ob tuam iniuriã, sed ob illius perditionem. quemadmodum & tuus dominus Iudam lachrymatus est, non quando quidem ipse crucifigebatur, sed quando quidẽ ille prodebat. iniuria te, & cõuicio affecit? deum hortare ut statim propitius illi fiat. Frater tuus est. membrum est tuum. idem tecum nascendi initium cepit, ad eandem tecũ mensam uocatus est. sed eo magis, inquis, mihi ille insultat. Igitur hac quidem ratione, maior tibi merces. hac ratione potissimum par est, ut iram ponas. quoniam quidem letalẽ accepit plagam, quoniam quidem ipsum uulnerauit diabolus. ne igitur & tu insuper ferias neue ipsum unã cũ illo deñcias. nam tantisper dum super sedes, potes ipse & illum seruare: qui si iniuriam iniuria retaliãs, te ipse quoq; deieceris, quis tandem uos humi iacentes tollet? ille uulneratus? certe haudquaquã poterit, humi prostratus. an tu qui unã cũ illo collapsus es? ita ne uero qui tibi ipse manũ porrigere nequisti, alteri poteris? Sta igitur generoso pectore, ac scuto opposito, uel mortuum illum è pugna (frater tuus est) per lenitatẽ trahito

hito. Vulnerauit illum ira: ne uulneraueris & tu, sed prior iaculum abiicito. nã si ita inter nos uixerimus, è uestigio sani omnes erimus. sin autẽ arma in nos met inuicem sumpserimus; ne diabolo quidẽ opus erit ad nostri internitionem. nam quũ omne bellum perniciosum, tum imprimis intestinum. hoc porrò bellum uel intestino, tanto est perniciosius, quanto maiora nobis sunt uitæ eius quam uiuimus, seu potius cognationis ipsius iura. Quõdam frater interfecit Abel cognato sanguine effuso. Veruntamẽ hæc cædes tanto illa est iniquior, quanto & propinquitas ipsa maior, & mors ipsa grauior. Etenim ille corpus uulnerauit, tu autem aduersus ipsam animã ensem acuisisti. At tu iniuriam prior passus es? Verum non quod passus fueris, sed quod feceris, hoc ipsum est iniuriam passum esse. Consydera porrò, trucidauit Cain. trucidatus est Abel. Vter igitur mortuus erat? Is qui post mortem clamabat (Vox enim, inquit, sanguinis Abel fratris tui clamat post me) an qui dum uiueret timidus, trepidusq; erat. hic enim, hic quouis mortuo miserabilior erat. Vidisti ut melius præstantiusq; sit iniuria affici, etiam si ad cædem usque quis processerit: disce ut iniuria afficere deterius sit, etiam si ad sanguinem usque quis peruenerit. percussit ille ac deiecit fratrem. Verum hic coronabatur, ille contrà puniebatur. sublatu

tusq; est præter ius Abel, sed tamen hic quidem ino-
riens accusabat, damnabat, ac mancipabat. Ille au-
tem uel uiuens obmutescibat, & pudore suffunde-
bat, & reus peragebatur, re ipsa illi contra animi sen-
tentiâ cedente. Interficiebat enim, quandoquidem
dilectum uidebat, expectans à dilectione illum ex-
turbare, extendit autem dilectionem magis ac ma-
gis, & ipsum. sanè mortuum deus magis inuestiga-
bat quum diceret, Vbi est Abel frater tuus? non e-
nim inuidencia amorem extinxisti, quin potius in-
cendisti magis: honorem eade non imminuisti, sed
eò intendisti magis. antea enim illum tibi subdide-
rat deus, posteaquam uero illum interemisti, uel
mortuus te ulciscetur, tanta est mea erga illum dile-
ctio. Vter igitur est reus peractus, qui supplicium
affert, an qui supplicium patitur? qui tantum à deo
honorem assequitur, an qui nouo cuidam & inspe-
rato supplicio addicitur? Illum, inquit, uiuentem
non timuisti. igitur mortuum timeto. non territus
es, gladium impacturus: tremore assiduo corripie-
ris, uel sanguine iam effuso. Viuens tibi seruiebat,
neque sustinuisti, ob hoc mortuus tibi factus est
terrificans, dominus. Hæc igitur consyderantes dile-
cti, inuidenciam fugiamus, extinguamus uitiosita-
tem, charitatem mutuo retribuentes, ut illius fru-
ctus


Etus tū in hac, tū in futura quoq; ul' a decerpamus:
gratia & benignitate domini nostri Iesu Christi, per
quem, & cū quo, patri gloria, unā cum san-
cto spiritu, in secula seculorum
Amen.

BASILEAE IN OFFICINA FROBENIANA
PER HIERONYMVM FROBENIVM
AC NICOLAVM EPISCOPIVM
ANNO M. D. XXXIII
MENSE MARTIO.


1005.681



FINE







R. SALVAREZZA
RESTAURO
Via Val Sassina, 69
Tel. 099.223

